




إقليم القاهرة الكبرى  
ثقافة القاهرة

# عمرة الحار

هويدا صالح



رواية

الإهداء

إلى

أبي

عبد القادر صالح

و

أمي

صباح محمد مرسي

## قاعة الشيخ

" عليّ " كما كان يسميها الحاج صالح، والمقعد البحري كما كان يسميها باقي سكان المنزل الكبير. هي سر من أسرار المنزل. يتم الحديث عنها همسا أو بالتلميح . وهي موضع أسئلة الصغار الدائمة .

حين يقترب موعد الصلاة . تفتح باب المقعد البحري و تدخل . تنتظر سلوي قليلا من الوقت ، ثم تسرع خلفها. دائما تأسرها الحصر المزينة برسوم الخيول والجمال التي تحمل الذاهبين إلى الرسول للحج .المخدرات الصغيرة المغطاة بالقטיפه مرصوفة في الأركان بدقة. كثيرا ما قارنت بين القنديل المعلق في سقف المقعد وقنديل أم هاشم في الحرم الزينبي . زاغت عيون الصغيرة ، حين لمحتها صباح أسرع لتشدّها من يدها :

- تعالي هنا علشان متشغليش ستك في الصلاة .

- سيبيني يامه أبص بس علي الصور واستني ستي .

- أنت مشبعتيش من الفرجة؟

أشارت بيدها علي اللوحة الزيتية الكبيرة، تلك التي رسمتها يد فنان بدقة لموكب الحج . لرجل في متوسط العمر تطاير شال عمامته الأبيض ، وبالرغم أن جدها الشيخ صالح يقول دائما أنه جدهم الكبير الذي قدم مع بداية الفتح الإسلامي واستقر في الصعيد ، إلا أنها كلما رأته غاصت في صورة المسيح الموضوعه في بيت صديقتها ؟ والحائط المقابل لها صورة خضراء فسفورية مكتوب عليها بخط كوفي شجرة الأنبياء ، بجانبها مباشرة صورة مكتوب عليها بنفس الخط شجرة العائلة . يتسلسل فيها نسب العائلة حتي الدوحة العلوية .

- يا بنتي متوجعش قلبي . ستك قربت تخلص استنيها بره .

أشارت لها الحاجة التي سلمت عن يمينها وشمالها في تلك اللحظة فتركتها وخرجت ، قرفصت سلوي بجانب جدتها والحاجة تختم صلاتها وتمر بيدها علي جسد الصغيرة وتدعو .

- ادعيلي يا ستي أبقى دكتورة .
- تمر يد الجدة علي رأس الصغيرة وهي تتمم بالدعاء والصغيرة ملهية بالصور :
- مين دول يا ستي اللي في الصورة الكبيرة ؟
- ترفع الجدة يدها في الهواء ، وتشير علي الجزء الذي يظهر فيه الرجل ذو الشال وتقول:
- ده جدنا الكبير اللي راكب علي الحصان الأصهب وشاله مطيره الهواء .
- هوه كان فيه زمان تصوير زي الأستوديو اللي في دير مواس يا ستي ؟
- لأ طبعا ده رسم .
- بس يا ستي دي الصورة زي ما تكون حقيقة .
- تعجبت الحاجة من فضول الصغار وفي صوت مليء بالعطف والحب قالت لها :
- يلا يا ست البنات سمعيني اللي حفظتية عند الشيخ جلال .
- تعرفي يا ستي سامية بنت عمي " علي " الشيخ حلف ليعلقها في الفلكة زي الصبيان لما محفظتش الغاشية
- وانتي حافظة لغاية فين ؟
- حافظة لغاية التحريم اسمك يا ستي ؟
- تربعت الصغيرة وقلدت الشيخ (جلال) الذي يحفظها القرآن في الكتاب وعقدت ما بين حاجبيها ووضعت يدها على أذنها ومالت بجسدها يمينا ويسارا وقرأت. خرج صوتها منعماً بالآيات القصيرة ،حاولت جاهدة أن تقلد نبرة صوت الشيخ جلال فجاء صوتها غليظاً وضمت شفثتها وبعد الانتهاء من التجويد قالت :
- يا بت يا سامية لو محفظتيش زي سلوي هعلقك في الفلكة ، سامعة ولا أبعث لجذك الشيخ صالح .
- ضحكت الحاجة علي طريقة تقليدها واحتضنتها ، ثم أمسكت بيدها الصغيرة بين يديها الدافنتين وأخذتها إلى حجرتها لتعطيها مكافأتها .
- هتديني سكر نبات يا ستي مش كده .؟
- هديكي سكر بنات علشان انتي زي السكر .
- وسامية يا ستي لما تيجي هتديها زيي ؟
- طبعا هديها هيه كمان .
- ليه يا ستي؟
- ثم سحبت يدها من يد سته التي وقفت أمام الصندوق وأضافت وهي تتطلع

بعيونها الصغيرة إلي عيون جدتها قائلة:

- وهيه شاطرة زيي ؟

مدت الجدة يدها إلي رأس الصغيرة ، وجذبتها إلي صدرها . غابت في دفع

الصدر ، ثم سحبت نفسها فجأة وتطلعت لوجه جدتها :

- ستي هي سامية ليه مش زيي ، ومرات عمي دايمًا بتضربها .

أخرجت الجدة مفتاحًا أصفر لامعًا ، نزلت بجسدها الأبيض الثقيل إلي الصندوق

وهي تقول :

- معلش يا حبيبتي ، أمك غير مرات عمك

- طيب يا ستي إديها علشان تبقي شاطرة زيي . . ولا أقول لك يا ستي لما تحفظ .

دي بتلعب طول النهار ومش بترضي تيجي معي علشان جدي يحفظنا ، ولما يبجي

جدي " جود " تجري فريعة تكون أول واحدة قاعدة .

ابتسمت الجدة وهي تضع المفتاح في مكنه ثم نظرت إلي الصغيرة وبابتسامة

كبيرة قالت :

- معلش بكرة تفهم وتبقي شطورة زيك كده .

أمسكت بقطعة السكر النبات ونظرت إليها كثيرًا قبل أن تضعها سريعًا في فمها

، وهي التي فكرت طوال الطريق من المقعد البحري إلي حجرة جدتها أن تحتفظ

بقطعة السكر ، حتي تغيظ بها ابنة عمها، لمحت الجدة ذلك التوتر الذي اكتست به

ملاح الصغيرة وهي تضع القطعة في فمها ، ثم تخرجها بسرعة ، ثم لا تقدر علي

مقاومة الطعم الجميل الذي أصبحت تحس به وأدخلت القطعة سريعًا مرة أخرى .

الجدة تمد يدها إلي الصندوق مرة أخرى . تخرج قطعة أخرى تمنحها لها . نظرت

إليها ملياً ثم دستها في جيبها وهي تكاد تطير من فوق الأرض.

قبل أن يحل المساء تدخل الحاجة إلي القاعة . تخلع زجاج القنديل تغسله بليفة

ناعمة مغطاة برغاوي الصابون ثم تشطفه جيدًا بالماء وتحضر قماشة ناعمة

وتدخلها في زجاج القنديل وتلفها حتى تجفقه تمامًا وتشعله ، ولا تنسى أن تخفض

الشعلة قليلاً ، وتركب الزجاج اللامع ، ثم تعلقه وتخرج. تجد الصغيرة تنتظرها

على باب القاعة . تعجب من أمرها فهي لا تلعب كباقي الصغار ، بل تنشغل دائمًا

بما تفعله الجدة وبما يدور في حلقات الذكر . تدخل نفسها تحت ذراعها وتسير

معها إلى حجرتها تجلس معها على سريرها وتسالها عن قاعة الشيخ (على).

تبتسم الحاجة ومن خلال رموشها السوداء الطويلة تلمح الصغيرة دمعة تترقق

- في عيون الجدة . تتهد وتقول للصغيرة إنه رجل مبارك يسكن القاعة البحرية .  
تتحير الصغيرة وتسال جدتها:  
- يعني إيه مبارك يا ستي ؟  
- يعني مغطينا ببركته وساكن المقعد البحري .  
- ميت يعني ومدفون فيها ؟  
- ماحدش عارف جسمه مدفون هنا في المقعد ده ،  
ثم تشير بيدها علي الجهة البحرية التي يسكنها الشيخ وهي تضيف:  
- ولا في المقام اللي في أول البلد عند الترب ،  
ابتسمت الصغيرة وهي تقول:  
- قصدك المقام اللي الحاجة نبوية بتخدم فيه؟  
ابتسمت الجدة وربتت علي رأسها ، وهي تهز رأسها بإشارة الموافقة.  
- طيب وانتوا عرفتوه منين يا ستي ؟  
- طلعلنا لقينا أهلنا بيقولوا لنا دي قاعة الشيخ علي وماحدش متأكد من دفنه فيها  
ولا في المقام ،بس اللي الكل متأكد منه إنه بيجمع أهل الخطوة للصلاة كل ليلة  
جمعة .  
- ممكن يا ستي أطلب منه طلب ؟  
- تطلبي منه إيه ؟  
- ممكن أقوله يطلب من ربنا إنه يدي أمي ولد زي محمد ابن عمي ؟  
ضمتها الجدة في صدرها ، وهي تكاد تبكي وقالت بصوت المتأكد:  
- ربنا يا عين أمك هيكرمها المرة دي أنا حاسة بكده .  
- دي مرات عمي تحية بتخليها ساعات تعيط لما يتخانقوا .  
- أمك غلطانة. إيه يعني ولد ولا بنت ده انتي عند جدك بكل الصبيان .  
- بس برضو أمي زعلانة دايمًا من كلامها ،ثم سكتت قليلا وهي تتطلع إلي وجه  
جدتها الرائق وأضافت:  
- هوه إحنا وحشين يا ستي؟  
احتضنتها الجدة سريعا وقالت بحدة :  
- لأ يا عين ستك أنت وإخواتك ما شاء الله ربنا يبارك فيكم بس هنقول إيه عقل  
نسوان فاضي .  
- تعرفي يا ستي ناهد أختي شاطرة هيه كمان أشطر من كل ولاد عمي الصبيان

حتى المدرسين دائما ببسقفوا لها، و ميرفت كمان . كلنا شاطرين .  
- بكرة ربنا ينصفكم وينصف أمكم .

تحيرت الصغيرة من كلام الجدة ولم تفهمه تماماً ،مرات عديدة قاومت النوم حتى ترى الشيخ (علّى ) يوم أهل الخطوة في صلاة الفجر في القاعة البحرية ، ودوماً يغلبها النوم ولا ترى شيئاً .

في ليلة من ليالي الصيف جلست الصغيرة في حجر جدتها ، وهي تداعب حبات مسبحتها التي تشع نوراً فسفورياً في الظلام ولسانها لا يفتر عن ذكر الله همساً وبعد أن انتهت من التسبيح. أدارت سلوي وجهها لجدتها وظلت تقبلها وتلح عليها أن تجعلها ترى الشيخ على وحلقة الذكر

- والنبي يا ستي نفسي أشوفهم مرة علشان خاطري ومش هقول لخواتي .  
وعدتها بأن توقظها حين يُقام الذكر بشرط أن تنام الآن .لم تطمنن الصغيرة لوعدها الحاجة . قاومت النوم وأخذت تدعو الله في سرها أن يمكنها من رؤيتهم ، قطعت علي نفسها كل الوعود اللازمة ، حتى يمكنها الله من رؤيتهم :

والنبي يا رب . لو خليتني أشوفهم مش هغيظ البنات بدرجاتي العالية ، ومش هفرح لما الشيخ جلال يضرب ولاد عمي . كمان يا رب هساعد سامية في حفظ التحريم كمان ، ولو عايزني أديها السكر النبات اللي مخبيها كله يا رب .  
وبعد أن نامت الجدة .تسللت من جانبها .ذهبت إلى القاعة البحرية ، وبرهبة نظرت من ثقب الباب رأت أجسادا تتمايل ، وأصواتا تهمس أحياناً، وتعلو أخرى والحجرة يملؤها ضوء أبيض .ارتعشت الصغيرة وجرت إلى حضن جدتها التي ما تزال نائمة على السرير النحاسي وهمست لها :

- شفتهم ياستى كانوا بيتمايلوا ويذكروا

- نامي ياعين ستك .

قالت الجدة وهي تعود بجسدها إلي الجانب الأيمن.

- والله العظيم شفتهم بجد .

قالتها الصغيرة بشوق بالغ وعيون مليئة بالدهشة. ردت المرأة من خلال عيونها النائمة :

- مصداكي بس نامي وبكرة احكي لي .

ثم رفعت يديها للصغيرة وضمتها إلي صدرها ، وهي تبتسم من خلال رموشها الناعسة وطوقت جسد الصغيرة المرتعش بذراعيها العاريتين ، ظلت تقرأ القرآن

ويدها تططب عليها ، حتي غرقت في النوم ، و نامت هي الأخرى وعلى وجهها ابتسامة راضية .

في الصباح جرت سلوي على والديها وعمتها فاطمة ، أخبرتهم بما رأت فابتسموا جميعا ولم يعلق أحد ، ظلت تحلف وتقسم أنها رأتهم بالفعل ، ولكنها لم تتأكد هل صدقوها أم لا ؟ وصار حلم رؤية القاعة التي تشع نورا والأجساد التي تتمايل يراودها لسنوات طويلة .

الشيخ صالح :

هو ابن لأحد أقطاب الصوفية الذين ينتمون إلى الدوحة العلوية، انحدرت أصول عائلته من الأشراف الذين سكنوا صعيد مصر في بداية الفتح الإسلامي . أدخله أبوه الأزهر الشريف ، ليتعلم العلم الظاهر . كما قال له حين بعث به إلي القاهرة - أو علوم الفقه والشريعة قبل تعلمه العلم اللدني وعلوم الصوفية . ظل منزله ملتقى الأقطاب والمريدين السالكين في طريق الله ، ومقصد أرباب الأحوال ، حاول أن يزيل اللبس من أذهان بعض الناس الذين يفرقون بين الشريعة والحقيقة ويؤكد أن الشريعة والحقيقة وجهان لعملة واحد . من الذين انشغل بهم وحاول تقريب هذه الحقيقة لأذهانهم ابناه عنتر والنضر وإن فشل مع الأول ، فظل عنتر طوال عمره يميل للدنيا ولا يري من الدين إلا أوقاتا تُصلي علي استعجال في المسجد ، وإن ضاق الوقت يُصليها في البيت أو الغيط ونجح مع الابن الثاني النضر الذي نهل من بحر الولاية وانتقل إلي جوار سيد الشهداء .

بعد أن ختمت الحاجة دولت أورادها الليلية غلبها النعاس، فنامت. رأت الشيخ علي يطفئ مصباح القاعة ويغادر المنزل. نادته ، فلم يرد عليها. تعلق بأذياله ، فأشاح بوجهه ، وتركها ، ومضي ، ظلت تبكي ، وتناديه ، وهو يواصل طريقه ولا يلتفت . استيقظت مرعوبة أزاحت ذراع الصغيرة التي تطوقها ، وقامت مسرعة . دخلت حجرة الشيخ . كان مازال يختم صلاته أخبرته بانطفاء المصباح والشيخ الغاضب الذي غادرهم . نُقِلَ هذا علي نفسها . شعر صالح بالحزن ، لأنه لم يُقم ختمة للقرآن منذ فترة طويلة . الظروف المالية للأسرة لم تعد تكفي ، وإخوان الله



يزيدون كل يوم . فلا يمر يوم إلا وينزل عليهم ضيوفا من الشمال أو الجنوب ولما يعترض عنتر الابن الأكبر ، ينهره الأب، ويقول: إنهم ضيوف الله .طمأنها وأخبرها أنه سيحاول إرضاء الشيخ " علي " ويُقيم له ختمة للقرآن :

- عندك حق يا دولت الشيخ(علي) مايجيش في المنام زعلان بالشكل ده إلا علشان ميعاد الختمة اللي اتأخر .

- طب وبعدين يا صالح لازم تتصرف وتعملها علشان الشيخ ميزعلش إحنا عايشين ببركته .

- ربنا يسهل هأخذ من الفلوس اللي شايلهم لمولد الحسين ونبقي نتصرف ساعتها

- ماتخفشي البركة في عنتر نبقي نكمل منه لو الموضوع قصر معانا .

- عنتر؟ ده الدنيا وخداه علي الآخر ومعدش بيدفع حاجة لا في الختمة ولا في غيره وشايف إن ده بعزقة شقانا علي الفاضي .

- متعلشي هم ، ساعتها يحلها حلال .

نادي علي عمر ابنه الأقرب إلي قلبه ، دائما يوكل إليه مهمة رعاية الإخوان وإقامة ليالي الذكر ، طلب منه أن يذهب إلي سوق الخميس ليشتري خروفاً من أجل الختمة والأخوان الذين سيحضرون من البلد والبلاد المجاورة بناءً علي دعوته لهم .

اجتمع المريدون الليلة ، ليقيموا حلقة ذكر احتفاءً بساكن المقعد البحري لعله يرضى ويشعل قنديه ويستريح خاطر الحاجة الخائفة علي أبنائها .

بدأت فاطمة وصباح تساعدان الحاجة دولت في إعداد الطعام ، أما فايضة زوجة النضر ، كانت جالسة على طشت الغسيل . وبختها الحاجة على جلوسها طوال النهار دون أن تفعل شيئاً:

- إنت يا عدلة هتفضلي النهار بطوله على شوية الهدوم ؟

- طب أعمل إيه يا أمه؟ ما أنت عارفة ابنك ، إن مكنتش الهدوم تشف وترف يبهدلني .

اغتاظت الحاجة التي تحرص علي أن يكون كل شيء معداً لاستقبال ضيوف الله وخوفها ألا يفوتها شيء ، رمتها بنظرة قاسية ، واتجهت إلي عبد الرحيم الجالس على سحارة العيش في حجرة الخزين ناظرا إلى لا شيء .كان الكل مشغولا عنه إلا عيون أمه ، شدته من يده لتغير ملابسه ، تملص من يدها وعاد ذاها لا يجلس في

مكانه. طبطبت علي ظهره .سار معها إلى حجرتها ، ألبسته جلبابا نظيفا وأدخلته إلى القاعة. وقف بجانب الرجال الذين يتمايلون على إنشاد الشيخ من بردة البوصيري. أخذ يتمايل معهم. ظل يهتز في تشنج والعرق يسيل من جسده الفتى ولما انفض الذكر ألقى بجسده على الأرض وجلس مسندا ظهره للجدار ينظر عيون الرجال المنتشين ولا يتحدث، حاول أبوه ممازحته - أنت قنديل الحلقة يا شيخ عبد الرحيم :

كان هائما في ملكوت الله فهو الحاضر الغائب. قال الشيخ لعمر: - ابدأ يا شيخ عمر في ذري المحبة الشامخة وفي آفاق النور والإشراق . طف بنا أقطاب الولاية في رحاب الملكوت الأعلى واغش بنا حضرات القرب والوصول . ابتسم عمر راضيا وأخرج من صندوق الكنوز لطائف المنن للإمام أحمد بن عطاء الله السكندري. ولما وصل عمر في حكيه أن الإمام لشدة قربيه من طه النبي كانت تطوى له المسافة بينه وبين القبر الشريف ،حتى أنه كان يضع يده على مقصورته وهو جالس في مصر .انتشى المشتاقون إلى حضرة المولى عز وجل وعلا صوت الشيخ :

- اللهم صل علي طه الحبيب .وايه كمان يا بني سمعنا الله يفتح عليك . انتبه عبد الرحيم وتمتم ولا أحد يدري إن كان يصلي على النبي أم أنه مازال سارحا في ملكوته. لا يعي شيئا مما يقال وهو يتمايل بجسده معهم، ولكنه لا يشاركهم فرحتهم بأخبار الأقطاب والأولياء لاحظ الشيخ شفاه ابنه التي تتمم فقال للذاكرين :

- والنبي الفاتحة يا إخوان محبة في النبي يمكن يعفيه ربنا ويكشف غمته . علا صوت الذاكرين بالفاتحة وامتلات عيون عمر بالدموع واختنق صوته . كانت الحاجة واقفة هي وباقي النساء وراء الباب .رفعت يديها للسماء وعلا صوتها بالدعاء ، حتي يمكن لملاك واقف يشاهد الجمع المنتشي أن يطير دعواتها إلي السماء البعيدة ويربت في نفس الوقت بيده الحانية علي قلبها ويبرد ناره. دمعت عيناها وهي تقرأ الفاتحة وتتوسل إلى الله أن يشفي ولدها:

- يا رب يشفيك يا بني ويزيل غمك،

ثم رفعت عينيها ويديها عاليا وهي تضيف:

- يا رب يا عالم بحالي وغني عن سؤالي تشفيه بحق جاه المصطفى .

شعرت كأن يدا باردة توضع علي صدرها ، كان الملاك المنتشي بالذاكرين مهموما

بدعواتها ، فبرّد نار قلبها ، وطار بدعوتها إلى السموات البعيدة .  
استمرت الحضرة متوهجة بنور شمس المعارف ، وحين انتشى الذاكرون  
بالطائف .

قال له الشيخ :

- سمعنا ترجمان الصوفية واغترف لنا من معين السر الإلهي .  
ألا إن أمر الله أمر رسوله فإن رسول الله عنه يترجمُ .  
وما هو إلا واحد بعد واحد يكون علي شرع به الله يحكمُ  
فتختلف الآيات وذلك عين الحق في كل شرعه والكل منه ومنهمُ .  
ثم أخرج عمر طبقات الإمام الشعراني وبدأ يقرأ فيها:  
وليس يصح في الأذهان شيء إذا احتاج النهار إلى دليل  
-إي والله يا بني فشموس المعارف لا تحتاج إلى دليل،وتكتحل بضياء الولاية  
بصيرة كل عارف .

بدأ يحدثهم عن الإمام الشعراني صاحب كتاب الطبقات الكبرى وكيف أنه أورد في  
كتابه ما أنعم الله علي الكرام من منح وهبات اصطفاية تبرز فضله سبحانه علي  
أوليائه وتفردهم في ذروة الولاية والتحقق والتمكين .  
قال أحد الذاكرين:

- سمعنا يا شيخ عمر سر الصفاء الرباني وخلينا نصعد في معارج الحب الإلهي.  
انطلق صوت عمر صافياً رائقاً:

جمالك في كل الحقائق سافر وليس له إلا جلالك سائر  
تجلت للأكوان خلف ستورها فنمت بما تخفى عليه السرائر  
ردد الأخوان وراء عمر بصوت متناغم، فطرب عبد الرحيم الذي كان ما يزال يتمم  
ووقف متمائلاً. يعلو صوته ويقول الله حي .كان الملاك ذاته الذي حاول تهدئة قلب  
أمه يقف بجانبه يهدده وهو يذكر، بل كان ذلك الملاك ذاته يتمايل علي إنشاد  
عمر ويطرب ، ولكنه ينظر من طرف خفي إلي الحاجة الواقفة خلف الباب وقلبها  
يخفق من صوت ابنها الذي يردد الذكر. يبتسم الملاك ويشعر بالرضا ويواصل  
الذكر مع عبد الرحيم الذي اندهش الإخوان من تصرفه وبدأوا يقفون بجانبه واحدا  
وراء واحد ويرددون ، فقال الشيخ صالح :

- عبد الرحيم يسبح في خضم الأنوار الإلهية و يناجي معشوقه .

وقف الشيخ بجانبه يردد الله حي . الله حي

بعدها ردد عمر أبيات عن سيدنا إبراهيم الخليل ولماذا سمي بالخليل  
قد تخللت مسلك الروح مني ولذا سمي الخليل خليلاً  
فإذا ما نطقت كنت كلامي وإذا ما صمت كنت العلاء.  
الفريضة

كان المنزل الكبير يتوسط الشارع الرئيسي في البلد. فلم يكن من عادة الناس في  
هذا البلد أن يُطلقوا أسماءً على شوارعهم اللهم إلا قولهم شرق البلد ، وغربه ،  
أو بحري البلد أو وسطه.

في قلب البلد تماماً يقع ، كان يتكون من طابقين. الطابق الأول فيه المقاعد من  
ناحية ومداود البهائم وصفائح الحمام في الناحية الأخرى، تفصل بينهما مساحة  
كبيرة ، وحائط حرصوا علي إقامته ، حتي يفصل المقاعد عن الزريبة ، و حَمَام  
الحاجة الذي يعيش في صفائح معلقة على جوانب الحوائط. وكذلك توجد شجرة  
توت كثيرة الفروع. تظل وسط الدار الواسعة .

عند بناء ذلك البيت لم يجدوا عروفاً من الخشب طويلة بما يكفي لتظليل  
وسطها، فاكثفوا بالتوتة التي كانت قصيرة وقتها . لما اقترح البناء الذي بني له  
البيت أن يقطعها ، ويستفيد بالأرض في بناء قاعة للضيوف الذين يعرف كثرتهم  
فهو يذكر خلفهم حين تقام الحضرة قال له :

- تعرف يا بوي صالح لو قطعنا الشجرة دي هتوفر مساحة كبيرة تبني مقعدين  
وأكثر ، وكله هيوسع علي ضيوفك .

- لا يا أسطي طه مش ممكن أقطع شجرة كانت بتظل علي خلق الله .

- بس دي هتوفر لك مساحة ياما وأنا عارف ضيوفك كتير قد إيه .

- الدار واسعة، ليه نضيقها علي نفسينا ،أهي بكرة تفرّع وتظل تحتها والعيال  
ياكلوا من خيرها .

الدور العلوي ، يتكون من حجرات ثمان متقابلة ومجهزة لسكنى الأبناء الأربعة كل  
بزوجته وأبنائه.

الابن الأكبر هو عنتر جهم الوجه ، حاد النظرات ، لا يبتسم إلا قليلاً يضع كل همه  
في العمل ،لم يسمعه أحد يوماً يمازح أحداً. لا هم له إلا العمل ويكتفي بالصلوات  
المفروضة فقط .لا يشارك الأب حلقات الذكر، حين أكمل الثانية والعشرين عرض  
عليه أبوه ابنة خالته تحية قال له :

- يا عنتر إيه رأيك يا بني نخطب لك تحية بنت خالتك ؟

- اللي تشوفه يابا أي واحدة والسلام .
- يعني يا بني مفيش حد معين في راسك ؟
- لأ يابا ، بنت خالتي كويسة .
- علي بركة الله يلا يا حاجة كلمي أختك الأول .
- لما عرضت عليها أمها الفكرة اغتمت تحية ، فقد كانت تنتظر أن يتقدم لها عمر فهي تميل إليه وتتمناه ، و يقاربها في السن أما عنتر فيكبرها بعشر سنوات ..
- تدرك أن عمر يضع عينه علي صباح ابنة شيخه محفظ القرآن ، عرفت ذلك من وداد صاحبة فاطمة والتي ستصير صديقة لصباح فيما بعد ، تساندها وتكتم أسرارها ، لا تعرف لماذا كرهت تحية وداد في تلك اللحظة، ولم تغفر لها يوماً نقلها لهذا الخبر إلي صباح ذاتها، ومما زاد في كره تحية لوداد أنها صارت صديقة لصباح ، بل وتحرص علي إغاضتها حين تقف معها علي الباب وتحادثها بصوت عال ، تحرص علي أن يصل إلي مسامع تحية التي لم تكن بحاجة لصوت عال ، فهي دائمة التنصت علي أحاديثهما.
- وافقت تحية علي مضض علي الزواج من عنتر بعد أن قالت لأمها :
- بس يامه ده كشر وما بيضحكش أبداً .
- يعني انتي عايزة أراجوز تتجوزيه .
- لأ مش قصدي،طيب ما عمر مش أراجوز بس وشه بشوش .
- يا بت ده عنتر راجل وشغال ،وليه مستقبل بكرة يمسك أرض العمدة كلها .ومش بعيد يبني لك سراية زي سراية العمدة .
- اللي تشوفيه أهو راجل والسلام .
- تحية (الفريضة)أطلق عليها هذا الاسم الحاج محمد الجنّي الصالح الذي يركبها . ينزل عليها ساعة الغضب. يظل يضربها ويمرمغها في الأرض ،حتى تخور قواها ولا تقوى على فعل شيء ، الكل يعرف حكاية الحاج محمد الذي ركبها وهي بعد صغيرة حين كانت تلعب مع البنات في ( الشيخة حابسة ) تلك البقعة من الأرض الكثيفة الشجر والنخل و الموجودة في منطقة وسط بين الحقول ومنازل القرية . ترتعش فرائص الواحد حين يمر عليها ليلا.لا يطمئن إلا حين يمد الخطو وهو يردد ما يحفظ من آيات قرآنية حفظها طوال عمره .ربما تتوه من الواحد في تلك اللحظة هذه الآيات ويحاول تذكرها فلا يقدرهو الذي حفظها عن ظهر قلب تحت وقع خيزرانة الشيخ جلال في الكتاب وهو بعد صغير.ربما لحظتها يعجب من نفسه،

ففي موقف آخر يجد نفسه حافظاً لتلك الآيات التي تفر منه الآن ، كانت تحية تلعب مع البنات وسط النخيل وتتحدى من يمكنه المحافظة علي الكرة دون أن تفلت من يدها وهي تواصل الأغنية ( واحد اثنين سرجي سرجي . أنت حكيم ولا تمرجي . أنا حكيم العيادة . العيان أديه حقنة والمسكين أديه لقمة . نفسي أزورك يا نبي ياللي بلادك بعيدة فيها أحمد وحميدة ) كانت عيون البنات متعلقة بيدها التي تطلع وتنزل بالكرة المطاطية . كل واحدة تتمني في سرها أن تقع من يدها . كانت تحية الوحيدة التي تقدر علي إكمال الدور ، وربما تبدأ أغنية جديدة الكرة تقفز وترتد تحت كفها ، دون أن تفلت منها . سقطت الكرة من يدها ، ولأول مرة قبل أن تصل لنهاية الأغنية فرت منها الكرة المطاطية الصغيرة . قالت لهن تعالين ندخل وسط النخيل حتي نأتي بها ولكن الصغيرات اللاتي يسمعن كثيراً عن جزاء من يتعدي علي الشبخة حابسة ، ويتوغل بين أشجارها خفن وقرن العودة إلي بيوتهن ، فأمهاتهن لا بد يجهزن الطعام في تلك اللحظة ، ولكن تحية التي تريد دائماً أن تثبت أنها أشجع من كل الأولاد الذين يرفضون إشراكها معهم في لعبهم لأنها بنت ولا تقدر علي المخاطرة في تسلق النخيل أو أشجار التوت أصرت علي الدخول إلي دغل النخيل المتكاثف، زحفت علي بطنها وأمسكت بالكرة الصغيرة وعادت منتصرة . نظرت حولها فلم تجد الصغيرات اللاتي هربن لما سمعن الصرخة العالية . ارتعش قلبها وأحست بشعر رأسها يقف حين سمعت تلك الصرخة التي لم تعرف مصدرها . صرخت وظلت تجري وتتعثر إلي أن انكفأت وغابت عن الوعي .

مرت ساعة ولم تجرؤ إحداهن علي البوح بسر الصرخة المرعبة . كل واحدة دخلت بسرعة ، ولبَدَتْ في حزن أمها ولم تحدث أحداً بما سمعت . لم ينقذها إلا فلاح كان يمر في تلك اللحظة يسحب بقرته وراعه ويردد موالاً يُطمِن به قلبه الذي يرتعش دائماً دون سبب وهو يمر من هذا المكان . وجدها غائبة عن الوعي . تعرف عليها علي الفور . كانت صديقة لابنته الصغيرة ، وتلعب معها أمام البيت .

حينما يحل المساء هي وباقي الصغيرات ، عاد بها إلي أمها . جرت علي أختها الحاجة دولت لترقيها ، وتدعك جسدها الذي يبيحُ ناراً بالخل وماء الورد المغموس فيه وريقات من النبق . ظلت الصغيرة ثلاثة أيام تحدث أشخاصاً غير موجودين ، في صباح اليوم الرابع أفاقَت تماماً . نسيت كل ما يتعلق بالحادثة وإذا سألتها البنات عما رأت داخل الدغل ترفض التحدث ، بل تدعي أنها لا تعرف شيئاً عما يتحدثن به ، بعدها إذا غضبت أو تشاجرت مع أحد تظل تصرخ ، وترتمي علي

الأرض إلي أن تشعر بالتعب ، وتغيب عن الوعي ، ولا تفيق إلا بعد ساعات ، وترفض الحديث عما تشعر به أو يحدث لها . في أوقات الصفا القليلة بينها وبين خالتها الحاجة تحكي لها عن الحاج محمد الذي يحذرهما دائماً من الإساءة إلي أحد . يخبرها أحياناً ببعض الأحداث التي ستقع ، وفيما بعد حين تتزوج صباح من عمر وتحمل منه ويقترب موعد الولادة كانت تؤكد لعنتر أن ما في بطنها أنثى ، فيغضب ويتهمها بالجهل والتعدي علي حرمة الله حين تتنبأ بأمر كهذا ، ويتمني أن يخيب رجاؤها وتنجب زوجة أخيه ولداً حتي يفرح قلبه ، ولما تلد صباح بنتاً كان ينظر إلي زوجته متحيراً ، ولا يعلق وهي تنظر إليه متحدية ولا تجرؤ هي الأخرى علي التعليق . كثيراً ما تنبأت بأمر صغيرة يصدق معظمها ولا يعلق أحد علي نبؤاتها وكثيراً ما لجأت إليها الجارات ليسألن عن أمر يغيب عنهن أو يطلبن رأيها في أمر يعزمن علي اتخاذه ، حاول زوجها أن يمنعها من ممارسة طقوسها السحرية هذه :

- يا مره يعني نبقي بيت صلاح وزهد وإخوان الله وأنت تفضحينا بعفاريتهك .
- يا عنتر لا تتناول علي الحاج محمد ، مش هقدر أمنعه عنك لو أذاك .
- ياأيني إيه يا مخرفة ، لو شفتك شغالة بفتاويك دي للحریم هقطع رقبتك .
- وهو أنا باخد من حد فلوس ، دي خدمة لوجه الله .
- الله ياخذك ويريحني منك .

كان بينه وبين نفسه لا ينكر أن كثيراً مما قالت له علي انفراد في أحداث تنبأت فيها للعائلة بأمر من الأمور قد وقعت بالفعل، ودائماً يقول لها: إن هذا مجرد صدفة .

ساعت أحوال العائلة . أنفق الوالد كل ما كان يملك على المريدين وأهل الطريق . لم يتبق من أراضي الأسرة الشاسعة إلا بضعة أفدنة تعد علي أصابع اليد الواحدة ورثها الشيخ صالح عن أبيه ، كما ورث حبه لأهل الطريق . حاول جاهداً طوال تلك السنين أن ينمي هذه الفدادين القليلة ولكنه فشل . بالكاد حاول الحفاظ عليها . كان المنزل الكبير حلقة الوصل بين المريدين الذين يتجهون شمالاً لزيارة آل البيت وشيخ العرب و الدسوقي ، والذين يتجهون جنوباً لزيارة الرفاعي و القشيري و عبد الرحيم الفتاوي . الكل يحط رحاله ، يستريح ويأخذ واجب الضيافة ثم يواصل السفر إلى مولاه الذي يطلب صحبته .

عمرة الدار

استيقظت الحاجة على نداء عمرة البيت .توضأت ، وصلت ثم أحضرت مترد  
الخميرة التي ربتها في الليل .وجدت الخميرة فارت وزادت علي حواف المترد .  
بسملت ، و صلت على أبي فاطمة وكبتها في الماجور الكبير، وبدأت تدعك فيها  
الدقيق حتى تماسك. بدأت ترفع قطع العجين وتضربها مرة أخرى في الماجور  
ظلت ترفع العجين لأعلى وتضربه في باقي العجين ثم غطته بقطعة قماش بيضاء  
مخصصة له. شعر الصغار بخبطاتها في العجين فقفزوا مسرعين فهم يعشقون  
يوم الخبيز. ففي هذا اليوم يأكلون كل ما يحبون. أرز مدسوس في الفرن وبطاطا  
مشوية في جمر النار الذي يخلفه الخبيز. وإن أسعدهم الحظ تخرج لهم الحاجة  
الأرغفة مسلوقة لم يتم نضجها وتفرش في وسطها القشطة والجلاب.  
نادت الجدة على سلوي وطلبت منها أن تحضر لها (البشكور) الحديدي لتخرج  
تراب الفرن قبل أن تشعل فيه النار. جلست الصغيرة بجانبها ، فأبعدتها بيد حانية  
عن مدخل الفرن ، ذكرت اسم الله قبل أن تدب الرأس الحديدي في التراب المتراكم  
من المرة الفائتة، أبعدت التراب عن فتحة الفرن وأشعلت النيران ولم تنس أن  
تقول لساكنيه :

(لموا عيالكم النار جيا لكم ) .

سألتها الصغيرة دهشة:

- هو فيه حد بيسكن الفرن يا جدتي؟!!

قالت:

- أيوه ، عمرة الدار.

- وهيه طيبة يا ستي .

- أيوه بس متحبش حد يضايقها هيه وعيالها .

- هيه ليها عيال يا ستي ؟

- أمال . زينا بالظبط ليها عيال ، وبياكلوا وبيشربوا بس ملناش دعوة بيهم .

عرفت الصغيرة لحظتها لماذا تبعدها عن اللعب أمام الفرن وإن يوما وقعت أمامه

فزعت ورشت الماء مكان سقطتها .ظلت ترقبها بالأدعية والقرآن . نادت على

صباح وقالت لها:

- قومي العجين خمر.

قامت مسرعة ،وهي تفرك عينيها. تعثرت على السلم ، فسخرت منها الحاجة

ودخلت على فاطمة ، حين تكاسلت ضربتها بعود الحديد على فخذها العاريتين



- ضربات خفيفة . رفعت صباح الغطاء عن العجين ثم قالت :
- بسم الله ماشاء الله على عجينك يا أمة ولا بنت أربعاشر.
- طب يا عدلة كنت ارفعي الناموسية اللي رخيها على الآخر يمكن كنت صحيتي بدري وريحتي دراعي اللي اتخدل على الآخر.
- خبطت فاطمة على ذراعي الحاجة اللتين يغطيها العجين وقالت:
- اتخدل ؟ اللهم صلي على النبي الخير كله فيك يا أم على.
- ثم بدأن الخبيز وحين فاحت رائحة الخبز أقبل الصغار :
- جعانيين يا ستي.
- اصبري شوية يا سلوي ، أبوك وعمامك يصحو ونفطر كلنا.
- عايزة رغيف مسلوق يا ستي.
- وبختها صباح ،ولكن الحاجة أمرتها أن تخرج رغيفا لم ينضج تماما ، ودخلت به حجرة الخزين ،كشفت مترد اللبن .قشطت وش المترد .وضعته في قلب الرغيف الساخن، ثم دفست يدها في زلعة العسل .أخرجت قبضة من الجلاب المتراكم في قعر الزلعة، ووضعتها على القشطة ،ولفت الرغيف وأعطته للصغيرة،فارتمت سلوي على ظهرها تقبل رأسها فقالت صباح:
- يا بكاشة يا بتاعة بطنك.
- دي بتحبني بجد مش علشان الرغيف الساخن.
- إي والله يا ستي بحبك قوى.
- ضحكن جميعا . تركتهن يكملن الخبيز وقامت لتعد الطعام، كان عبد الرحيم قد أحضر قرموطا كبيرا ألقى به سعيدا في طشت الماء الذي جهزته الحاجة. جلس يحكي كيف اصطاده:
- يا مه سمعته بيضرب في الساقية بديله ويخشول في الميه افتكرته عفريت وخفت.
- وعمر كان فين؟؟
- عمر ضحك وقال ده قرموط ونط في حوض الساقية، وأنا قدامه وربط جلبيته من الأكمام وفتحها لغاية ما القرموط دخل فيها وربطها.
- أمسكت الحاجة القرموط بيديها الخبيرتين وقالت واثقة أن وزنه يزيد على عشرة أرطال. أرادت أن تذبحه ولكن الصغار أقسموا عليها بالشيخ (على) أن تؤجل ذبحه ،وأن تدعه في الطشت المليئ بالماء حتى يلعبوا به قليلاً.

نزلت الجدة على رغبتهم، تركته يلعب في الطشت، حين يثيره الصغار بعصيتهم القصيرة يقفز قفزات متلاحقة تجعلهم يزقظون، وبدأت تعد له الطواجن التي ستدفسه فيها. بعد انتهاء الخبز أخرجت الطواجن من الفرن، وجلسوا جميعاً لتناول الطعام وعبد الرحيم يسرد تفاصيل مغامرته لصيد القرموط للمرة الرابعة، ولما يضحكوا منه يستشهد بعمر الذي يكتفي بهز رأسه والابتسام، فيزداد حماس عبد الرحيم ويعد أمه بصيد كثير في المرة القادمة التي سيذهب فيها مع عمر لري الأرض، ولما يتدخل النضر ليسخر منه يسكته الشيخ صالح بنظرة قاسية، وتططبب الحاجة على ظهر عبد الرحيم وتدعو له بالخير.

متسع للدنيا

عرف الشيخ أن السبيل إلى العلم اللدني هو تربية النفس وتطهير القلب من الأغيار لتحل فيه الأنوار، أكد له والده أن الرجل لا يصير معدوداً من أهل الطريق إلا إذا كان عالماً بالشرعية المطهرة مجملها ومبينها، ناسخها ومنسوخها، خاصها وعامها، فكان عليه أن يتفقه في الدين، ويتقن التنزيل إلا أن موت الشيخ الكبير جعله يترك الأزهر.

. عمل في تلك الأفدنة القليلة التي تبقت من أملاك الأسرة، ولكنه لم ينس التصوف الذي كان يمثل الجوهر الأعم في شخصيته. جمعت ثقافته بين علوم الشريعة وعلوم الحقيقة، وهما وجهان لعملة واحدة، الوجه الأول ظاهر للعام والخاص أما الوجه الثاني باطن لا يطلع عليه إلا الخواص. من ينظر إلى الشيخ صالح وهو يمسك بالفأس ويعلو بها في الهواء ثم ينزل بها، ليقطع بعض الأخشاب ليتدفأ بها أو يصنع منها أوتاداً للبهائم، ويربط وسطه بطرف جلبابه ويعتدل من فترة لأخرى ليحفف عرقه أو يشرب بعض الماء من القلة التي يلفها بقطعة خيش يحرص علي أن تظل مبللة، حتى تحافظ علي برودة الماء لا يصدق أنه نفس الرجل الذي يتوسط حلقة الذكر ويعلو صوته بالإنشاد بقصائد ابن الفارض أو ابن عربي.

الابن الثاني بعد عنتر هو عمر، شفيف الوجه، طيب القلب. نظراته حانية. تزوج من ابنة شيخه. حفظ القرآن على يديه، وقرأ في كتبه عن الصحابة والأقطاب والناس الذين تطوى لهم الأرض طياً. يسرون على الماء. يقفون على قمة الدنيا، قدم في الشام وأخرى في اليمن. تبسط الأرض وتطوى حسب إرادتهم.

أما الحاج نضر. كما يحب دائماً أن يناديه الناس. فهو الابن الثالث. هو أبعد ما

يكون عن الحج والحجاج .. يناديه أخوته و أصدقاؤه بالحاج نضر. أبوه يسخر منه دائماً، ويقول: (حاج على الفرن) تلك الجملة التي سيطلقها الشيخ أحمد ابن الحاج نضر نفسه بعد ذلك بسنين طويلة علي صديقه الحاج محمد الذي يطلب منه أن يجلس معه علي باب الدكان حتي يتفرج علي البنات العدالة وهن ينزلن من الجبل ويتجهن إلي الغورية حتي يتفرجن علي العطور والملابس ، ويرفض الشيخ أحمد الجلوس ويقرر أن يتجه إلي أبيه الحاج نضر- الذي صار حاجاً حقيقياً ولزم جوار عترة النبي - في الحسين ، حتي يشاركه حلقة الذكر الذي سيقدمه فيها لأول مرة ليقود الإخوان الذين يتذكرون .

كان النضر لا يصلي إلا الجمعة والأعياد .لا يشاركهم في الأذكار، ولا هم له إلا جلسات الأصدقاء ، وشرب الحشيش والجري وراء النسوان، و أبوه يوبخه دائماً حين يفيض الكيل ويتهمه بأن ذيله نجس. فكر في تزويجه فقال لأمه:

- إيه يا حاجة آخرة ابنك أبو ديل نجس ده ؟

- طايش يا شيخ بكرة ربنا يهديه

- إمتة؟ مش هيبطل جري ورا نسوان البلد غيرلما يعمل لنا فضيحة .

- جوزة يا خويا يمكن ينصلح حاله

- وهيه فيه واحدة عاجباه، ده داير ورا كل واحدة شوية

- نجوزه فايضة بنت أخوك ،أهي تربيتنا واحنا ضميينها

كانت فايضة التي تزوجها النضر ممتلئة الجسم بيضاء . واسعة العيون .هادئة الطباع ومع ذلك لم تملأ عيون زوجها الذي ما زال يقيم علاقات مع النساء. ولما يشتد غيظها منه ومن إهماله تشتكي لسلفتها صباح فتواسيها وتصبرها؛ فهو رجلها وليس لها غيره بعد وفاة والديها. فقد ربتها الحاجة .حين تشتكي النضر إليها تقرصها في خدها وتقول لها:

-إردحي شوية. إملي عينه يابت .

-أعمل إيه يامه؟ كل يوم استناه ويتمني كلمة منه وهو سايبني .

- شوفي حل ،خليه يتعلق بيكي علشان يبعد عن العك اللي بيعمله وفضحنا بيه .

كان يعتبرها من مفردات المنزل لا يأتيها إلا قليلاً . دائم الهجر لها.لا يسمع

لشكواها ، ولم يشفع لها الولدان الجميلان أحمد وزهير عنده. وحين تذكره بولديه يقول إنهما غلطة مثلها تماما ويتجاهلها ويخرج إلى صحبة دياب.

رب يسر وأعن.

كانت صباح تسير خائفة تصحبها جاريتها وكاتمة سرها وداد. تسرع إلى بيت  
الشيخة (رابحة) التي لا يعرف أحد بالتحديد متى جاءت إلى البلدة . لقد استيقظ  
الجميع يوماً فوجدوها بسبحتها الطويلة حول رقبتها والبخور الذي تطلقه. ترددت  
صباح كثيراً قبل أن تدق الباب. تراجعت للوراء وأرادت الانصراف . وداد طرقت  
الباب بسرعة. تراجعت صباح ووقفت خلف وداد والخوف يأكل قلبها. جاء صوت  
الشيخة رابحة حاداً ومخيفاً فتحت الباب وحدقت في المرأتين بعينيها الضيقتين  
ونظراتها الحادة. قربت المصباح الذي تحمله في يدها من وجه صباح المخفية  
خلف وداد. أدركت بطول خبرتها أن وداد ليست هي المقصودة. قالت بود مصطنع  
تحاول أن تزيل به اضطراب المرأة:

- خير يا صبايا

- عايزاكي تعملي لي عمل يا ستي الشيخة .

- حاضر يا ختي بس مش لما أعرف بكلم مين ؟

- الاسم مش مهم . المهم العمل علشان أخاوي البنات.

نظرت إليها بعين خبيرة وقالت في نفسها لا بد أن هذه المرأة زوجة أحد أكابر  
البلدة.

- قوليلي يا ختي إنت مرات مين؟

وداد تعرف جيداً الرعب الذي يأكل قلب صديقتها قالت لها:

- وإنت ما لك إنت هتصاحبها

نظرت المرأة - التي يشبه وجهها لبوة تتحفز للهجوم علي فريستها - إلى وداد  
نظرة قاسية اسكتتها تماماً ، ولكنها حين رأت صباح تصر على الكتمان خشيت أن  
تخسر الجنيه الذي لا بد ستفوز به. طلبت منها (أتر زوجها) فأعطتها شاله  
.أخرجت جنيها كان ملفوفاً بعناية في منديل صغير ومدفوس في صدرها.  
أوقدت المرأة البخور ونادت على من تصادقهم من الجن وأعطت لصباح صرة  
صغيرة وهي تقول لها:

- بصي يا ختي ، الصوفة دي تلبسيها أول الليل وبعديها تنامي جنب جوزك ظاهرة  
والعقد الكهرمان ده تستحمي عليه الصبح في طشت . تكبي المية قبل طلوع  
الشمس في مفارق أربعة وربنا يسهل.

ثم هزت رأسها وهي تتفحص وجه صباح وأضافت:

- ومتنسيش ترجعي العقد بعد سبع تيام ومعاك ديك أحمر بعرف.

- يعني إن شاء الله ربنا هيكرمها ياست الشيخة.

- قولي يارب.

- يارب.

قالتها صباح بصوت واهن وأمل حقيقي وصبر كاد أن يخور ،بسبب معايرة سلفتها  
الفريصة

- ياريت ياشيخة رابحة وهيكون لك الحلوة.

انصرفت المرأتان ، وظلها يرتعش أمامهما في الضوء الباهت الذي يأتيهما من  
البيوت، نبج كلب من بعيد .انكشيت صباح في جسد صديقتها التي تحتضن ذراعها  
، أحست بنغزة في القلب. ماذا ستقول لزوجها لقد أخبرته أنها ذاهبة إلى أمها  
وهي لم تتعود الكذب عليه منذ أن أخذها من بيت أبيها، ولم يكن يتعد عمرها  
الثانية عشرة ؟ أبوها محفظ القرآن عودها الصدق دائما، واليوم تكذب عليه؟  
نصحتها وداد أن تتماسك أمامه وألا تبوح له بسرها :

- صباح امسكي نفسك شوية، مش بمجرد ما تبصي في عينيه تخري،حاكم أنا  
عارفاكي - تفتكري يا وداد هقدر؟

قالتها وهي متأكدة من عدم مقدرتها وهي تضيف :

- هوه لسه أكيد قاعد مع الشيخ بيتكلموا في أحوال الزرع ، فأحسن حل أجري  
بسرعة علي فوق وأنام قبل ما يطلع ، وبكرة يحلها حلال .

- وإيه يعني انت أجمتي؟ مش نفسك تجيبي حتت عيل يخاوي الغلابة ؟ ويرحمك  
من لسان الفريصة اللي عايز قطعه؟ .

- ماهو برضو مش قليل إني أروح حتة من غير ما يعرف ويوافق كمان .

- خالتي دولت هتحميكي ، أكيد نفسها هيه كمان تشوف للغالي ولد .

- الحاجة متعرفش.

قالتها وهي ترفع يدها وهما يسيران بجوار البيوت،ثم أضافت بصوت هادئ وحاد:

- ده الخوف منها أكثر منه ، كذا مرة تيجي سيرة رابحة ودايماً تقول عنها دي  
نصاية .

حين وصلت كان زوجها جالسا يحدث أباه بشأن الغيط البحري الذي يحتاج للري .

تسللت صباح دون أن يلحظها أحد إلا عين زوجها الذي أصابه القلق

لتأخرها.دخلت علي البنات وجدتهن في سابع نومة .استأذن من والده وصعد

إليها.كانت جالسة على طرف السرير تفرك يديها .القلق واضح تماما على وجهها.

حاولت الكذب ولكنها حين نظرت في وجهه الشفيف لم تستطع . أخبرته بأمر  
الشيخة. عنفها ووبخها هي التي كانت تجلس بين يدي أبيها، تقرأ القرآن ويرتعش  
قلبها حين يأتي ذكر المنافقين الكاذبين وعقابهم. أخبرها أن البنات والأولاد رزق  
من عند الله ، ثم تركها ونزل. فتح قاعة الشيخ على وجلس يقرأ ورده الليلي،  
دخل عليه أبوه وقال له:

- ما لك يا بني؟

أنهي ورده وقال بحدة لأبيه:

- شفت يابا عقل النسوان الفارغ راحت للولية المشعوذة اللي فى آخر البلد.

استمع الرجل إلي كلام ابنه الثائر ومد يده وربت علي كتفه وهو يقول:

- معلىش يابنى، مراتك طيبة وراضية بحالها، ولكن معايرة سلفتها سدت بصيرتها .

- سحر يابا ؟

قالها بحدة وهو غير مصدق ثم أضاف وهو يرفع يديه أمام عيون أبيه:

- مراتى تروح لدجالين أمال خلت إيه للجهلة؟

هز الرجل رأسه بهدوء وعاد بيده ليربت علي كتف ابنه وقال له:

- معلىش اصبر عليها وعلماها دي اتعرفت على الدنيا بعينيك .

- أنا تعبت من قلقها على خلفه الصبيان.

- لما بتخاصمها بتبقي ذليلة ومنكسرة دي غير الفريضة القوية مرات أخوك.

- طب هوه هيعمل إيه دا مبيبطلش ضرب فيها وهي ولا بتتكسر .

- مفيش فايده. وبعدين؟

- يابا لا أنا ولا أمي ولا حد بيعايرها بخلفة البنات بتعمل كده ليه؟

- تحية معاها ولدين و بتعايرها وفايزة مخلفة ولدين وهيه نفسها في حنة ولد زي

سلايفها واتصرفت علي قد ما هداها عقلها ، خلص وردك واطلع لها واخزي

الشیطان.

صعد إليها .وجدها جالسة على سريرها وعيونها تسح في صمت، وحين رآته

ألقت بنفسها في صدره طالبة عفوه فاحتضنها بيديه القويتين، ومسح عن عيونها

الحزن، ولما تهيأت له أخبرته بما قالت الشيخة رابحة . ضحك منها وقال في

هدوء وحنان:

- خد من عبد الله واتكل على الله .

- يعني بجد يا عمر ممكن ربنا يدينا ولد ؟

- يمكن مفيش حاجة بعيد علي ربنا . تعالي يا شيخة سيبك من الكلام ده وتعالي .  
وقبل شروق الشمس أخذت ماء اغتسالها وفرقته على مفارق أربعة كما أوصلتها  
الشيخة، وعادت مشرقة الوجه باسمه، دخلت إلى المنزل أعدت الإفطار وبعد  
خروج الرجال إلى العمل وقفت على باب البيت نادى على وداد، وبدأت تحدثها  
وتضحك لتغيظ سلفتها تحية التي تعابرها بأنها أنجبت عقد سويد كما تقول لها،  
وأنها لن تنجب الولد أبداً. وبختها الحاجة لأنها تقف على الباب هي التي تعلم مدي  
رغبتها في إغاظة تحية ، أمرتها أن تدخل وإلا عرضت نفسها لغضب عمر، وهي  
لا تقدر علي خصامه ولو لساعة ، خجلت من كلام الحاجة ودخلت وعيناها تبحثان  
عنه. لم يحن موعد رجوعه من الحقل .

### جنية غاضبة

الابن الرابع والأصغر هو عبد الرحيم الذي وقع قديماً أمام الفرن ويعتقد الجميع أن  
عمرة الدار ( الجنية) تلبسته . تلك التي مضي علي وجودها بينهم وقت طويل حتي  
صارت من مفردات الحياة في المنزل مثلها مثل قاعة الشيخ(علي ) وأهل الخطوة  
الذين يأتون إلي المنزل كل ليلة جمعة . تكون طيبة أحياناً وشريرة بعض الوقت .  
تقرص أذن من يستهين بها أو يتناول عليها. تحكي فاطمة دائماً أن الجنية تلبست  
جسد عبد الرحيم حين ضرب قطة سوداء بقدمه؛ فنظرت إليه القطة بعين غاضبة  
ارتعش لها قلبه فوق أمام الفرن ومن ساعتها دب الخوف في قلب الحاجة ،  
وظلت ترقيه وترش الماء مكان سقطته ، وتحاول جاهدة استرضاء عمرة الدار  
حتي تعفو عنه، هو ذاهل معظم الوقت لا يشارك الدار همومها وأفراحها ، مكانه  
المفضل تحت التوتة، وإن رغب في الخروج. يسيح على قدميه لا يعلم أحد أين  
يذهب أو من أين يجيء؟ لا يسأل عن شيء . لا تلاحظه عين إلا عيون أمه التي  
تبحث عنه ساعة الطعام وساعة النوم تهتم به. تطعمه وتنظف له ثيابه وحين  
يفيق لبعض الوقت تنصحه بالزواج فينظر إليها ولا يجيب. حاول الشيخ صالح  
وكل رجال الله الذين لا يخلو منهم المنزل الكبير أن يطردوا الجنية من جسده ولم  
يفلحوا. هو الحاضر الغائب لا يخطر على بال أحد. لا تخشاه نساء الدار فساعة  
الخبيز تتخفف كل واحدة من ملابسها أمام نار الفرن وحين يسمعن صوت أحد  
قادم يسرعن بارتداء ملابسهن ، وحين يجدن عبد الرحيم يضحكن ويقولن:  
- ده الشيخ رحومة متخفوش .

يجلس بجانب أمه التي تعطيه الخبز الساخن بعد حشوه بالقشطة والجلاب. يمسك

بالرغيف بكلتا يديه يقضمه سعيداً ويخرج إلى مكانه المفضل أسفل التوتة التي تتوسط الدار. صار الشيخ رحومة منسيا دائماً لا يذكره أحد إلا قلب الحاجة التي تنظر إليه أحياناً ، وتبكي وتتساءل في نفسها من سيعتني به إذا هي توفيت ، لما تسمع صوت صباح تنادي علي صغارها ليناموا حتي يستيقظوا مبكرين من أجل المدرسة .تطمئن فقد أعدتها لتقوم بدورها في المنزل، فلن يرعي أحد ابنها إلا صباح، حتي فاطمة ابنتها لم تفكر يوماً في أن توصيها بالعناية بالشيخ رحومة .  
عقد سويد

كان عنتر يعيشُ مع زوجته تحية في حجرتين من حجرات الدور العلوي ، ولكن الفريضة زوجته لم تستطع أن تعيش في كنف الحاجة رغم إنها ابنة أختها الكبرى؛ و الأولى بها أن تصير جزءاً من عالمها، وأن تنال حبها بدلاً من صباح ، لكن عصبيتها الزائدة ومزاجها الحاد جعلها لا تتحمل طريقة الحاجة في تصريف أمور المنزل، وربما الحاج محمد الجني الذي ركبها وهي بعد صغيرة جعلها ترفض كل ما تراه أمراً من أحد .دائمة الاعتراض والاحتجاج، وهذا يخالف طبيعة الحياة في عائلة الشيخ صالح ، فلا صوت يعلو، ولا شتائم تُقال. لا يُوجد إلا الحب الذي يغلف القلوب.

كانت الغيرة تَأكل قلبها من بكرية الحاجة زوجة عمر. الحاجة تحبها وتثق فيها بشدة في تصريف كل أمر.هي المسنولة عن حجرة الخزين . تعرف ما بها ،وما يخرج للأخوان في الليالي العامرة.

كانت الحاجة مع صباح في حجرة الخزين تشرف على ختم زلع السمن والجبن. حين دخلت سلوي مسرعة، وأخبرتهما بما حدث للفريضة :

- مرات عمي تحية كبت اللبن كله ، رفستها البقرة في وشها .

- الخضرة في إيديها يابسة . هكذا علقت الحاجة .

ابتسمت صباح راضية . رغم طيبيتها إلا أن غيرتها من سلفتها دائمة ومستمرة ودون أن تدري تشمت فيها .قالت في خبث :

- ليه بس يا حاجة حرام . ده ابنك بيعجنها، أنا مش عارفة بتجيب القوة دي منين ؟

حين تسمع صباح عنتر يضربها تفرح .تتسمع للمشاجرة الدائرة ، بعدها تشعر بالذنب وتوبخ نفسها لأنها تتسمع لسلفتها وتفرح فيها .

خرجت الحاجة من حجرة الخزين على صوت عنتر يوبخ تحية على سوء



تصرفها، وهي غاضبة ، وازدادت ثورتها حين لمحت ظل ابتسامة على وجه صباح التي كانت تقف خلف الحاجة ، وتمسك بالقربة ، وتجهزها (للخضّ) حين انتهت من خض القربة أمسكت الحاجة الزبد بيديها الخبيرتين . نظرت إلى تحية التي كانت ما تزال جالسة علي عتبة السلم وقالت:

- الحكاية كلها بركة.

أغاظت تحية ورمتها بنظرة غاضبة وقالت:

- أنت دائماً كده ، صباح إيديها مبروكة، صباح بتعمل كل حاجة كويسة، ابقى خليها تعملك كل حاجة؟

ضحك الجميع ، ومال الشيخ صالح على أذن الحاجة، وأمرها ألا تغيظ ابنة أختها أكثر من ذلك:

- يا حاجة كفاية إحنا مش ناقصين صوتها عالي وبتفضحننا .

- أصلها وشها ناشف.

- يا مه مش عايزين وجع دماغ ماتخليهاش تحلب ولا تخض .

التفتت الأم إلي ابنها وقالت له:

- أنا قلت حاجة يابني؟ هيه دايم كده عصبية وغلاطة وبعدين متعملشي حاجة

إزاي ؟ يعني تقعد هانم وإحنا نخدمها ؟

غضبت تحية وهاجت ودخلت حجرتها بعد أن قالت :

- كأتي مش بنت أختك . الله يرحمك يامه سبتيني للغلب .

جلست بمفردها . لا تقدر على كتم انفعالها، ولا تحب أن يراها أحد تبكي . فالبكاء

ضعف وهي ليست ضعيفة. دخل عليها زوجها ، أخفت دموعها وتماسكت،

وأخبرته برغبتها في الاستقلال عن العائلة ، فهي ترغب في عيشة منفصلة لها

وحدها.

أمام هذه المشاكل لم يجد زوجها إلا البعد، فاشترى منزلاً صغيراً مقابلاً للمنزل

الكبير حين . سمع الشيخ بما فعل ابنه . حزن كثيراً، وقال للحاجة أنه يخشى

انفراط العقد وهذه قد تكون البداية قالت الحاجة ، وهي تربت بيديها علي فخذة

بحب، وتطمئنه:

- متزعلش ياخويا كده أحسن.

ثم نظرت إلي عينيه وهي ترفع يديها عن حجرها و تضيف:

- يمكن مراته سرها يهدى شوية

- الناس تاكل وشنا. وبعدين الخيردايما فى الجماعة.
- تحية صحيح بنت أختي، بس طبعها حامي ومش قادرة تعيش بطريقتنا. أهى صباح وفايزة زى الاخوات.
- ابنك مش قادر عليها.
- قالها وهو يلم المسبحة فى يديه ويشير بها فى الهواء بنفاد صبر.
- ده بيضربها ضرب مايتحملوش حمار. هي اللي راكبها عفريت.
- الحاج محمد عمره ما طاوعها فى الشر ودايماً بيكسر مناخيرها، ولما بيغضب عليها بيهد قواها.
- تدخل النضر الذي كان شاردأ فى ترتيب سهرة الليلة مع دياب وقال:
- أنتوا مش فاهمين حاجة. عنتر مستخسصر كده وشقاه فى أرض العمدة. عايز يعمل عيشة لوحده علشان يحوش ، ويشتري أرض ويبقى من أصحاب الطين.
- طين لما يطينك .
- ثم رفع يديه مشرعة الأصابع فى الهواء وهو يشير بحدة لابنه ويضيف:
- هو بيصرف علينا؟ ما كلنا بنكد ونعرق زيه وأكثر، هو فيه حد نايم؟ كلنا من الصبح لغاية الليل وإحنا مهدود قوانا .
- هوه مش عاجبه التكية المفتوحة من كدنا للإخوان.
- ثم تجنب نظرة أبيه الحادة ، وأضاف بصوت ضعيف وكأنه يحدث نفسه
- وده حقه.
- ما إن نطقها حتى كاد الحاج أن يقف، ولكن يد الحاجة التي أمسكت به جعلته يعيد جسده الذي كان فى الطريق للقيام فقال بحدة وهو يُشير له:
- كسر حقك. أمش قوم من قدامي وخليه يعمل اللي يعجبه. وبعدين فين كدك ده اللي بياخدوه الإخوان؟ ما أنت طول النهار بتلف مع دياب لا شغلة ولا مشغلة والحمل كله علي عمر اللي انقسم ضهره. انت حد بيشوفك طول النهار بترمح فى الفاضية، وأخوان إيه اللي واخدين كدكم؟ ده كل اللي انتوا فيه من بركتهم .
- وافق الشيخ على انتقال ابنه البكر، وهو مرعوب أن تكون هذه بداية انفلات حبات العقد الذي حرص على لضمه طوال السنين؛ فهو يحرص كل الحرص على أن يظل أبناؤه تحت سقف واحد جيل وراء جيل، حتى يظلوا متماسكين، ويصيروا قوة فى وجه الريح . عنتر دائما يدخر ما يعمل به فى دوار العمدة ،ولا يساهم فى المنزل إلا بالقليل ، والكل يعلم ذلك، والشيخ يبارك فعله ،ويقول للحاجة التي

تعترض علي المشاركة القليلة التي يقدمها :

- سيببه يا حاجة ده صاحب عيال ربنا يبارك له .

رغم انفصال تحية عن معيشتهم ظل التنافس بين السلفتين على أشده؛ فكانت تحية تعابير صباح بخلفة البنات، فتبكي صباح بالليل لزوجها الذي يطيب خاطرها ويقول:

- ولا يهكم بكرة بناتك يتعلموا ويبقوا أحسن من ميت راجل

-وأنت حتكملهم تعليمهم منين والحالة أنت عارفها كويس ؟

- لو بعت الجلبية هعلم البنات

- ربنا يخليك ليهم ويخلي جدهم.

-وبعدين أنت ممكن تغيظيها، قوليلها علي الأقل جوزي بيحبني مش كارهنى وكاره عمالي زيك .

تبتسم المرأة ابتسامة راضية وتدفن جسدها فى حضنه وفى الصباح تحرص على

كب ماء الاستحمام فى الشارع وترفع صوتها وهى تحادث صديقتها وداد التي

تقول لها مازحة :

- واضح إن ليلتك كانت رطبة

-على الآخر يا بت.

تسمع تحية الكلام وهي تمسك بالحطب من فوق سطح دارها وتغتاظ منهما ، فلا

تجد أمامها إلا أن تقول وهي ترفع أحد أعود الحطب عاليا:

- يا خسارتك يا ميه في دمع الولايا.

درب ضيق

كان الشيخ محبا لسير الأبطال والفرسان. عشق الشعر وحفظه. لم يكن يظهر حبه

للشعر إلا بصحبة عبد الموجود ابن خالته ورفيق طفولته، فرغم أنه لا يعرف

القراءة ولا يحب جلسات الإخوان إلا أنه يحفظ كل حكايات الأبطال والسير

الشعبية. كان يستطيع وبتلقائية شديدة أن يرتجل أبياتا شعرية ويحرص دائما على

مباراة ومنافسة الشيخ صالح في ارتجال الأدوار فهو يبدأ الدور وينتظر أن يرد

عليه الشيخ بدور مماثل على نفس الوزن والقافية ويحمل نفس المعاني على أن

يضيف معنى جديدا.

حين أطل الشيخ من درب الضيق حيث يسكن عبد الموجود هلل وقال:

- يا أهلا بالحبايب.

- سار متندا ومبتسما علي ترحيب ابن خالته . جلس بجانبه بعد أن أزاح جردل الماء ،ولفة الليف التي يفتلها ، ثم أخذه في حضنه ،وهو يضيف:
- أخبار ضيوفك إيه مش كان أحسن آجي أسمعهم بيتين لابن شداد بدل من الكلام بتاعكم ده عن أهل الخطوة؟
- بلاش تتناول على أهل الله وإلا قلبوك حمار أذعر من غير ديل.
- يا عم صلي ع اللي هيشفع فيك يوم الدين، فيه أحسن من سيرة الهلالي والوزير سالم، مش تقولى ناس بتمشى ع المية وتنطوى ليهم الأرض .
- اخشع يا عبد الموجود واعملك راجع انامش جاى اسمع كلامك الفاضى ده
- إزي دولت بنت خالتي.تلاقيك واجع قلبها بخدمة ضيوفك اللي مايبخلصوش ؟
- الحاجة بتحب خدمة أهل الله .أناعايزك تسهرمعاى قدام المية ، هنروى الغيظ القبلي.
- يا سلام دي هتبقى سهرة حلوة بس خلى عمر يجي معانا وبلاش عنتر أحسن أنا بحب قعدة عمر
- عنتر مش فاضى بايت عند أرض العمدة. وأنا عارف إنك بتحب كلام عمر ما هو دايمًا بيقف جنبك ويناصرك في الكلام .
- هنروح امته ؟
- بعد صلاة العشا نصليها سوا في الجامع ونتوكل علي الله .
- انصرف الشيخ بعد أن اتفق مع ابن خالته على أن يذهب معه بعد صلاة العشاء ، أعدت لهم فاطمة الطعام وأعطته لعمر. ربطه في النبوت ووضعها على كتفيه وألقى بذراعيه عليه وانصرف، استوقفته فاطمة وأوصته بالألا يترك أباه بجانب الساقية بمفرده خوفا عليه من (أم بزاز) التي تطلع لمن يجلس منفردا، ضحكت الحاجة وقالت:
- يعني هتخاف من الاتنين؟
- أيوه. بسم الله الرحمن الرحيم ميطلعوش لأكثر من واحد.
- ع العموم مش ممكن يطلعوا للشيخ وإلا حرقهم ببركة الأولياء.
- برضه احلف يا عمر إنك مش هتسيب أبوك لوحده.
- يا ستي حاضر والله مش هسيبه لوحده معانا خالك جود .
- خالي جود معاكم يا ريتني كنت معاكم .
- تكوني فين يا بت ، تروحي معانا الغيظ يعني ؟

- مش قصدي بس بحب قعدة خالي جود قوي .  
- المهم حظيتي أكل بالزيادة ولا لأ ؟  
- حظيت يا خويا يكفي عشر رجالة .  
- انتي بتقولي فيها السهر وخالك جود وضيوف أبوكي اللي بيطلعوا متعرفيش  
منين يهلكوا أكل عشر رجالة .  
انصرف عمر بعد أن تأكد من كمية الطعام والشاي التي وضعتها فاطمة وهناك  
بجانب الساقية جلس عبد الموجود بجانب الشيخ يحكي له عن كيفية مقتل عنتره  
بن شداد على يد أعدائه وعلى ضوء الراكية المشتعلة كانت تلمع عيناه ، وهو  
يصف مدى قوة عنتره حتى أن صوت تبوله كان يسمع من مسافة ميل وفي غمرة  
انفعاله نسي أن الشيخ هو الذي قرأ له هذه الحكايات جميعها من الكتب التي كان  
يحرص على شرائها من أمام الأزهر حين كان طالبا فيه، ضحك الشيخ وتذكر كيف  
كان يشحن صوته بكل الانفعالات المناسبة للمواقف ، حين كان يقرأ لابن خالته  
ورفيق صباه شعر الهلالي أو المهلهل بن أبي ربيعة ، وحين يغضب الشيخ الكبير ،  
كانا يخبران هذه الكتب خوفا منه هو الذي كان يعنف ابنه على تركه لتاريخ  
الصوفية ورجال الله وقراءة مثل هذه الحكايات التي لا طائل منها .  
لما أصبح صالح مسئولا عن الطريقة بعد وفاة والده. صارت هذه الكتب ترقد في  
صندوق الكنوز الخشبي في قاعة الشيخ (على) جنباً إلى جنب مع طبقات  
الشعراني ودلائل الخيرات ولطائف المنن وبردة البوصيري.  
في الليالي المقمرة حين يفرغ الإخوان من أذكاهم كان عمر يخرج كتب السيرة  
ويقرأ للإخوان الحكايات والأشعار التي تطربهم.  
طرب وهو يستمع إلى صديق طفولته ومنافسه في حب الحاجة دولت حين كانوا  
صغارا. بدأ ينقر بأصابعه على خشب الساقية بعد أن أوقفها عمر وفك الحمار  
ليستريح قليلا. علا صوته عذبا رانقا في هدوء الليل وهو يسمعه شعر الهلالي  
وهو يخاطب الجازية . بعد أن فرغ من شعره بادره الشيخ بدور وطلب منه الرد  
عليه.

بلن بلا لن بلا لن

وطبت يا دحي البلاين

وبقيت دوا للجرايح

انتظر رد عبد الموجود، توقع أن يأتي سريعا كالعادة ،ولكن رده تأخر،نظر عمر

إلى عمه وشعر بألم هزيمته الدائمة أمام الشيخ وقرر أن ينقذه فقال عمر:

بلن بلا لن بلا لن

وطبت يا دحي البلاين

و طابت عليك الجرايح

طرب عبد الموجود وصفق ، لسرعة عمر في الرد، ورأى أن الجرايح حين تطيب على دحي البلاين أقوى من أن يكون مجرد دواء لها.

اغتاظ من عمر الذي أنقذ عبد الموجود وفوّت عليه الإحساس بالنصر، أمره في لهجة قاسية أن يدخل إلى الذرة حتى يفتح السدود للمياه لتغمر باقي الحقل. ابتسم

عمر راضياً فقد أنقذ خاله لمرّة وحيدة من الإحساس بالهزيمة و قام إلى الحمار الذي استراح قليلا وربطه إلى الساقية وضربه على ظهره حتى يلف ، واصل الأب

تعنيفه لابنه حين لمح الابتسامة علي وجهه . ضحك عمر من رغبة أبيه الملحة والدائمة في هزيمة صديقه وابن خالته تركهما في جدالهما وانصرف وهو يفكر

في حال أبيه الذي يجمع بين زهد الصوفي ، وصلابة الفلاح الذي يكد ويفلح أرضه ، ومتعته الحقيقية في خدمة رجال الطريق فدائما يردد سيد القوم خادمهم ، النهار

يكد ويكدح وبالليل يكون سراج الليالي المضيئة بالمحبة الإلهية.

ابتسم وهو يسمع عبد الموجود يجادل الشيخ في بيت شعر ينسبه إلى امرئ القيس والشيخ يصر على أن قائله هو طرفة بن العبد.

تعجب عمر من الطفولة المشاغبة التي تكمن في قلب الشيخ الورع والتي لا تظهر إلا حين يكون بصحبة ابن خالته.

راكية النار

كانت الأيام تمضي سريعة ،وعنتر يبحث عن آماله التي نسجها في الحجرة العلوية للبيت الكبير الذي تركه بناءً علي شورة المرأة . كان قد ترك العمل عند العمدة

لسنة وبضعة شهور، عمل خولي أنفار في البدرمان ، وبعد مداولات كثيرة بينه وبين أتباع العمدة الذي لم يجد خولي أنفار بنفس درجة أمانته ، عاد وبدأ البحث

عن أحلامه في امتلاك أرض بعد أن وضع شروطاً لعودته .ولكن الأيام تمضي سريعا وها هو يبحث في صندوق مدخراته عن بداية صحيحة لتلك الأحلام فلا يجد

إلا بضعة جنيهاً لا تسمن ولا تغني عن قيراطين .أغلق الصندوق علي نهاية غير مشجعة ، ونادي علي امرأته وسألها عن مدخرات السنوات الخمس ، ولسوء

حظها كان الحاج محمد الجني يجسم علي صدرها مما جعلها تحتد علي زوجها

وتغضبه ، فضربها عنتر ، بعد أن اتهمها بأنها كانت السبب في بعده عن أمه وأبيه والمنزل الكبير ببركته التي لا حدود لها .

سمعت صباح ضرب عنتر لها وصراخها ، فدفعت الباب ودخلت لتفصل بينهما . نظرت إليها والشرر يتطاير من عينيها .. اعتقدت أنها جاءت شامته ، أمسكت براكية النار المشتعلة وقذفتها بها ، ولولا أن صباح في اللحظة الأخيرة قفزت بعيداً عن اتجاه الراكية لأحرقتها تماماً . انصرفت صباح وازداد غضبه .. ظل يضربها حتى خارت قواها ، ووقعت على الأرض ، ولما أفاقت بكت طويلاً ، وانكبت على قدميه تقبلهما حتى لا يخرج غضباً ليس حرصاً على رضاه بل حتى لا تشمت فيها صباح بالطبع .

كان جالساً في شمس الضحى مسنداً ظهره للجدار يفكر في حاله . الضيق والهم يجثمان على صدره منذ ابتعاده عن أبيه ، وعن بركته . تشاجر اليوم مع العمدة على أسباب تافهة ، وهو يحاسبه على أجرة الأنفار . صار يثور لأقل شيء غضب . أخبره أنه سيتترك العمل لديه مرة أخرى . ظل الرجل يسترضيه مرات عديدة ؛ فهو لن يجد ملاحظاً للأنفار في أمانته وورعه ، يعامل النضر مثل أي نفر غريب ، رآه مراراً يعنفه لأنه جلس قليلاً يستريح تحت الصفصافة ، ولم ير العمدة الذي كان ماراً ليطمئن علي الحصاد ، أدرك أنه لن يجد ملاحظاً للأنفار في أمانته ولكنه هذه الأيام أصبح ضيق الصدر يثور لأقل شيء .

بدأ يترك أحلامه التي صارت عبئاً عليه . هل ابتعد بالفعل عن المنزل الكبير ليفض حالة النزاع المستمر بين زوجته وأمه وباقي النساء كما كان يقول ليضحك علي نفسه ؟ ، أم لاعتراضه الدائم على استضافة الشيخ للإخوان؟ وماذا يهم في أمر الإخوان؟ فهم يأتون برزقهم . كل ما ينفق عليهم لو حسب بحساباته الدنيوية فلن تنفع الأفدنة القليلة التي يملكها الشيخ للإنفاق عليهم . لا بد أن في المسألة حسابات أخرى لا يدركها عقله ، وهو غارق في تفكيره اقتربت منه صباح على استحياء ، وجلست بجانبه وقالت له :

- شايف يا أبو محمد عمائل مراتك؟

- معلش يا مرات أخويا أنا عارف لسانها اللي زي المبرد بس أعمل فيها إيه؟

- بس ده ميصحش الناس بدأت كل يوم تسمع صوتنا . وده بيمقت الحاجة والشيخ

- طب أعمل إيه لولا العيال ماكنتش خليتها .

-أنا يا خويا بيفيض بيّا ولولا خايفة عليكم كنت قلت لعمر على كل اللي بتعمله .  
- إنت عاقلة وبنيت حلال حقك عليا أنا .

انصرفت صباح راضية تماماً . هي تحترمه وتحرص على ألا يغضب زوجها من أخيه ، تكتفي بكلامه الذي يطيب خاطرها . تركته يعيد حساباته ودخلت إلى الدار بعد أن قررت أن تتجنب المشاكل التي تثيرها تحية إكراماً لخاطره .  
من قال إنها قوية ، الكل يعتقد فيها القوة ، كثيراً ما تمنى أن تكون مثل صباح .  
الحاجة تؤثرها بثقتها دون كل النساء ، حتي ابنتها فاطمة لا تنال تلك الثقة ، من لها بثقة الحاجة وتترك كل شيء من أجلها حتي المنزل الذي حرصت علي أن يكون لها وحدها ؟ ماذا أفادت من منزل حيطانه متهالكة وزوج يحاسبها علي كل صغيرة وكبيرة وأبناء حرموا من حنية جدهم ساعة العشاء ؟ كثيراً ما تمنى أن تبكي لخالتها وتشتكي لها ما يفعله فيها عنتر، تعرف أنه ليس بخيلا ، ولكنه يعود متعبا وقلقا علي الأمنيات التي ترك أباه من أجلها ، ولم يحققها حتي الآن ، ومن أجل ذلك يضع كل همه فيها ، يضربها كثيراً ، ولا يعطيها فرصة حتي لمناقشته ، يرتمي من التعب ولا يستمع لكل الحكايات الكثيرة التي تحكيها له ، يصلي العشاء بالكاد ، لا هم له إلا العمل، لم يجلس معها يوما يسمع لها ، كل ما يدور بينهما عن الزرع والبهايم حتي في لحظاتهم الخاصة ينتهي منها ويتركها سريعا كأنه يؤدي عملا كُلف به . لم يلمسها يوما بحنان ، لم يضحك معها ، دائما يرسم علي وجهه العبوس . كأنه يخشي الابتسام ، حتي أولاده لا يشعرهم بعطفه ، عمر أحن عليهم منه ، لما طلب منه عمر أن يُقدم لهم في المدرسة قال له :  
- مدرسة إيه يا عمر إنا قد مصاريف المدارس ؟ سيب العلم لأهله اللي يقدروا عليه .

كثيرا ما حسدت صباح علي حنية عمر، وعطفه عليها وعلي بناتها ، ظلت سنوات تدبر وتوفر وتحرم أبناءها من كل شيء حتي تثبت للكل أنها كانت محقة حين طالبت بفصل معيشتها عنهم ، ولكن الأيام تمر ولا شيء يطرأ عليهم ، كل ما استطاعوا توفيره بضعة قراريط في الحوض الشرقي وهي أرض بعيدة وقليلة العطاء كما سمعت قبلا من زوج خالتها الذي تمنى كثيراً أن تنال حبه . فشلت في ذلك رغم أنه يقف لعنتر كثيراً ويمنعه من ضربها .  
منديل فاطمة

كانت سلوي تتوق دائما إلى دفن جسمها في حضن جدتها الدافئ. تعشق جسد



الحاجة البض الذي تفوح منه دائما رائحة الزبد واللبن الرايب مختلطة برائحة صابونها الممسك وعطرها الجميل ... ترى متعتها الكبرى في أن تسمح لها الحاجة بدعك ظهرها ساعة استحمامها . تفرح حين تدب الكوز في حلة الماء الساخن .تدلقه على ظهر جدتها ، فينزل الماء دون أن يبتل ظهر الحاجة وكأنها دهنته بالسمن . كانت تضحك وتقول لها:

- ستي الميه مابتبلش جسمك خالص .

ومن خلال الصابون الذي يغطي وجه الحاجة تقول لها:

- العجل في بطن أمه .

تضحك الصغيرة وتكب آخر كوز على رأس الحاجة وتستدير لتحضر لها البشكير القطني الأبيض . تبعد وجهها عن الجسد البض حين تقوم لتتناول البشكير حتى لا ترى عورة جدتها، تقرب القباق الخشب من قدميها وهي مغمضة لعيونها وتجلس في انتظار أن تكمل ارتداء ملابسها.تتشمم رائحة الصابون المعطر الذي لا يشبه الصابون الذي يدخل في عيونها وأنها تدعك لها ظهرها ، وتقول للجدة :

- الله يا ستي ريحتك حلوة قوي زي المسك .

- تعالي يا ست البنات أحطلك ريحة حلوة زيك .

تمسك الحاجة بزجاجة من العطر تكب قدراً منها وتدعك للصغيرة خدودها وتحضنها بعد أن تأخذ نفساً عميقاً من رقبتها ووجهها وتقول لها :

- الله شفتي ريحتك أحلي إزاي زي العنبر .

كل ليلة تحاول صباح أن تأخذ الصغيرة معها لتنام وسط أخواتها في الدور العلوي، ولكنها تبكي وتدبب بأقدامها في الأرض ولا تسكت إلا حين تخلصها الحاجة من بين يدي أمها وتخبئها وراءها وتقول إنها ستنام معها. لا تجد صباح حلاً إلا أن تستسلم . تلوم الحاجة على إفسادها للصغيرة بهذا التدليل، حين تستسلم تتقافز الصغيرة خلف ظهر جدتها وتهتف بحبها وتسرع إلى سريرها المفروش دائما بملاءات مليئة بالورود والعصافير. تندس تحت لحافها الحريري وتنتظر مكافأة كل ليلة قطعة السكر النبات التي تخرجها الحاجة من الصندوق الخشبي الذي مجرد رؤيته يفتح أمام الصغيرة يمثل كل الفرح، فمنه تخرج الحلوى والفاكهة والسكر النبات ومنه تشم رائحة المسك والبخور الذي تطلقه كل مساء .وتطوف به

حجرات البيت الكبير على اتساعها تنام الصغيرة في حضنها وحين تغرق في النوم تحاول الحاجة أن تنقلب علي جنبها الآخر وتسحب ذراعيها، فتصحو على صوت

ينادى على جدتها:

- يا دولت قومي الفجر قرب حمتك المترد قومي صلي واحلبي البهايم.  
ترتجف الصغيرة . تسأل عن صاحبة الصوت ، تقول لها الحاجة أن هذا هو صوت  
عمتها فاطمة في الحجرة المجاورة. تقوم لتتوضأ وتعود سلوي للنوم مطمئنة إلى  
أن الصوت الذي تسمعه هو صوت عمتها . حين تستيقظ تصعد إلى سطح المنزل ،  
تجد فاطمة جالسة على المصطبة الطينية العالية فوق السطح تمشط شعرها  
الذهبي الطويل، والذي يفرش المصطبة خلفها. تقف من بعيد تتأملها وحين تشعر  
بها فاطمة تبتسم في صفاء وتنادي عليها . تقترب سلوى وتلح على عمتها أن  
تدعها تمشط شعرها، ترفض فاطمة في دلال، وحين تغضب الصغيرة ، توافق  
بشرط ألا تشده بعنف كما المرات الفائتة. تزقظ ، وتمسك بالمشط العاج الذي يلمع  
في ضوء الشمس تقول لها:

-عمتي أبويا جابلك المشط ده من قدام الحسين؟.

-أيوه ، عاجبك خديه.

-لأ. أنا هقول له يجيب لي واحد زيه في المولد الجاي ،ثم تمسك خصلة من الشعر  
وتمر بالمشط عليها وهي تسألها.إنت ليه يا عمتي مبتروحيش معانا المولد؟

- عشان عيب أروح وأنا بنت بنوت.

- طب ما أنا بنت.

-بس أنت صغيرة لما تكبري أكيد هيمنعوكي من حاجات كتير.

- طب أنا مش عايزه أكبر. وبعدين همه مش هيقدروا يمنعوني عشان أنا هروح  
المدرسة اللي في المركز.

- أنا منعوني من السوق ومرواح مصر والمدرسة.

- يا عيني يا عمتي . بس أنت شعرك زي الذهب نفسي شعري يكون حلو زيك  
كده.

- أنت كلك حلوة والغمازتين اللي في خدك زي السكر.

- عمتي أنت اللي بتنادي على ستي وتصحيحها بالليل؟

-لأ دي عمرة الدار.

ولما تلمح فاطمة الخوف في وجه الصغيرة ، تضحك وتقول أنها هي التي تنادي  
عليها.فترد سلوي في حيرة :

- إزاي يا عمتي بتقوليلها دولت كده من غير يامه ؟

- وإيه يعني بدلها مش أمي ؟
- لا يا عمتي دي ستي ، كل الناس بتقولها يا حاجة .
- كل الناس مش أنا ، أنا حرة في أمي .
- إذا كان حتي جدي الشيخ بيقولها ساعات كثير يا حاجة .
- في الليل حين تدخل في حضان جدتها تحت اللحاف تقسم عليها بالشيخ (على) أن تقول لها الحقيقة ولكن الحاجة تبتسم من فضولها ، وتتهرب من الرد و وبعد إلحاح تخبرها أن عمرة الدار هي التي تنادي فتتكمش بجسدها الصغير في لحم الحاجة البض الذي تفوح منه رائحة الزبد وتنام .
- كل يوم بعد أن تغيب الشمس تحضر فاطمة جرتها الفخارية. تدعكها بالليفة الخشنة ، حتى تصير حمراء خالص وتبخرها ، وتنتظر صديقاتها ليذهبن إلى النهر في ضوء القمر ، حتى يملأن الجرار ويغمسن أقدامهن فيه ويجلسن كل واحدة تحكي عن أحلامها ثم يعدن ليخلطن ماء النهر بالماورد ويغطين الجرار بالمناديل المعطرة المزهرة . لم يكن يحلو لكل من في البيت إلا الشرب من جرة فاطمة . في هذا المساء جاءت فاطمة خائفة ومرتعشة دون أن تملأ جرتها ولما سألتها الحاجة عن ذلك قالت:
- عارفة شجرة الكافور العالية اللي على الجسر؟
- ما لها ؟ إيه فيها ؟؟
- شفتنا مندبة حامية ونسوان لابسة إسود .
- بالليل يا ساتر يا رب مين اللي مات ؟ ومندبة إيه اللي علي الجسر؟ هوه غريب عن البلد ولا إيه ؟
- في ضي القمر لمحت واحدة في نص المندبة بتشلشل بشاش أسود بين ذراعيها وتعدد
- ودول مين دول؟
- أول ما شافونا قالت اللي في نص المندبة (ياطالعة في القمر يا أم الجريرة الحمرة قولي لأميرة الأمرا خيك حديد مات).
- لم تكمل فاطمة جملتها ،حتى سمع جميع سكان المنزل الكبير . وقد يكون سمعه من يقف علي بعد شارعين منه . صراخا وظل امرأة يخطف المنديل الموضوع على جرتها الفارغة ويسرع خارجا من الدار. فزع الصغار ، ووقف شعر الكبار ، فبسمت الحاجة وحوقلت وطافت ببخورها على رءوسهم جميعا تمرر يدها على

رءوسهم وتقرأ في سرها. والشيخ صالح جالس دون تعليق ، بعد أن فرغت من طقوسها ضمت الصغيرة سلوي إلى حضنها وأخبرتهم جميعا أن هذه عمرة الدار التي تحرص الحاجة على وضع كوب أعلى الغطاء الخشبي للزير ، لتشرب به هي وساكنو الأرض السفليون.

بعد مضي أيام ثلاثة استيقظوا علي رؤية منديل فاطمة مفروشا على الفرن وفوقه مجموعة من الكعك المرشوش على وجهه السكر والسمسم . تحير الجميع إلا الحاجة دولت التي كانت تعد الإفطار وترمقهم باسمه. قسمت عليهم الكعك فرفضوا جميعا أكله ، ولم يتشجع واحد منهم إلا بعد أن أمسكت بكعكة ، وقرأت اسم الله عليها وقضمتها بأسنانها البيضاء التي لم تنقص ولو سنة وحيدة رغم سنوات عمرها الكثيرة. وزعت عليهم قطع الكعك وجلست تحدثهم عن أهمية احترام هؤلاء السفليين وعدم التعرض لهم فهم يعيشون بينهم ولهم خصوصياتهم.

كيزان الذرة

كان دياب صديق النضر وصاحب جلسات الحشيش جالسا بجوار السبيل في الحوض الغربي. ضحك طويلا وهو يصف للنضر كيف أنه زنق البنت راوية وسط عيدان الذرة الطويلة في عز القبالة.

يا بني قاعد مولع سيجارة وبفكر في اللي حصل مع أمي والتغنيص اللي شغال ليل ونهار علي القيراطين اللي في الطوال ، قتلتها نبيعهم وأتجوز بيهم ، عديك ساعة يا بني وهية تندب وتقول .

- تبيع إيه يا بني إنت اتجننت دي أرض عفيه وخسارة تتباع .

- يا عم الغيط بعيد ، ده قرب الترب في آخر البلد، وعلشان الواحد يرويهم ولا يعزقهم شغلانة .

- يا بني حرام والله ده قرن الفول لما رحتمعك في قُصَال الفول اللي فات ما شاء الله بقرنين من أرضنا هنا.

- المهم سيبك ما هي الحاجة فردوس مصممة علي الرفض ، هُبّ وسمعت خروشة في الدرة ، دخلت لقيت البت بتكسر في كيزان الدرة ، رميتها يا بني على الأرض بركت عليها وهي بتفرط ومقمتش من عليها غير لما حسيت إن عيدان الدرة ولّعت ضهري .

ضحك النضر وساوى قطعة الحشيش التي حرص على تفتيتها وخلطها بالدخان ثم بلل ورقة البفرة بشفتيه التي سال عليها ريقه ، وهو يسمع كلام دياب الذي

استرسل في الحديث.

- والبنت بنت اللبوة لما قمت من عليها بصتلي من غير ولا كلمة وكسرت نص شوال درة وشالته وسابتي ومشيت.

أشعل السجارة ثم نظر إلي صديق عمره دياب وقال :

- أنا من زمان مفقشتش البت راوية. تصدق أنا نفسي أزنقها دلوقتي.

ثم أخذ نفساً من السجارة ، ونظر إلي الفضاء الواسع . ظهرت عيونه رائقة وهو يضيف :

- وأنا أديها كل عيدان الذرة اللي الشيخ صالح زارعهم .

ثم مد يديه بالسجارة وهو يضيف

- بس أكيد عمك الشيخ صالح هيحزن كتير على ضياعها.

ثم ضحك وهو يتحسس ما بين فخذه وقال :

- بس مش خسارة في راوية.

أخذ دياب السجارة وامتص دخانها باستمتاع وتاه في الفراغ ، ثم حرك يده الفارغة من السجارة وتحسس ما بين فخذه أمام النضر الذي ما يزال يشعر ببقايا رغبة جامحة في الاختلاء الآن براوية. أمسك من يده السجارة وسحب نفساً عميقاً أتبعه بإخراج الدخان من أنفه بسرعة ، ثم ببطء من فمه ، وهو يفكر في حال الشيخ صالح الذي يطعم شقى السنة كلها للإخوان ثم قال:

- والله راوية أحق بكل كيزان الدرّة من الصيع اللي لامهم عمك الشيخ صالح.

- آه والله ، عمر والشيخ بيضيعوا عمرهم وشقاهم على الشيوخ والمريدين.

كان النضر ما زال مستمرا في السخرية من أبيه وأخيه وأقطاب الله الذين ينكرون الدنيا بنورهم الرباني، هؤلاء السالكون لطريق الله . أقبل أبوه راكبا حماره الأبيض القوي ، ويجر خلفه الجاموستين والبقرة، ترك دياب سائدا ظهره للسبيل وأسرع

إلى داخل غيط الذرة ، ليختفي منه حتى لا يوبخه حين يراهما سويا ، فهو دائم

الاعتراض على صحبته ، ويصفه بأنه شقى الحال غضب عليه الرب والعبد. حين

أفاق دياب لم يجد النضر بجانبه . كانت السجارة قوية لدرجة أنه لم يشعر

بصاحبه، وهو يسرع لداخل الغيط. ووجد الشيخ واقفا أمامه راكبا حماره ينظر

مشققا عليه، فهو ابن شيخ جليل وصاحب في الليالي المضئنة بشموس المعارف

والأقطاب. حين انتبه لوقوف الشيخ أسرع إليه أمسك بيده التي يقبض بها على

مقود الحمار، وقبلها وطلب منه البركة والدعاء، ولم يكن كاذبا في هذه الرغبة فهو

يتمنى أن يرضى عنه الشيخ ويزوجه من ابنته فاطمة التي طالما لمحها ،وهي تدخل مسرعة حين تنادي على النضر بأن يأخذ صينية الشاي عندما يكون في زيارته. وهو يقبل يد الشيخ صالح كانت صورة فاطمة وضافرها الطويلة وعيونها العسلية الواسعة تحتل مساحة كبيرة في ذاكرته. سحب الشيخ يده التي مازال دياب قابضاً عليها و دعا له أن يهديه الله إلى طريقه وأن يبعده عن طريق الشر الذي يجر النضر إليه .

انكسرت نظرتة و عاد إلى مكانه ،انصرف الشيخ وهو ما زال يردد الدعوات ،و عاد دياب ،ليسند ظهره إلى السبيل و ينتظر خروج النضر بعد انصراف أبيه.جلس يلف سيجارة أخرى فقد أضاع الشيخ صالح أثر السيجارة الماضية. تاه بنظراته في الفراغ. فاجأ صديقه برغبته في خطبة أخته فاطمة. أخذ النضر نفساً عميقاً من سيجارته ولم يرد ، فنظر إليه دياب نظرة عتاب ،ولكنه ظل يفكر في كلام صديقه قبل أن يخبره بخوفه من رفض والده ، فهما يدركان جيدا أنه لن يوافق عليه ، ولكن دياب كان يأمل في أن تشفع له صداقة أبيه، وطريق الله الذي مشوا فيه سوياً، رغم أنه مدرك تماماً أن الشيخ يراه قد لطح اسم أبيه ومرّغه في الوحل، كما قال له في مرات سابقة بسلوكه الشائن. أقسم له إن وافق الشيخ على زواجه من فاطمة سيتترك نهائيا الجري وراء النسوان وجلسات الحشيش ، ويشعل دسنة شمع كل يوم جمعة ولمدة عام كامل لمقام الشيخ "علي" ضحك النضر طويلا وهو يتخيل ديابا واقفا أمام المقام يتبرك بالكسوة الخضراء، ويشعل الشمع، ويتمتم بالقرآن ،هو الذي لم يصل إلا الجمع والأعياد ، ولم يدخل مقام الشيخ "علي" منذ أن مات أبوه وجلس بجانب المقام ينتحب .ساعتها دخل عليه النضر، وأخرجه ومن يومها لم يدخل المقام. غضب من سخرية صديقه، وانتفض واقفا ، واصل النضر ضحكه وهو يمسك بجلبابه ، كي يجلسه . لم يجلس إلا بعد أن أخذ عهداً منه أن يكلم أباه في الموضوع.:

- طيب اقعد بس متزعلش مش قصدي .أصلي بتخيلك وانت واقف تولع الشمع لمقام الشيخ بذمتك آخر مرة دخلته امته ؟
- من يوم ما دفنت أبويا.
- وآخر مرة صليت امته ؟
- إيه يا أخي ما الحال من بعضه .أنت بتقطنني كده وأنت صاحبي،أمال أبوك وعمر وعنتر هيعملوا إيه ؟

- يا أخي رد عليّ .
- آخر مرة الجمعة اللي فاتت. ما أنت عارف إلا صلاة الجمعة الحاجة فردوس تعملها مصيبة لو ما صليتهاش .
- ما أنا زيك معرفش ليه أهم حاجة صلاة الجمعة ، بس ولا يهملك سوق علي الشيخ الست أمك هو بيعزها . بيحترم ذكري المرحوم أبوك وأكد هيوافق .
- في المساء زارت أم دياب الحاجة دولت وراحت تتذكر الأيام القديمة ، وبغمزة من يدها علي فخذ الحاجة وبنظرة تلصص علي الباب الموارب وبصوت هامس سألتها.
- أخبار جود إيه؟
- ضربتها الحاجة بعشم وود وعُمر اقترَب علي الرحيل ، وابتسامة العارف بخبايا القلوب.
- أنت لسه يا فردوس فاكرة ؟
- هو أنا أنسي فرحة عمري كله برضو يا دولت؟
- تصدقي إنه مرة سألني عليكي.
- برغبة من حرم من الماء طوال أيام ، وبعيون العاشقة طيلة الحياة ، وبرعشة ابنة أربعة عشر عاماً قالت فردوس:
- أمتي يا بت ؟ بجد ؟ وسأل عليّ ؟ أنتي بتضحكي عليّ.
- أنهت جملتها وفي عيونها أمل تكذيب دولت للجملّة الأخيرة فقط .
- بالراحة يا أم دياب. لأ ما بضحكشي عليك ولا حاجة .
- طيب إمتة ؟ وسأل بجد ولا سؤال كده في السكة ؟
- بعد موت المرحوم بزمن . وسأل بجد وكان متأثر .
- وكان يد جبارة سقطت عليها وسحبت منها الحياة ، فبدت لدولت امرأة مسنة و ضعيفة حتي أنها مدت يديها وسحبت رأسها ووضعته علي فخذها ، ثم راحت تمر بها علي جسدها ، وهي تدعو في سرها لدقائق طويلة وفردوس غائبة عن الوعي أو ما يشبه ذلك . رفعت وجهها لتظهر عيونها المليئة بالماء السائب وقالت بصوت المونب لذاته:
- تصدقي يا دولت إني يا ما دعيت عليكي.
- عارفة وعذراكي ياختي.
- ماكنش في إيدي.

قالتها فردوس وهي تعطي الإذن لجسدها أن يتحد مع الماء ليكونا رقصة الندم  
والحزن والعشق والرغبة والحلم وكل عمرها الفانت ينتقص سنوات الطفولة  
والتي كانت علي وجه الدقة أربعة عشر عاما وبضعة شهور وبالتأكيد بضعة أيام  
وعصر يوم كانت عائدة مع أمها من عند خالتها في ديرمواس ، شاهدت فيه عبد  
الموجود يقف تحت شجرة الصفصاف ، يرفع قلة ماء تطرطش علي رقبتة  
لتنساقط علي صديري ، تظهر فيه خيوط الفضة لامعة من أثر بعض خيوط أشعة  
الضوء التي تغافل أوراق الصفصاف ، علي سروال أبيض ، يسقط حتي منتصف  
الساق الأبيض الجميل . كانت لوحة عمرها التي رفضت منذ رأتها تتجسد أمامها  
بيد خالق باهر- منح بعض آثار ما يتساقط من فعل يديه لرجل يدعي دافنشي فرسم  
الموناليزا - أن تتنازل عن عشقها حتي النخاع لكن ذاك الخالق الباهر لعبد  
الموجود في تلك اللحظة ، كانت له قدرة أشد في تسيير القلوب والمصير ، لقد  
أحب جُود ابنة خالته دولت التي كانت تحب صالح ابن خالتها الآخر ، وتزوجت به  
، ليرفض جُود ذاته أن يلمح ظل امرأة بعدها ، وتسوق فردوس طوب الأَرْض  
عليه ، لكن لا فائدة ، فهو لا يري امرأة غير ابنة خالته التي اختارت غيره .  
تخاطب منا في الوجوه عيوننا . ترانا سكوتا والهوي يتكلم .  
كان يحب ويعشق دولت التي كانت تعرف عشق صاحبتها فردوس له ، ذلك العشق  
الذي ألزمها أن تقطع السنة الناس التي عرفت بعشقها له ، وبدأت تلوك سيرتها ،  
ألزمها ذلك العشق أن تتزوج من أول واحد يتقدم لخطبتها ، وكان محمود صاحب  
صالح الذي صار لها نعم الزوج والحبيب ، ولكنه يوما لم يستطع أن ينسيها  
لوحته التي رأتها في لحظة فارقة بين الحياة والموت .  
- اهدي ياختي وفوزي بالصبر .  
مدت يدها وأمسكت بطرف الطرحة التي كانت تحت وركها وتحركت قليلا في  
الهواء حتي تستطيع سحبها ، ومسحت بها عيونها وهي تتلصص وتصيح السمع  
علي أصوات الأقدام التي تمر بالقرب من قاعة الحاجة .  
- هو ربك عارف ومستنية نصيبي يا حاجة وعاملة حسابي ورحمة المرحوم .  
ثم رفعت يديها في اتجاه السماء وأضافت بصوت الواثق .  
- ويشهد علي أبو خيمة زرقا . من يوم ما دخلت بيته وعمرى ما عملت حاجة  
تغضبه وصاينة شرفه . ثم أنزلت يدها ونظرت ملياً إلي وجه صاحبته القديمة  
وأضافت بصوت الطالب للمغفرة .



- أما اللي هنا ده بتاع ربنا .  
ووضعت يدها علي نقطة وحيدة ظلت توجعها وتؤلمها وتعذبها في صحوها  
ونومها .وهي أمام الفرن ، أو تحت ضرع جاموسة. في حضن زوجها أو في  
ركعتي الشفع والوتر.في دموعها وزوجها يخرج محمولا علي الأكتاف وفي طلة  
صغيرة علي عبد الموجود الذي جري ليحمل النعش.  
- ربك يحاسب بمعرفته لأنه هو اللي خالقه.  
- وحش

\*\*\*\*\*

في المساء زارت أم دياب الحاجة دولت وراحت تتذكر الأيام القديمة ، وبغمزة من  
يدها علي فخذ الحاجة وبنظرة تلصص علي الباب الموارب وبصوت هامس  
سألته.

- أخبار جود إيه؟

ضربتها الحاجة بعشم وود وعُمر اقترب علي الرحيل ، وابتسامة العارف بخبايا  
القلوب.

- أنت لسه يا فردوس فاكرة ؟

- هو أنا أنسي فرحة عمري كله برضو يا دولت؟

- تصدقي إنه مرة سألني عليكي.

برغبة من حرم من الماء طوال أيام ، وبعيون العاشقة طيلة الحياة ، وبرعشة ابنة  
أربعة عشر عاماً قالت فردوس:

- أمتي يا بت ؟ بجد ؟ وسأل عليّ ؟ أنتي بتضحكي عليّ.

أنهت جملتها وفي عيونها أمل تكذيب دولت للجملمة الأخيرة فقط .

- بالراحة يا أم دياب.لأ ما بضحكشي عليك ولا حاجة .

- طيب إمتة ؟ وسأل بجد ولا سؤال كده في السكة ؟

- بعد موت المرحوم بزمن . وسأل بجد وكان متأثر .

وكان يد جبارة سقطت عليها وسحبت منها الحياة ، فبدت لدولت امرأة مسنة و  
ضعيفة حتي أنها مدت يديها وسحبت رأسها ووضعته علي فخذها ، ثم راحت تمر  
بها علي جسدها ، وهي تدعو في سرها لدقائق طويلة وفردوس غائبة عن الوعي

أو ما يشبه ذلك . رفعت وجهها لتظهر عيونها المليئة بالماء السائب وقالت بصوت المؤنب لذاته:

- تصدقي يا دولت إني يا ما دعيت عليكي.

- عارفة وعذراكي ياختي.

- ماكنش في إيدي.

قالتها فردوس وهي تعطي الإذن لجسدها أن يتحد مع الماء ليكونا رقصة الندم والحزن والعشق والرغبة والحلم وكل عمرها الفانت ينتقص سنوات الطفولة والتي كانت علي وجه الدقة أربعة عشر عاما وبضعة شهور وبالتأكيد بضعة أيام وعصر يوم كانت عائدة مع أمها من عند خالتها في ديرمواس ، شاهدت فيه عبد الموجود يقف تحت شجرة الصفصاف ، يرفع قلة ماء تطرطش علي رقبتة لتتساقط علي صديري ، تظهر فيه خيوط الفضة لامعة من أثر بعض خيوط أشعة الضوء التي تغافل أوراق الصفصاف ، علي سروال أبيض ، يسقط حتي منتصف الساق الأبيض الجميل .كانت لوحة عمرها التي رفضت منذ رأتها تتجسد أمامها بيد خالق باهر- منح بعض آثار ما يتساقط من فعل يديه لرجل يدعي دافنشي فرسم الموناليزا - أن تتنازل عن عشقها حتي النخاع لكن ذاك الخالق الباهر لعبد الموجود في تلك اللحظة ، كانت له قدرة أشد في تسيير القلوب والمصير ، لقد أحب جُودُ ابنة خالته دولت التي كانت تحب صالح ابن خالتها الآخر ، وتزوجت به ، ليرفض جُودُ ذاته أن يلمح ظل امرأة بعدها ، وتسوق فردوس طوب الأَرْض عليه ، لكن لا فائدة ، فهو لا يري امرأة غير ابنة خالته التي اختارت غيره . تخاطب منا في الوجوه عيوننا . ترانا سكوتا والهوي يتكلم.

كان يحب ويعشق دولت التي كانت تعرف عشق صاحبته فردوس له ، ذلك العشق الذي ألزمها أن تقطع السنة الناس التي عرفت بعشقها له ، وبدأت تلوك سيرتها ، ألزمها ذلك العشق أن تتزوج من أول واحد يتقدم لخطبتها ، وكان محمود صاحب صالح الذي صار لها نعم الزوج والحبيب ، ولكنه يوما لم يستطع أن ينسيها لوحته التي رأتها في لحظة فارقة بين الحياة والموت .  
- اهدي ياختي وفوزي بالصبر .

مدت يدها وأمسكت بطرف الطرحة التي كانت تحت وركها وتحركت قليلا في الهواء حتي تستطيع سحبها ، ومسحت بها عيونها وهي تتلصص وتصيح السمع علي أصوات الأقدام التي تمر بالقرب من قاعة الحاجة.

- هو ربك عارف ومستتية نصيبي يا حاجة وعاملة حسابي ورحمة المرحوم .
- ثم رفعت يديها في اتجاه السماء وأضافت بصوت الواثق.
- ويشهد علي أبو خيمة زرقا. من يوم ما دخلت بيته وعمري ما عملت حاجة تغضبه وصاينة شرفه .ثم أنزلت يدها ونظرت ملياً إلي وجه صاحبها القديمة وأضافت بصوت الطالب للمغفرة.
- أما اللي هنا ده بتاع ربنا .
- ووضعت يدها علي نقطة وحيدة ظلت توجعها وتؤلمها وتعذبها في صحوها ونومها .وهي أمام الفرن ، أو تحت ضرع جاموسة. في حضن زوجها أو في ركعتي الشفع والوتر.في دموعها وزوجها يخرج محمولا علي الأكتاف وفي طلة صغيرة علي عبد الموجود الذي جري ليحمل النعش.
- ربك يحاسب بمعرفته لأنه هو اللي خالقه.
- وحشاني والله يا أم دياب.
- متشوفيش وحش يا حاجة ويجعله عامر ببركة ربنا والشيخ علي والحاج صالح وما يحرمك من دخلته عليكي انتي وعيالك يا رب.
- قادر ياكريم والنبي يا فردوس يجعل يومي قبل يومه.
- صدقت ، والنبي ياختي.أنا لا يصة ووشي انكشف من ساعة ما مات.
- الله يرحمه ويجعل آخرتنا زيه ياختي.أنت فاكرة الرؤية اللي شافها الحاج صالح بعد موته بإسبوع.
- طبعا فاكرة.أمال إيه. ودي حاجة تتنسي برضو يا أم فاطمة.
- الله يرحمه كان من أصحاب الحاج اللي وسطه انقسم بموتهم.
- ده بس من كرمكم وبركات ربنا.ده لولا دعاه اللي كان بيدعيه والنبي يا دولت ياختي وهو نايم علي دراعي كده كان يرفع عيونه للسما ويدعي إن ربنا يكرمه في اللي قاسم وسطي وموت المرحوم بحسرتة.
- تقصدي دياب ، شباب ياختي وبكرة يعقل.
- قالتها دولت وهي تمد يدها وتربت بها علي فخذ فردوس التي انسلت من يوم أن رفض جود أن يتزوج بها.
- إمتي بس يا أم فاطمة؟
- إن شاء الله عن قريب.
- عموماً يظهر فرج ربك قريب.

- خير إن شاء الله.
- قالتها دولت وهي تحس بما يدور في عقل صاحبته منذ نادتها بأمر فاطمة.
- النهارده قبل ما أجيلك علي طول. لقيته داخل علي وماسك المصحف في إيده وقاعد قدامي وخط إيده علي الختمة وراح حلفي إنه هيبقي كويس ويشغل في أرضه ويسيبه من كل المشي البطال لو ربنا رضي عنه وحنن قلبك عليه.
- وأنا في ديك الساعة يا أم دياب. قلبي وربّي راضيين عليه.
- إحنا طمعانيين في كرم الحاج صالح يا أم فاطمة.
- أنتي أختي والمرحوم أبو دياب كان ونعمة الأخ للشيخ صالح ، بس أنت عارفة يافردوس ياختي عميل دياب ومتأخذنيش أنتي أختي شال الحاج صالح علي رأس فاطمة الوحيدة علي أربع رجالة مفهمش غير النضر هو بس اللي زي دياب ربنا ياختي يصلحهملك.
- أنا عارفة كل اللي أنتي خايفة منه وعذراكي ، بس ما علي الرسول إلا البلاغ ويمكن دي تكون بداية جديدة ، يرحم اسم أبوه اللي مرّغه في الوحل بمشيه البطال ، الواد هيموت عليها ، وحلف إنه ما هيقرب من الحرام تاني لو وافقتو. هو هيجي قدامكم كلكم ويحلف علي الختمة وأنا عرفته إن اللي يحلف علي الختمة ويكون كذاب بعيد عن البيت وأصحابه ربنا بيعميه ولا يبشله.
- مش عارفة أقول لك إيه يا فردوس؟
- متقوليش يا حاجة. أنتي اللي بقيالي من كل الحبايب. وعارفاني وعارفاكي وعارفة ابني كمان.
- أدكي قولتيها يا فردوس.
- حاسة بيكي يا حاجة. وأنت طول عمرك حاسة بيا. وبعد كده وقبله ياختي القسمة والنصيب. ثم أنزلت يدها المرفوعة في الهواء وأضافت بصوت حزين.
- وأنا اللي مجربة القسمة والنصيب.
- بتلك الجملة ودعت دولت فردوس بعد أن دخلت فاطمة عليهما ، فوقفت لها أم دياب واحتضنتها كثيرا علي غير العادة ، ثم راحت تتحسس بيدها طول شعرها ومؤخرتها وقوامها و تتملي في شرطة عيونها ، وهي تكاد تطير من الأرض وتبسم وتحوقل خوفا من عيونها التي لم تكن أبد لتحسدها.
- تأكد لعبد الموجود أن ابنة خالته قد اختارت صالح بعد أن خيرتها أمها بين الاثنين ، نظرت إلي الأرض ، وقالت علي استحياء لأمها. التي تمننت لها عبد

الموجود،الذي كان قادراً علي خطف كل القلوب إلا قلب حبيبته . :

- بس يا أمي صالح متعلم وابن الشيخ حسين ووارث الطريقة بعد أبوه .

ساعتها تأكد للأم التي كانت عليمة بالقلوب ، وخاصة قلب ابنتها أنها تميل إلي صالح . قالت في نفسها أن الاثنين ابنا أختيها ووافقت ، وأخبرت زوجها بموافقة دولت علي صالح .

حزن عبد الموجود كثيراً ، قرر بينه وبين نفسه ألا يدخل لخالته أو لابن خالته بيتاً ، ولكنه لم يستطع ذلك ، وخاصة بعد وفاة أمه وتركه وحيداً مع أخته " صفية " ، فاختار أن يتصالح مع نفسه ويعيش بينهم ويتمتع بحبهم وعطفهم ، يكتفي بقربه المشروع من حبيبة روحه .

وفي لحظة فارقة بعيدة عن الزمن كانت فردوس صديقة دولت - التي لا تفارقها - عائدة مع أمها من المركز ، حين كانت في زيارة لخالتها ، وقعت عيناها عليه ، وهو واقف يشرب تحت شجرة الصفصاف ، وخيوط الضوء الساقطة علي خيوط الفضة التي تخطط الصديري الذي يرتديه ، تعكس وسامة وجهه. ذابت فيه الفتاة التي لم تعد بعد صغيرة . أسرع إلي صديقتها ورفيقة روحها دولت .جلست أمامها، وهي ترتعش من فرط الحب الذي ملأ قلبها فجأة بعيداً عن المنطق

والخجل ، وصفت لها وقفته ، وروحه وابتسامته التي رماها بها دون أن يقصدها ، استمعت إليها دولت وهي ذاهلة ، ولا تعرف بما تعلق علي كلام صديقتها التي فاجأتها بهذا الكلام ، لم تتعود البنات في هذه البيئة علي البوح بهذه الطريقة .

تعاطفت معها تماماً، واحتضنتها لتهدأ رعشة جسدها ، ولكنها لم تجرؤ علي نصحتها بشيء،هي التي أحبت صالح ، و صار زوجها لها . النساء ليس مسموحاً لهن أن يقتلن أنهن يعشقن ،ويذبن في العشق .عليهن انتظار الخطوة الأولى ممن يحببن ، وإن لم تأت هذه الخطوة فعليهن كتمان هذا الحب ،والرضا بالمقسوم . من لها بالرضا بالمقسوم ؟ توسلت لصديقتها أن تكون رسولها إليه. لم تستطع دولت أن تصارحها بحب عبد الموجود لها، لم تستطع كسر خاطرها . وعدتها بأن تجد طريقة للحديث معه بشأنها . وكانت صادقة في وعدها ،فقد حدثت صالح بشأنها .طلبت منه أن يتوسط لدي عبد الموجود بطريقة لا تجرح كرامتها .لما نظر إليها عبد الموجود ،وصالح يحادثه أدركت تماماً مغزى نظرتة ،فهربت بعينيها بعيداً عنه ،واكتفت بقولها :

- ليه يا ابن خالتي لو لفيت الدنيا مش هتلاقي زي فردوس ؟

- أنا خلاص مينفعشي اتجوز ، كفاية عليّ ولاد صفية .
- بتتكلم كده ليه زي حدما يكون عندك ميت سنة،وماله لما تتجوز وتراعي ولاد أختك .
- لا خلاص ، اليتامي محتاجيني أكثر .
- حد هيمنعك عنهم دي حتي فردوس بنت حلال . عمرها ما هتكلّ بيهم ولا بأختك .
- ماينفعشي يا بنت خالتي .ماينفعشي أمد طولي في طول واحدة تانية .
- تعجب صالح الذي تأكد له الآن أن ابتعاد جُود عن النساء ،لأنه أحب دولت حد الموت وتجاهل جملة ابن خالته الذي يعرف مدي إخلاصه وأمانته وقال له :
- واحدة تانية ؟ هوه فيه واحدة أولانية ؟ يا عم اتكل علي الله ، البت حلوة ومن بيت طيب .
- فيه واحدة تانية ربطاني هيه وولادها سيبها علي الله يا صالح وربنا يعدل لفردوس حالها .
- اغتسل بالماء والملح من أجل عيونها .
- دخل النضر على أبيه في قاعة الشيخ (على) وجده يداعب حبات مسبحته. أمسك بيده يقبلها ،والشيخ ينظر إليه في عتاب وبقايا تسابيح في فمه:
- إيه يا بني أنت ملكش بيت ومرة من حقها تشوفك؟!!
- إيه يا با ما أنا أهه موجود.
- موجود فين؟ عند دياب ورفاق السوء؟ولا عند راوية؟؟
- أنت كل ما تشوفني توبخني .أنا زهقت.يعني مفيش حاجة بعملها بتعجبك أبداً ؟
- وانت يا ابني بتعمل إيه؟
- ما انا شقيان طول النهار في غيط العمدة مع ابنك أعمل إيه أكثر من كده .
- الله يرضى عنك يا بني .دياب هيجيب لنا وجع الدماغ والحكومة بتدعيس وراه.
- حكومة إيه يا با هو بيعمل إيه يعني؟
- يا بني خليل المخبر حذرنى. بلاغات كتير وصلت فيه. بيسرق من خلق الله وهيجرك وراه.
- حاضر يابا حاله هينعدل بس أنت توافق وتجوزه فاطمة.
- واضح إن الحشيش لحس مخك. فاطمة طاهرة الديل والقلب يتجوزها أبو ديل نجس؟!!
- يابا ده ابن الشيخ محمود من المريدين والإخوان.

- أيوه و دياب ضيع سمعته زي ما ضيع أرضه.

لجأ دياب إلى أمه ، وهو يعرف تماما أن عمه الشيخ، يُجلُّها، ويحترمها، فلم يستطع أن يرفض أمام دموعها ،لعل حال ابنها ينصلح بموافقته، ولما كان الشيخ أباً لبنت يخشي عليها، فوافق على شروط خُيل إليه أنها تضمن إصلاح حال دياب الذي تعهد له ألا يقرب الحرام وأن يبتعد عن المشبوهين.

وتزوج دياب من فاطمة بعد أن اغتسل بالماء والملح ، وبعد أن وضع المصحف على عينيه وأقسم أن يترك كل ما يغضب الله. حاول دياب جاهداً أن يحافظ على العهد بعد أن فاز بمنية القلب ، وفردت طولها في طوله ، وتخللت أصابعه خصلات شعرها الذهبي كما كان يحلم تماما ، لكن الحكومة لم تتركه في حاله .مازال عندهم من الأشقياء ،لم يغفر له دخوله عائلة الشيخ صالح ، وإن حدثت أي سرقة في البلد أصابع الاتهام تُشير إليه وتلاحقه.

تسمع فاطمة خبطات سريعة ومتلاحقة على الباب وصوت غاضب يقول:  
-افتحي يا مرة حكومة.

ارتجفت وسألت دياب ماذا فعل.

- عملت إيه تاني يا دياب ؟

- ورحمة أبويا وغلاوتك عندي ما عملت حاجة ، همه مش سايبيني في حالي  
ومش هيسيوني .

- إذا كان ربنا بيقبل التوبة العبد مش هيقبلها ؟

- قولي لهم يا ستي .أنا مالي .دايماً بيحملونا أي قضية علشان يعملوا ظبطية  
والسلام

- يعني هيتبلوا عليك ؟

أقسم لها بكل الأيمان أنه لم يفعل شيئا ، قفز من أعلى السطح إلى المنزل المجاور، ومنه إلى الشارع الخلفي.اتجه إلي مقام الشيخ (علي) ارتعشت قدماه، وهو يقترب من المقابر في هذا الوقت المتأخر من الليل ، كان الضوء الباهت ينسرب من باب المقام ، دق الباب فجاءه صوت الحاجة نبوية واهناً ، قربت اللبنة من وجهه وقالت له :

- انت مين يا بني ؟

- أنا دياب ابن الشيخ محمود يا خالتي .

- ابن فردوس ؟ تعال يا بني. مالك ؟ إيه اللي جابك في البرد ده ؟

- معلى يا خالى هبات فى حى الشىخ للصبح .

- اللى يحتمى بيه ما ينضام يا عين خالتك ادخل .

جال بنظره فى المكان ، كسوة المقام تتلألأ فى ضوء الشموع المتراقص ، تحسس الحرير الأخضر. مسح على العمامة البضاء الملفوفة على رأس المقام ، وتبتل بالفاتحة فى سره. تسمع العجوز همسه ، فتتظر إليه مشفقة، وتقوم إلى الحجرة المجاورة للمرقد العلوى .تضع بعض الطعام فى صحن كبير .تقدمه له باردا .  
- معلى يا بنى كل لقمة والصبح يحلها حلال .

قبل يدها الممدودة وأقسم أنه ليس بجائع . كانت تخدم المقام منذ ما يقرب من أربعين سنة ، جاءت إليه صبية فى التاسعة عشر بعد فقد زوجها وهو عائد من سوق الخميس فى نزلة البدرمان بعد بيع محصول الفاكهة وتحمله على العربات التى اتجهت به إلى الإسكندرية . قبض ثمن المحصول وعده ورضه فى محفظته الجلدية ذات الكباسين الفضية اللامعة .ودع التاجر الذى اشترى منه . عاد بعد أن حرص على أن يشتري لعروسه وابنة عمه كل ما يلزمها من السوق.رآه بعض اللصوص. ترصدوا له فى عز القيالة فى الطريق الذى يفصل بلده اسمو العروس عن نزلة البدرمان .تكاثروا عليه . قتلوه وأخذوا نقوده ، بعدها بسنة واحدة مات أبوها إثر سكتة دماغية أصابته . وجدت الفتاة نفسها دون عائل . طمع فيها العمدة وبعث إليها من يجس نبضها وينقل إليها رغبته فى الزواج منها .كانت ما تزال تحت تأثير صدمة موت الأب والزوج.رفضت وقررت فى لحظة لم تتدم عليها أبدا أن تهب نفسها لخدمة مقام الشىخ (على ) ذهبت إلى الشىخ حسين والد الشىخ صالح .طلبت منه أن ترعى المقام وتعيش فيه . تردد فى بداية الأمر خوفاً عليها أن تصير مطمعا للشباب والرجال ،وهى الجميلة التى لفت جمالها أنظار الكل، حتى العمدة نفسه طمع فيها ،ولكنها أصرت وقالت فى ثقة تدعو للعجب  
- اللى يعيش فى حماه ما ينضام ، وأبويا جالى فى المنام ،وطلب منى أبيع الجنية وأربي بيها كام يتيم وأعيش على خيرات الشىخ .

وبالفعل نفذت الفتاة ما طلبه منها الأب فى منامها واتجهت للمقام تقيم فيه ، وتنفق وتأكل وتشرب مما يحضره الناس للمقام من زبد وجبن وحمام ونقود . هدأت فاطمة بعد قفزة دياب على أسطح الجيران وفراره ، ونزلت متمهلة ، تعرك عيونها مدعية النوم ، وفتحت الباب . دفعها المخبرون وانتشروا فى الدار. غطت وجهها بطرحتها حين أحست بعيون ضابط المباحث تخترقها، بحثوا عنه فلم



يجدوه. بدأوا يبحثون عن سلاح أو حشيش. كبوا الزيت والسكر وبعثوا كل شيء  
، بحثوا حتى في الزير لم يجدوا شيئاً ، فأراد ضابط المباحث أن يأخذها إلى النقطة  
، ليأتي زوجها ولكن شيخ الغفر نصحه بعدم أخذها:  
- لا يا بيه بلاش ناخذها.

- هناخذها لغاية لما الخول بتاعها يبجي يطلعها.

- بلاش يا بيه دي بنت الشيخ صالح.

- يا رب تكون بنت بارم ديله ، لازم ناخذها لغاية لما الخول يبجي. ده اللي هيحبيه  
علي ملا وشه .

ولما كان ضابط المباحث غريباً عن البلد ، ولا يعرف من هو الشيخ صالح ، أصر  
على أخذها وفي النقطة أخرجها المأمور الذي يعرف قدر الشيخ واعتذر لها وبعث  
معها مخبراً ليوصلها إلى المنزل. شكرته وذهبت إلى منزل أبيها. فوجئ الشيخ  
صالح بابنته تدق الباب في ساعة متأخرة من الليل. حين فتح لها الباب ألقته  
نفسها في حضنه ، وبكت ، هداً جسدها المتشنج والحاجة تسأل في لهفة ما الذي  
حدث.

- إيه يا بنتي اتخانقتي مع دياب ولا إيه؟

- يا ريت يا أمه كانت جت على كده.

- إيه يا حاجة ؟ تهذا البنت الأول وبعدين نعرف منها كل حاجة.

- رحت النقطة يا با. اتبهذت. جاين يدوروا على دياب مع إنه معملش حاجة.

شعر الشيخ صالح بطعنة في قلبه. تركها تبكي في حضن أمها. دخل المقعد

البحري جلس في ضوء القنديل الباهت يبتهل، وبين الحين والحين ينظر إلي ظل

امراته الذي يتناول على الجدار وهي واقفة تنظر إليه وتسح عيونها.

-لازم أطلقها منه.

- معلش يا شيخ صالح البت حامل.

- عيلها يربيه إخوانه.

- البت صغيرة يا شيخ . هتميل بختها ؟

- أحسن من العيشة مع الفاسد ده.

-السماح يا شيخ. قلبك يساعه زى ما سايح غيره.

- إلا الحرام يا حاجة، إلا الحرام.

-معلش اصبر عليه بكرة ينصلح حاله.

-الصلاح من الله.أنا ماجوزتهلوش غير لما اتغسل بمية وملح وحلف علي المصحف إنه هيسيب طريق الفساد .

بعد انصراف قوة المباحث إلي المركز ، ذهب الشيخ إلي المأمور وتوسط لديه ، رجاه أن يخفف الضغط علي دياب ، استطاع أن يترك المقام ويعود إلي البلد .حضر إلي منزل الشيخ وجده جالسا أسفل التوتة التي تتوسط الدار،أصابعه تفتل حبلا يربط به البهائم . قبل رأسه وجلس بجانبه ، وحرص علي ألا ينظر في عينيه . يغمس قطعة الليف في إناء الماء الموجود بجانبه. ركز علي الحبل الذي يفتله. عاود دياب تقبيل رأسه . أقسم أنه لم يفعل شيئا منذ أن تزوج فاطمة. نظر إليه الشيخ ونادى علي ابنته التي كانت تتسمع من وراء الباب .أقبلت علي استحياء،وجلست علي أول درجات السلم. نظر إليها.الانكسار يلفها والحزن يقطر منها. سألتها إن كانت تريد العودة معه بعد ما حدث؟ أمأت برأسها وتاهت في الفراغ، نظر إلي دياب وقال له:

- دي المرة الأولى والأخيرة المرة الجاية هطلقها.

- يابا الحاج وأنا ذنبي إيه؟ والله ما عملت حاجة غلط خالص من ساعة ما اتجوزتها.

- تعال بعد صلاة العشا خدها.

انصرف دياب وواصل الشيخ ما يفعله وشفتهاه لا تفتران عن التسبيح.



## مشاغبة

استيقظت دولت مبكراً. اليوم الجمعة له طقس خاص. ترفض الخبيز أو أي شيء. لا تفعل سوى الأعمال الضرورية فقط ، مثل حلب البهائم الذي تقوم به بنفسها ، بعد مشاجرات الفريضة المستمرة وانفصالها عن المنزل ، الطبخ توكله إلى صباح ، تفضلها حتي علي ابنتها ، أحيانا تغار منها فاطمة . تطلق علي بناتها بنات البكرية، (طبعاً ما هية البكرية ) ، فتضحك أمها وتحتضن جسد سلوي النحيل وتقول لها تعالي يا بنت البكرية فتغتاظ فاطمة أكثر. قامت الحاجة نشيطة مرحة بعد أداء طقوس صلاتها الصباحية. نزلت لتعد الحمام لزوجها. غرقت الماء من الزير في حلة نحاسية. وضعت علي الكانون ، ثم كبت فيه الماورد وأدخلته الحمام . أيقظت زوجها الذي طوقها بذراعيه باسمها فأبعدت يديه بلطف وقالت:

- قوم يا شيخ الحمام جاهز.
- طب ومستعجلة ليه خليكي جنبى شوية.
- يا شيخ يلا مايقطعلكش عادة، خد حمامك لغاية ما أجهلك الفطار.
- قرصها الرجل في فخذها واقترح عليها أن يغيروا هذا الطقس الأسبوعي وغمز لها بعينه العسليتين ، فاحمر وجهها الأبيض المورود ولا بنت العشرين. قبلته في رأسه وتركت يديه تمسكان بالفراغ ، وخرجت. تعمد ألا يخرج بسرعة. عادت إليه. ادعي النوم . جلست بجانبه مرة أخرى علي السرير النحاسي وهمست :
- يا شيخ، يا بو عنتر . أنت نمت تاني .
- تعمد ألا يرد ، كررتها مرتين ، تسللت يده من تحت اللحاف الحريري وطوقت وسطها، ضحكت وحاولت إبعاده ولكنها لم تفجح :
- بدمتك مش أجمل حاجة إننا نغير العادة دي تعالي يا شيخة نامي جنبى شوية .
- يا راجل قوم . عيب عليك باقي ساعتين علي الظهر الشمس مغطية التوتة .
- مش مهم أديكي إنتي بتقولي باقي يبجي ساعتين، يعني لسة بدري. ماوحشتكيش؟
- يا راجل خلص أحفادك مليون الدار بسم الله ما شاء الله وانت لسه هتعيده تاني .

- قصدك إني كبرت، أنا لسه زي ما أنا وممكن أتجوز تاني .
- أنا اللي كبرت يا سيدي ،ولو عايز تتجوز مش همانع .
- تقدرني ؟ وهوه أنا الأقي زيك فين يا دولت .دول كلهم ستات ورق ،لكن أنت يا أم عنتر ، تعالي بس وأنا أوريكي إني لسه شايفك زي أول مرة شفتك . فاكرة كنت أنت وفردوس وأمك بتتفرجوا علي الذكر والصوان الكبير اللي كان عامله أبويا ، وأنا كنت لسه راجع من الأزهر فاكرة .؟ .
- ساعتها أنا حسيت ببصتك ليه، قلبي ارتعش، فخبيت وشي بالطرحة وأصريت إني أمشي ،وأمي خدنتي أنا وفردوس ومشيت .
- بذمتك من يومها مش كنت دايمًا بتتصنتي علينا لما كنت أنا وعبد الموجود بنزور أبوكي وخالتي ؟
- فعلا كنت بسمع صوتك أبقى مش علي بعضي .
- انتهز الشيخ فرصة الذكريات التي جعلت قلبها يرتعش، وأنامها علي ذراعه ، بعدها قامت علي صوت صباح التي تنادي علي ناهد ابنتها الوسطي وتسالها عن ستها الحاجة ، ردت علي صباح خجلة وخرجت ، وضعت جمرات النار في الإناء الفخاري الصغير ورشت عليه مسحوق البخور ، وطافت به جمرات الدار. توقظ النائمين ، وتطرد الشياطين.
- جلس الشيخ في الطريقة الواسعة التي تتوسط حجرات الدور العلوي .يحتفظ بعدة حلاقته في صندوق خشبي مخصوص. ثارت ثائرتة هو الوقور العطوف حين وجد المرأة التي يحلق عليها ليست في مكانها. أسرعت المرأة تهدئ ثائرتة وتبحث له عن المرأة. ثبتها على حاملين من المعدن وأخرج علبة الصابون الصغيرة وكوب الماء . وضع الصابون على وجهه بالفرشاة الناعمة وبدأ يحلق ذقنه والمرأة تطوف حوله تردد الأدعية وتتمتم في صوت غير مسموع إلا لها،وحين انتهى من حلاقة ذقنه وضع عليها الكولونيا وتحسسها بيديه ،ارتدى الجلباب الأبيض المفروود بعناية على السرير ، ولف الشال المزهر ، ونزل متمهلاً استعداداً للذهاب للمسجد ووراءه المرأة ، مازالت تحمل الإناء الفخاري وتردد أدعيتها . التفت بوجهه إليها وغمز لها بعيونه وهمس :
- زي زمان ولا شخت !؟
- ارتبكت ولم ترد ولكنها ابتسمت في حنان .
- تيجي نعملها كل جمعة .

دارت المرأة الخجل الذي بان عليها ، وتلفتت حولها تبحث عن عيون قد تري  
ارتباكها ، ابتسمت له في ود ودفعته دفعة خفيفة في ظهره:  
- يلا يا شيخ الجمعة هتفوتك  
- أنا قلت حاجة أنا بس عايز أعرف رأيك .  
- وده وقته الشيخ محمد رفع الأذان الأول انزل بسرعة .

## في حضرة سيد الشهداء

كان النضر يجلس مع دياب وبعض الأصدقاء يدخنون المعسل المخلوط  
بالحشيش، أول مرة يغير السجائر بالمعسل. أفرط دياب في وضع الحشيش . رأس  
النضر تدور ، أعواد الذرة تبدو له عالية ومتشامخة . نظر إلى دياب الذي امتلأ  
فمه بأنفاس الدخان ، وجحظت عيونه ، وهو يحاول أن يكتم أنفاس الدخان ،  
واصل النضر تخيلاته حتى أنه رأى الشيخ صالح يمسك بالشيشة ويشد الأنفاس  
ويخرجها من أنفه مثلما يفعل دياب في هذه اللحظة :  
- يا سلام يا أبو الديب علي المنظر اللي أنا شايفه .  
- شايف إيه يا حاج علي فرن بلاطته حامية ؟  
- شايف عمك الشيخ صالح قاعد وسطينا وماسك الشيشة زيك دلوقتي .  
- خيالك راح لبعيد لو أبويا جه من التربة يبقى أبوك يعملها .  
وضحك كثيراً حتى استلقى على ظهره وهو ينسج الصورة التي تخيلها فرأى  
الشيخ صالح يمرر الشيشة بينه وبين عمر والمريدين . بالغ في خيالاته فرأى  
الشيخ عليّ وباقي الأقطاب يشاركون في جلسة المزاج التي رسمها .. تعجب دياب  
من ضحكه الزائد وقال له:  
- وعمر كمان يا بني بيشد المبسم ويطلع الدخان من منخاره .  
- طرت يا حلو ومفيش فايده .  
- مش أنا اللي أطير من الحشيش المضروب بتاعك .  
- مضروب؟!  
- ده أي حد يشوفك يعرف إنك مونون ع الآخر فما بالك بالشيخ صالح ده هينكد  
عليك

- آه يا جدع مش عارف هدخل البيت إزاي وأنا في الحالة دي .
- قول يا شيخ العرب ونظ من على الزريبة .
- يا شيخ العرب ؟
- أيوه .
- اسكت أحسن أنا لسه شايف شيخ العرب بتاعك وبقية المشايخ قاعدين زينا كده  
بيشربوا حشيش وينكتوا .
- وشيخ العرب بنفسه كان ماسك الشيشة ؟
- أيوه يابني والدسوقي والشيخ علي والشيخ صالح بيخدم عليهم برضو .  
ثم هز رأسه لدياب وأضاف :
- أنا مش عارف يا أخي أبويا ده ملته إيه ده كان في مصر أم الدنيا وفين ؟ ده كان  
ساكن الغورية اللي نسوانها يكفروا العابد، ومع ذلك عمره ما خرج عن الدور اللي  
رسمه له أبوه .
- أهو أخوك عمر صورة منه .
- ضحك دياب ملء قلبه على النضر الذي شطح كثيراً بعد شرب الحجرين والذي  
سيطيرهما الشيخ صالح من رأسه بتوبيخه المعهود، وأعجبه منظر الأولياء وهم  
يشربون المعسل كما تخيلهم النضر ضحك كثيراً وقال للنضر:
- خيالك شطح بعيد والشيخ هيبهدلك لو شافك في الحالة دي أحسن حل خدك  
عطس في المحمودية قبل ما تروح فوق نفسك بيه .
- توقف عن الضحك وبدأ يفكر في الشيخ صالح والوعد الذي قطعه له ، حتي يُعيد  
إليه زوجته ، ولكنه ماذا يفعل ، كلما حاول الالتزام تبحث عنه الحكومة في كل مرة  
يحدث أمر في البلد سواء كان له يد فيه أم لا ؟ تركه النضر غارقاً في أفكاره وقام  
متجهاً إلي المحمودية ألقى بجسده في مياهها الباردة سبح طويلاً وبعدها خرج .  
ابتعد وسار حتى وصل إلى شارعهم . تراءى له المنزل يبتعد كلما اقترب منه .  
حدث نفسه قائلاً أنه مازال تحت تأثير حشيش دياب، وفجأة رأى رجلاً لا يعرف من  
أين أتى متجهاً نحوه ويقول له:
- وصل بك الأمر أن تتعدى على رجال الله؟!!
- أنت مين يا عم؟!!
- إن لم ترجع عن طريقك هذا ستعاقب . نحن نترك إكراماً للرجل الطيب فلا  
تتجاوز. والنزم حدود الأدب ولا تتناول علي أهل الله .

دُهَل النضر ولم يَدِر هل الرجل يخاطبه هو أم يخاطب أحداً لا يراه؟  
واصل النضر طريقه، ولكن الرجل صرخ صرخة أفزعت طائراً كان ينام علي  
شجرة التوت التي تتوسط المنزل الكبير . مملوءة صرخته بالضيق والغضب  
( إلى متى؟ إلى متى؟ ) .

عاد النضر مرة أخرى إلي الرجل حيث يقف كان يردد في خشوع :

- أرواح المشتاقين تطير إلي حضرة المولى لمطالعة الجمال المطلق .

- سامحني . مش هكررها تاني . اعف عني لن أتناول مرة أخرى

- غاية المحب ومناه .

هب نسيم لطيف ملك على النضر كيانه . تصاعدت أنفاس الرجل هادئة ولطيفة  
وهو يردد تسابيح مبهمة لم يتبينها النضر . ولكنه أحس برغبة ملحة في البكاء .  
انكب علي يد الرجل يقبلها . مردداً العفو والسماح . كان الرجل ناظراً إلي السماء  
التي ازدهرت بحشد كثيف من النجوم، والأرض ما تزال غارقة في الصمت . لا  
يسمع في هذا السكون إلا نباح كلاب يأتي من بعيد . شملت السماء والأرض  
سكينة وعدوبة جعلتا قلب النضر يتفتح وذنه يصفو .

ارتعش قلبه وأراد أن يواصل طريقه ولكنه أحس أن قدميه قد تسمرت في الأرض .  
كان العرق يتصبب من كل جسمه . غابت الحوائط حوله مبتعدة . تلاشى الرجل . غاب  
في حلم بعيد تحول الواقع إلى موقع جديد . رأى نفسه وسط أرض فسيحة خضراء  
 . الأشجار تحوطها من كل جانب . شم عبقاً جميلاً مختلطاً برائحة بخور لم يعهدها  
من قبل . على يمينه أضواء سماوية تبعث من بناء متسامق وأصوات ذُكر تبدأ  
خافتة ثم تلو . ملائكة بأجنحة نورانية خضراء تشده ببطء وتدخله داخل الحلقة  
المنعقدة . تناغم مع الأجساد المتماوجة والأصوات القدسية . صار جزءاً مما  
يحدث . علا صوته بالذُكر وأنفاس اللاهثين خلفه يرددون النغمات المتقدمة  
بأنفاس طاهرة . تنهدت القلوب وانسالت الدموع . رأى عمر يمد إليه يده بكوب  
تفوح منه رائحة العنبر . الشيخ صالح يطوف حوله بمصباح يشع نورا صافياً . من  
أحد طرفي الحلم . عاد مرة أخرى حيث الرجل الواقف أمامه . رأى حوائط الدور  
ما تزال منتصبة، المنزل يرتفع عالياً وسط الدور . حدق في عيون الواقف أمامه  
بيتهل . ضياء قوي يلف جسده ، ويبدد ظلام الليل . توسل إليه أن يخبره من هو؟  
وماذا يريد منه؟ مسح الرجل بيده الوضاعة على رأسه وقلبه وأمره أن يترك  
اللهو والعبث . أن يرحل إلى جوار الحسين؛ ليكون بصحبته ويحيا في خدمته .

تلاشى الرجل النوراني والضياء الذي يلفه. سار النضر خائفاً وجلاً. الشوق والوله يذبيان كبده. طرق الباب طرقات متلاحقة. أسرع أمه لتري من يطرق الباب بهذه اللفظة. هي تعرف أنه الوحيد الذي يتأخر إلى هذا الوقت من الليل، ولكن معه مفتاحاً للباب، فمن يكون هذا الملهوف؟ خفق قلبها هل تورط مع دياب في أمر والحكومة جاءت تطلبه؟، ولكنها استبعدت هذا الخاطر. الحكومة لن تدق باب الشيخ صالح في هذا الوقت من الليل. فتحت الباب. قربت اللبنة التي تتراقص فتيلتها من وجهه هالها ما ترى قالت له:

- ما لك يا بني وشك أصفر زي اللبنة؟!  
- أبدأ يا أمه مافيش.

- مفيش إزاي؟! إنت برضه شارب الهباب اللي لاحس دماغك؟  
- والله ما أنا عارف اللي شفته بجد؟ ولا من الحشيش اللي شربته مع دياب؟  
أكمل النضر جملة، وجلس علي حافة السلم. وضع رأسه بين يديه وبدأ يسترجع ما حدث.:

- يابني ريح قلبي الله يرضي عنك  
- عايزة إيه يامه سيبيني في حالي لما أعرف اللي شفته ده حلم ولا حقيقة؟  
- شفت إيه يابني؟  
- راجل يامه له هيبة والنور بيغطيه من راسه لقدمه، قالي كلام غريب عن السفر والحسين.

- سفر إيه يا عين أمك وعيالك؟  
- والله ما أنا عارف يظهر مخي زي ما بتقولي اتلحس.  
- خليك يابني قاعد في الهواء يمكن يفوقك لغاية لما أشوف أبوك. دخلت الحاجة المقعد البحري. أبوه جالس يتعبد. أخبرته، فخرج مسرعاً إلى ابنه الجالس هناك مرتعشاً ومحموماً. أدخلته حجرتها وبدأت تطوف حوله بمبخرتها النحاسية. طلب منه الشيخ أن يعيد على مسامعه ما حدث. وحين أكمل النضر حكايته وتحت إلحاح والده الذي وقف حائر أ بين تصديق ابنه وتكذيبه حكاها للمرة الثانية:

- الله وأكبر يا بني والله ده الخضر  
قالها الرجل بفرح غامر وقلب يشكر الله.

- عليك السلام ورحمة الله وبركاته،  
هكذا أسرع المرأة الملهوفة تردد.



- بتسلمي علي مين يا حاجة ؟

- علي الخضر ياعين أمك لما تجيب سيرته بيحضر بجسمه وروحه ويسلم عليك .  
وضعت الأم رأس ابنها في حجرها . بدأت تدعك له جسده بالخل ، دخل الأب قاعة  
الشيخ على ليكمل قراءة ورده.

ما زال جسد النضر يرتعش . دفأته أمه بلحافها الحريري . جلست بجانبه تفكر  
فيما قاله الرجل . قبل أن تستيقظ ديوكها وتعلن عن اقتراب الفجر . كانت عيونها  
ما بين اليقظة والنوم . فتح باب الحجرة . دخل رجل في ملابس بيضاء . فتحت  
عينها . أغلقتها مرتين حتى تتأكد من الواقف أمامها . مدّ إليها يده بحق صغير  
له رائحة طيبة أمرها أن تدعك له جسده به بدلاً من الخل ، وقبل أن تفتح فمها  
لتقول كلمة قال لها الرجل:

- لا تقفي في طريق مشيئة الله . دعيه يرحل . الحسين بانتظاره .  
قال جملة واختفى .

- اللهم صلي علي طه الحبيب ، لا والله ده الخضر يا ابن بطني .

كان النضر مازال راقدًا محمومًا فلم يسمع جملة ، دعكت جسده الذي يرتعش  
بالحق الذي تفوح منه رائحة عطرة وبدأت تدعو وتقرأ أدعيتها . كانت تصلي علي  
النبي بين كل دعاء . هداً الجسد تماماً . في الصباح جلس الشيخ مع ابنه وأخبره  
أنه موافق علي ذهابه إلى مصر ، ولكن عليه أن يمهل بعض الوقت حتى يتحدث  
مع إخوانه من محبي آل البيت . عليهم أن يساعده علي الاستقرار هناك .  
لقد كانت كلمات الرجل شرارات تفجرت في أعماق النضر بكل ما يكمن فيها من  
طاقات إيمانية ، كانت تنتظر الميقات لتشق طريقها كالإعصار ، لتتبت أزهار الحب  
الإلهي في ذلك القلب الذي طالما انتقد من يتفانى في طريق الله .  
في المساء أخبر زوجته باقتراب سفرهم . لم ترد فائزة في بداية الأمر ، بل جلست  
على حافة السرير صامتة .

- إيه يا فائزة مش عايزة تسافري ولا إيه ؟

مئات الصور والتخيلات تمر في ذهنها . لقد تربت في هذا المنزل . طفولتها  
وشبابها أفراحها الصغيرة حين كانت تتسلل هي وفاطمة لتتسمع إلي حلقات الذكر ،  
وحين تطلب منها الحاجة أن تصعد إلى حجرة النضر لتنظفها . تخيلاتها لحياتها  
القادمة معه . أحزانها الكثيرة حين كانت تسمع بقصص مغامراته مع الفتيات .  
حبها الصامت له . كل شيء مر أمام عينيها .

- ماتخفيش ربنا معانا .

هي تعيش على هامش الحياة في هذا المنزل. لا دور لها في تصريف الأمور. لا تفعل إلا ما يُطلب منها. عمها الشيخ يُحبها . يحرص دائماً على الوقوف بجانبها في كل موقف . الحاجة تحبها أيضاً، ولكنها لا تعتمد عليها في شيء مثل صباح . وبعدين يا ستي هتعيشي جنب سيد الشهداء علشان ربنا يبارك في عيالنا .

زوجها لا يهتم بأمرها وأمر ولديها أحمد وزهير . سفرها إلى القاهرة هل سيكون في مصلحتها؟؟ هل تستطيع أن تتحمل مسؤولية الزوج والولدين بمفردها؟؟ النضر لم يترك امرأة ولا بنتاً إلا وجرى وراءها . ماذا سيفعل في مصر وهي تسمع عن نساءها اللاتي لا يخجلن ، بل يسعين وراء الرجل . يوقعن به في شباكهن ولو كان تقياً؟ هل توبة النضر حقيقية. هل يستطيع أن يترك اللهو والأصدقاء؟ كل هذا مرّ في ذهنها والنضر يعاود سؤالها عن رأيها.

- وكمان عيالنا يتربوا كويس ويتعلموا بعيد عن تعب و شقي البلد . نظرت إليه ولم ترد ولكن دموعها غلبتها انسابت حارة ومؤلّمة. تحيّر من بكانها. ماذا يفعل ليطمئنها؟. مدّ ذراعه طوّق جسدها المرتعش. لأول مرّة تشعر بحنانه. لأول مرّة تشعر بعطفه فلم يلمسها يوماً إلا لقضاء رغبته. الآن يحتضنها بحنو وعطف بالغين. استكانت تماماً في حضنه ولم تأت بحركة واحدة . تخشي أن يترك جسدها المتعطش للدفاع. رفع رأسها بيديه ونظر في عينيها تماماً وقال في ود: - أديكي شايقة الواحد بيفضل من أول النهار محني ضهره علي الطورية والفاس ودايما بنزرع في أرض غيرنا ، بنشقي ، وغيرنا يلم خيرنا وشقانا. سيببها علي ربك اللي لا يغفل ولا ينام .

حين اقترب موعد سفرهم أخذتها الحاجة إلى حجرتها وبدأت تعطيها نصائحها . تعلمها كيف تحافظ على بيتها وزوجها، وفايزة تستمع إليها وجلة وخائفة من الحياة الجديدة المقبلة.

ولم تنس صباح وفاطمة أن يطمئناها ويقولوا لها أنها ستذهب إلى مصر أم الدنيا، وأنها ستري الحسين والسيدة وكل آل البيت، وهي تضحك حيناً وتتحيل حياتها المقبلة وتحاول رسمها في ذهنها حيناً آخر.

## انطفاء الضوء

ضوء شديد غمر الدار وانطفأ فجأة. فتح الشيخ باب المقعد الذي ينام فيه. خرج إلى وسط الدار. نظر إلى السماء كانت صافية والنجوم ما تزال في مكانها. نقبض قلبه ودخل حجرته. اطمأن على كل شيء في المنزل. أخرج الساعة من جيب الصديري نظر. الفجر اقترب. الحاجة على غير العادة ما تزال نائمة. دخل عليها المقعد رفع فتيلة المصباح. وجد رائحة البخور تملأ المكان. نظرفي أنحاء الغرفة. بحث عن المبخرة وجدها على السحارة الخشبية. ليس بها بخور أو نار. اندهش، واقترب من السرير كانت الحاجة تلف ذراعيها حول جسد سلوي. لا يعلم لماذا جلس على السرير يتأملها. كأنه يراها للمرة الأولى. كان يحلو له أن يجلس بجانبها بعد نومها يتأمل وجهها. كانت ملامحها راضية كمن أنجز كل المهام التي طلبت منه. جلس صامتا تماما لا يبدي حركة حتى لا يوقظها. يعلم أنها ستستيقظ كعادتها حين يطيل النظر. لم تتحرك. لم تفتح عينيها باسمه، وتلومه على جلوسه هكذا كعادتها. طال انتظاره لاستيقاظها، ولم تفعل أخرج الصغيرة من بين ذراعيها فلم تتحرك. جس نبضها كانت قد فارقت الحياة. يعرف الآن لماذا انقبض قلبه حين انطفأ النور الذي غمر الدار؟ خرج بالصغيرة ونادى على عمر حتى يأخذها فخرجت إليه صباح وقالت :

- خير يابا البت مالها ؟

- مفيش سمي عليها ونيميتها جنب إخوانها وتعالى .

- فيه حاجة ؟ أصحي عمر؟!

- ياريت.

خرج عمر من حجرته متجها إلى أبيه الذي جلس في انتظاره بجانب الحاجة. لم يكن يظهر على وجهها علامات الموت. كانت كمن يحلم. كان يقرأ في المصحف ودموعه تنساب في صمت. قال عمر:

- ما لها أمي؟. إيه الحكاية؟

- ربنا استرد أمانته يا ابني .

ضربت صباح على صدرها حين أخبرها عمر وجلست ذاهلة لا تدري ماذا تفعل.

عمر يخرج من حجرة يدخل أخرى. نظراته تائهة. يلف الدار، لا يدري عما يبحث، دخلت الحجرة كان الشيخ ما يزال يقرأ وعيونه تسح ، وعمر يلف حجرات المنزل. دخلت حجرة الخزين وأحضرت (الأذان) الكبير وملأته بالماء وأشعلت تحته النار وجلست تنتظر. كانت تفكر في حالهم .الحاجة عمود الدار .أسئلة كثيرة طافت ببالها . بين لحظة وأخرى تغمس كفها في الماء تجس سخونته .الدموع تستعصي عليها . حين ثقل عليها الجسد الممتلئ نادى على عمر. أمسكها من تحت إبطيها وهي تخلق عنها ملابسها المعطرة .أجلسها في الطشت .لم يحرك عينيه عن مؤخرة رأسها. لا يريد أن ينظر إلى جسدها. قالت له صباح من خلال دموعها:

- اللهم صلي على النبي جسمها زى البنت البكر.المية مبتعلمش فيه. زى ما يكون مدهون بالزبدة.

. ظل يحرق في مؤخرة رأسها ، قالت وكأنها تحدث نفسها :

. دي موطوطة .

لا توجد في جسدها شعرة وحيدة. لفتها في ملاءة بيضاء وأرقدتها على سريرها . دخل الشيخ بعد أن خرجت صباح وجلس بجانبها يقرأ القرآن. قال له عمر:

- قوم يا با الفجر أذن اتوضى وصلي.

- حاضر يا بني بس سيبنى أونسها في وحدتها.

- صلي يا با وارجع اقرالها اللي أنت عايزه.

- اروح اخبط علي عنتر أصحيه يابا؟

-لأ يا بني مفيش دفن غير الصبح سيب الكل نايم مستريح.

ذاع خبر موتها . امتلأت الدار بالنساء والأطفال .الرجال جلسوا على الدكك التي اصطفت على جانبي الشارع. فاطمة تصرخ وتلطم وجهها . أمسكها عمر بيدين قاسيتين وأقسم بالله إن سمع امرأة تصرخ أو تعدد سيضربها. النساء خفن منه لا يرجع في كلمة قالها. صمتت النساء وجلست فاطمة على باب المقعد تكتم دموعها وبين لحظة وأخرى تقول:

-الحاجة تموت طب آجي لمين؟!

- تيجي لأبوكي وإخواتك يا فاطمة.

- ماتت أمك يا صباح. خلاص يا بكريه معدش ليكي حد.

- البركة فيك وفي إخواتك يا فاطمة.

- خلاص يا ختي الكل ضهره انقسم.
- اسكتي يا بت عقلك هيشت.
- حاولت فاطمة أن تصرخ. أن تتمرغ في الأرض . صباح منعته وذكرتها بقسم عمر فقالت لها:
- دي الحاجة يا صباح تبقى جنازتها باردة كده.
- نارها عمرها ما هتبرد بس كل ده مش هيرجعها.
- هيبرد نارنا يا بت.
- ربنا يبرد قلبك. اذكري الله أحسن.
- جايلك العقل ده منين . بكرة الصبح مش هتلاقي الحاجة تصحيكي وتربيلك بناتك
- ربنا يصبرنا على فراقها يا فاطمة.
- أقبلت المغسلة تتكى على عصاها . أفسحت لها النساء ودخلت ومعها صباح .قربت من يديها الماء الساخن. أجلستها المرأة على الخشبة باتجاه القبلة ضمت ركبتيها إلى صدرها وأعادتها مرة أخرى أجلستها ثم أنامتها ولما سألتها صباح لم تفعل ذلك أخبرتها أنها تحاول أن تخرج من بطنها أي غائط أو ريح حتى تقابل ربها طاهرة مطهرة قالت لها:
- الحاجة عمرها ماتعشت. دايمًا تنام خفيف.
- اللهم صلي على النبي بصي ابتسامة الرضا اللي على وشها؟ زي العروسة اللي هتنزف لعريسها.
- الكرم باين على وشها أنا عمري ما عدت عليها إلا وملت لي الشوال من كل خيرات الله.
- خيرها على الكل اسم الله عليها عمرها ما كلت حاجة لوحدها.
- حين انتهت المغسلة من طقوسها لقتتها في أذنها ما ستقوله ساعة السؤال :
- اسمعي يا دولت يا بنت زهر الورد .لما يسألوكي مين ربك قولي الله ومين نبيك قولي محمد ودينك الإسلام .
- لفتها في الكفن الأبيض وأرقدتها في لحافها الحريري ثم وضعتها في الخشبة :
- ياعمر الحاجة جاهزة للرحيل
- وشها عامل إيه يا صباح ؟
- ما شاء الله ياعمر النور طالع منه زي البدر المنور .
- انفلت عبد الرحيم من بين ذراعي عمر .أسرع إلى مقعد أمه. ظل يبكي ويصرخ

ويحاول أن يزيل الشاش الملفوف به وجهها .المغسلة تحاول منعه . أخذه عمر في حضنه وهو يناديها ويمد ذراعيه نحوها . يتشبث بالحاف وهي لا تقوم إليه كعادتها ،ولا تططب على ظهره حين يثور. انطلقت النساء في الصراخ والعيول حين رأين عبد الرحيم يناديها . لم يجرؤ عمر على إسكاتهن ،أو حتى الاعتراض على ما يفعلن .حين خرج الرجال بالخشبة التي ترقد فيها الحاجة ،توسطت الفريضة المندبة التي انتصبت. تناوبت النساء على النزول وسط الحلقة .صباح تجلس على عتبة قاعة الشيخ على تحتضن جسد عبد الرحيم المتشنج وتبكي. عاد الرجال من الدفن .دخل عمر كانت تحية تتوسط المندبة وتعدد مناقب الحاجة وباقي النساء يرددن وراءها مثل جوقة المغنيين :

يا مغربة يا قارنة الكمين

يا محشمة الرجالة بالصفين

يا مغربة يا قارنة كاماك

يا محشمة الرجالة قدامك

- يا صباح امنعيهم وقولي لتحية مش هيحصلها طيب .

- النار واكله القلوب يا خويا سييهم .

- ويحرقوها بعديهم ، يعني همه هيرجعوها .

فاطمة تستمع إلى صوت تحية وسط المندبة وتسح دموعها. انفلتت من يدي صباح اللتين تحتضنان جسدها المرتعش .أبعدت الفريضة بذراعها ودخلت المندبة علا صوتها وهي تعدد على أمها:

أمي الحبيبة ودها بودين

ود خفي وود قبال العين

أمي تغطيني بكم طويل

وتخاف علي م الذل والتهويل

أمي تغطيني بشعر الراس

وتخاف علي من كلام الناس

حميت المندبة على عديد فاطمة التي اختنق صوتها بالبكاء .لم تستطع أن تكمل العدوذة أسرع صباح إليها وشدتها من يدها وأجلستها بجانبها يبكيان في صمت. حين لمحت الفريضة عمر، علا صوتها وازدادت المندبة حدة. حتى لا تعطيه فرصة للاعتراض.

سحب عبد الرحيم من يده وتبعته صباح. صعد إلى الدور العلوي غير له ملابسه، ثم نزل به إلى الصوان المقام. مال على أذن عنتر أمره أن يدخل لزوجته حتى تنهي المندبة المنصوبة :

- خش لمراتك خليها تسكت هيه اللي محمية المندبة .
- ما تسببهم يا أخي عقل نسوان فارغة شوية هيتهدوا ويسكتوا لوحدهم .
- عيب ميصحش داخنا بيت علم والناس بتقلدنا
- خايفين لحسن الناس يقولوا رخيصة عليهم وجنازتها باردة .
- جلس عمر بجانب الشيخ، بعد أن أصر علي قيام أخيه ليسكت زوجته التي لا يقدر أحد عليها غيره . انتبه إلي الشيخ الذي كان ينظر إلى عبد الرحيم وقلبه يتمزق . فمن سيعتني به بعد رحيلها؟. وتذكر صباح التي تشربت من الحاجة كل طباعها وهدأ تفكيره.

حين انصرف المعزون الذين أقبلوا من مختلف البلاد العامرة بالأحباب وإخوان الطريق. جلس الشيخ مع إخوانه الذين أتوا إليه من عند شيخ العرب وآل البيت في قاعة الشيخ (علي) صنعوا دائرة وأمسك كل منهم بمصحفه وبدأوا يقرأون القرآن ، عله يؤنسها في ليلة الوحدة. أخرج دلائل الخيرات من الصندوق الخشبي وطلب من عمر أن يقرأ لهم . علا صوته بالصلاة على محمد النور الذاتي والصحبة الطيبة تردد وراءه . قام عبد الرحيم من جانب أخيه وبدأ يتمايل وبدأ يقول: الله حي. الله حي. ازداد تمايله وهو يطوح ذراعيه يمينا وشمالا والريم يسيل على وجهه توقف الأخوان عن التردد وهمس عمر لأبيه:

- عبد الرحيم طاف
- عقله مش قادر يستوعب اللي حصل
- أحاول أقعده يا با .
- سيبه ربنا يببرد قلبه
- قام الجمع الملتف حول الشيخ صالح واحدا واحدا وبدأوا يتمايلون بجانب عبد الرحيم والشيخ يرقب ولسانه لا يفتر عن التسبيح والذكر.
- ولما تعب الرجال جلسوا ليستريحوا. تهاوى عبد الرحيم بجانب والده . احتضنه الشيخ وبدأ يقرأ على رأسه القرآن حتى نام . حملة عمر وأدخله إلى حجرة أبيه وقام الأخوان إلى مكان مبيتهم . رقد الشيخ بجانب ابنه الملتاع واحتضنه ونام.
- فُتح باب المقعد. دخلت الحاجة ترتدي ملابس بيضاء واسعة . والنور يشع من

وجهها. كأنه تزوجها بالأمس جلست على السرير.مسحت بيدها على رأس عبد  
الرحيم وبدأت تردد أدعية. مدت يدها أيقظت الشيخ اعتدل ونظر إليها ذاهلا  
مسحت على صدره وقبلت رأسه وانصرفت مد إليها يده وناداه. لكنها لم تجبه .  
حين اقتربت من الباب سمع صوتها يردد اسم صباح. أغلقت الباب خلفها. جلس  
يفكر هل ما رآه حلم أم حقيقة؟  
حين دخل عمر على زوجته بعد أن أرقد عبد الرحيم بجانب أبيه وجدها محتضنة  
ركبتها وجالسة. أغلق الباب. لم تشعر بوجوده. وضع يده على كتفها ففزعت قال  
لها:

- ماتخفيش . لسه مانمتيش؟؟
- مش قادرة حاسة إن أمي هتنادي دلوقت.
- لو تشوفي دفنتها . كانت طيارة طيران. الرجالة كانوا بيجروا وراها مش  
ملاحقينا
- شفت الخلق اللي كانت ماشية وراها؟
- تخيلي كل دول صلوا عليها.
- يا مشاء الله . دي كانت زفة مش جنازة بس اللي لا يسامحها كوتها بالعديد  
والصويت
- أمي تبرات من كل واحدة تلطم وتصوت في جنازتها.
- نامت صباح وهي خائفة ومهمومة من ثقل المسئولية التي ألقيت على كتفها، ولما  
استغرقت في النوم أيقظتها الحاجة أجلستها وأمرتها ألا تتحدث، تستمع فقط.
- فتحت صباح عينيها ذاهلة والحاجة من خلال النور الذي يحيط بوجهها قالت لها:  
-صباح خلي بالك من البيت  
-أنا خايفة يأمة مقدرش أسد.
- هتسدي بإذن الله. خلي بالك منها أوعي تزعليها  
-مين يا مة؟!!
- عمرة الدار. أكيد هتصحيكي للصلاة وهتراعي معاكي البيت.
- بس أنا خايفة منها طول عمرنا بنسمع عنها وماحدث تعامل معاها غيرك .
- عمرها ما هتأذيكي بس أنت أعرفيلها حقها وأوعي تسيبي الزير من غير كوز  
وطول ما أنت بتخافي من ربنا كل حاجة هتبقى في خدمتك ، وهتسخر لك .
- ماتسيبيناش يامة .



ثم مدت يدها وحاولت أن تمسك بها لتتأكد من وجودها وهي تضيف:

- بس دي أدت عبد الرحيم .

- لا ماتصدقش الكلام ده بكره تعرفي حقيقة عبد الرحيم لما يأذن المولي .

- ماله عبد الرحيم مش عمرة الدار لبسته لما ضرب القطة ؟

- بكره الحال ينكشف وتعرفوا حقيقة الشيخ رحومة ،ربنا معاكى وصيتك عبد الرحيم وفاطمة وعيالها.

انصرفت الحاجة بعد أن قطعت صباح على نفسها كل الوعود اللازمة سمعت صوت الشيخ صالح يتنحنح قامت إليه وقالت له:

- إيه يا با أنت ملحقتش تنام

- الفجر أذن قمت علشان أصلي

- جتلي في المنام

-أنت كمان.

- ده ماكنش منام ده حقيقة زى ما أنا شايفك قدامي كده

-إي والله يا با ده زى ما يكون بحق وحقيق أنا مصدقتش قلت أكيد حلم

-الكلمة الوحيدة اللي قالتها وهية خارجة اسمك.رددت اسمك كذا مرة

-أنا مش عارفة هعيش من غيرها إزاي ؟ معرفتش أم غيرها دخلت بيتكم وأنا صغيرة كان عمري اتناشر سنة.

- أنا كما اتجوزتها وعمرها حذاشر سنة تقريبا يعني عاشت معاي خمسين سنة

صلى الفجر وعاد إلى حجرته أحكم الغطاء حول جسد عبد الرحيم ودخل حجرتها

ولما سألته صباح لم خرج مرة أخرى أخبرها أنه سينام في سريرها ليستأنس بها

في ليلة وحدته هو لا وحدتها؛ فهي على الأقل القرآن الذي قرأه لها يونسها ومن

يونسه هو.؟

رفع اللحاف الحريري الذي غطوا به الخشبة ساعة الدفن . مازال كل شيء يحمل

أنفاسها احتضن وسادتها ونام .

زبيدة

استقر النضر في عطفة صغيرة بجانب الحسين. ساعده الشيخ صديق إمام

المسجد في البحث عن عمل. وجد عملاً في مكتبة أمام المسجد ، وبمرور الوقت

اشتراها من ورثة الرجل الذي أحبه كابنه .حلم بعيد يتراءى له . حلم تكفير ذنوب

ارتكبتها. طاقة نور انفتحت ذات رؤيا .

لم ينشغل بشئ عن عمله وأسرته .ربما بعد العشاء يذهب إلى بيت الشيخ صديق في الدور العلوي حيث خلوته التي يتعبد فيها ، يجلس بين يديه يسمعه ما حفظ من القرآن والأحاديث، ويحدثه عن الأقطاب وشموس المعارف. ترقُّ ملامح الشيخ وتفيض عيونه دموعا كثيرة .. يسترسل في الحديث عن أولياء الله . ثم يضرب فخذ النضر بيد حانية ويقول :

- أولياء الله الحقيقيين الذين يعطونا النفحات والبركات ، وليس هؤلاء الذين يدعون السير في الطريق وهم لا يعلمون عن حق الطريق شيئا.

تعلق قلب النضر بالمسجد .وأضناه العشق وارتقى أوج التحقق والعرفان. صار منزله مقصد المريدين وأحبة آل البيت .حرص على إقامة حلقة الذكر مثلما يفعل والده في قاعة الشيخ عليّ .

حرص النضر على إقامة خدمة لمحبي آل البيت كل سنة في موعد الحسين ولم ينقطع عن هذه العادة أبداً. حين مرض زهير ابنه . اقترب موعد الخدمة . لم يكن مستعدا لها، جاءه الحسين بالليل وذكره بالموعد وترك كل شيء لله.

فايزة امرأة كانت تعيش على هامش الحياة؛ لم تكن تثير غيرة أحد ولا تلفت نظره ، لم تكن تفعل شيئا سوى غسيل ملابس زوجها وانتظاره طوال الليل . رغم أنها تربية الحاجة. صارت الآن امرأة أخرى. تعلمت من جاراتها اللاتي كن يساعدها في الإعداد للخدمة كل شيء. أصبحت تجيد الطبخ والتوفير طوال العام لمساعدة زوجها في خدمة المولد. لم تقل لا يوجد أبداً. دائماً تقول للنضر حين يقترب الموعد ( خيرك كتير وبيتك عمران ).

امتلاً جسد فايزة وصارت ترسم عيونها بالكحل . تحبك المنديل المشغول بالخرز على جبينها، وتجلس في انتظاره. تبذل كل ما في وسعها لإسعاده،.تعرف جيداً أن زوجها يحب النساء . وجوده في الصعيد منعه من الزواج بأخرى. اليوم لن يرده أحد إن فعلها.

مرت الأيام وتعلق النضر بزييدة ابنة الشيخ صديق التي شغلت قلبه . شعرت المرأة بمشاعر زوجها ...تخشي أن تلمح حبه في عيون البنت . تتعمد أن تتحدث عنه أمامها . تلمح تلك النظرة التي تعرفها جيداً حين تشناق امرأة إلى رجل . تأكد لها أنها لن تستطيع أن تمنع النضر من التفكير فيها . حبها ملاً قلبه. صار صامتا تماما لا يتحدث مع أحد .تؤكد لنفسها أنها تحبه وتسعي لفرحه .هل هي

قادرة علي تخيله مع غيرها؟! زهير يقفز في حضنه يكتفي يده تتحسس رأسه ..  
ثم يبعده صامتاً، يغضب الصغير . ويجري إلي أمه . يدفس نفسه في حضنها  
ويبكي. تداعبه ، حتي ينام ، والنضر لا يلتفت إليهما .ماذا تفعل .له نحل جسده .  
صار جلدأ على عظم .تأكد لها الآن أنه ليس أمامه طريق آخر غير الحلال .  
قررت أن تصارحه بمخاوفها، وإن وجدتتها صحيحة ستخطبها له بنفسها .  
صبرت على نزواته كثيراً قبل أن يسير في طريق الإخوان . زاغ ببصره فهو  
يعرف مدى حبهأ له، هو يدرك تماماً حسرتها التي لا بد واقعة إن فكر في الزواج  
بامرأة أخرى. هي ابنة عمه التي يحبها الجميع ويتعاطفون معها؛ لا يستطيع  
الفكاك من أسر عيون زبيدة التي تتعمد أن تطيل النظر في عيونه، ولا ترخي  
رموشها الكحيلية إلا حين يبدو عليه الارتباك ، يحاول الهرب منها ولكنها تطارده  
بنظراتها ، هي ابنة شيخه ولا يجوز له هتك سترها . مرات كثيرة حاولت دس  
ورقة في يده ، حين يقابلها علي السلم أو تحضر صينية القهوة . تأكد له أن هذه  
الورقة خطاب منها . يهرب دوماً .لا يعطيها فرصة لتنفرد به ، ولكنه لا يقدر علي  
منع نفسه من التفكير. كل هذا دار في ذهنه ،وفائزة ما تزال جالسة قبالة علي  
السرير تنتظر إجابته على سؤالها، وقلبها يرتعش ، عرفت الإجابة - هي التي  
صارت عليمه بأحواله أكثر من نفسه - حين هرب ببصره بعيدا عن عيونها. حين  
طال صمته ابتسمت وقبلت رأسه وأخبرته أنها ستذهب في المساء للحديث مع  
أمها.

لما وصلت هناك طلبت من الحاجة نفيسة أن تختلي بزبيدة . سألتها مباشرة  
،ودون تردد وهي تحرق في عينيها تحاول أن تخترق قلبها لتعرف أسرارها:

- بتحبي الحاج نضر يا زبيدة؟

ارتعشت زبيدة ثم نظرت في عيني أم أحمد وقالت:

- أيوه يا أم أحمد سامحيني مش بإيدي .

- تتجوزيه؟

لا تعرف لماذا كانت تنتظر من أم أحمد هذا السؤال. مرّت نفسها على الإجابة  
عليه .أعدت أم أحمد السؤال فقالت زبيدة:

- وانت هتوافقي؟

- ما دام بيحبك.

لملمت المرأة ثوبها، ومدت يدها بطرف طرحتها ،لتزيل دموعاً فرت من عينيها .

سارت منتصبه وثابتة الخطو إلى الخارج. وجدت الأم جالسة على الكنبة وأمامها صينية القهوة والكنكة تكاد تفور على السبرتاية النحاسية. صبت الفنجان وناولته لأم أحمد رشفت رشفة وقالت:

- تسلم إيديك يا حاجة . قهوتك لها طعم تاني ،المهم يا حاجة أنا عندي عريس لزبيدة .

- المحروس أحمد صغير وزهير أصغر منه.

- للحاج نضر.

اعتدلت أم زبيدة وهي تضع فنجان القهوة ثم قالت:

- أنت اتخبلتي يا ولية بتخطبي لجوزك؟

قالتها وهي تنزل بيدها فوق صدرها بقوة.

- بيحبها يا حاجة وهيه كمان بتحبه. وافقوا علشان النضر يا حبة عيني انسلى.

دهشت المرأة، ولكنها لم تجد مفرا من الموافقة بعد أن وافق الشيخ صديق الذي لم يكن الأمر بعيداً كل البعد عن تفكيره .لاحظ تعلق ابنته الوحيدة بتلميذه .تأكد له

عفته وإخلاصه في أكثر من موقف ، ولما كان يعرف أن القلوب في يد مقلب القلوب فقد وافق دون مناقشة . تمّ الإعداد للزفاف في هدوء وسرعة بناءً على طلب النضر حتى لا يجرح مشاعر أم أحمد، رغم اعتراض الأم ، فابنتها ليست عازبة ولا أرملة ومن حقها أن تفرح بعرسها قالت له :

- إيه يا نضر ده يعني إيه البت تتجوز كده سكييتي .

- معلى يا حاجة بس علشان شعور أم أحمد .

- بس يا بني متأخذنيش بنتي بنت بنوت مش عازبة ولا أرملة ومينفعشي تتجوز كده .

وحين وجدت الشيخ صديق بكلامه الحاسم الذي لا يقبل مناقشة ،يصر على عدم إقامة فرح لابنته صمتت وهي تكتم حزنها وغيظها؛ فكل أم تحلم بيوم زفاف ابنتها.

في ليلة الحنة فوجئت بفايزة قادمة تسبقها الزغاريد . تحمل على رأسها صينية الحنة المغروز فيها ستة شمع مولعة. ارتفع صوت زغرودتها وهي تسأل عن العروس حتى تضع لها الحنة بيديها. تجمعت الفتيات حول العروس وزوجة العريس تضع لها الحنة، ثم توزع الباقي على الفتيات اللاتي يحملن بمثل هذا اليوم .

انتهت ليلة الحنة سعيدة على زبيدة ، ولكنها كانت مؤلمة وموجعة على فائزة رغم تظاهرها بالفرح . لم تدخر فائزة جهداً في إسعاد زوجها وعروسه.

## خالها الطيب

صباح تحاول ضبط إيقاع البيت بعد موت الحاجة . بذلت كل جهدها لرعاية كل شيء ، ولكن تبقى هناك نقطة ترعبها . لا تريد مشاكل مع تحية سلفتها قررت أن تكسبها لصفها . بعد وفاة الحاجة ، ورحيل فائزة ، واستقرار فاطمة في بيت زوجها . لم يبق سواهما . و تحية كانت مهياًة تماما لحالة السلام المعلن بين السلفتين بل كانت تبالغ في ودها .. حتي أنها تذهب إليها يوم سوق الخميس . وتشتري لها ما تريد . الوحيدة من النساء هي تذهب إلي السوق لا يههما شيء . وداد تشتري لصباح ما تريد ، و تحية ترغب في مجاملتها . تندش صباح وتدعو الله مجتهدة أن يدوم هذا الرضا ... علاقتهما تتأرجح بين الرضا والغضب . حين ترضى تحية تصير محبة وطيبة، وحين تغضب الفريضة لا تسلم صباح ولا فاطمة من لسانها . الكل يتجنبها . لا أحد يدخل معها في مواجهة أو يرد على شتائمها المباشرة وغير المباشرة ، وهذا ما كان يزيد من غيظها . عانى زوجها كثيراً من لسانها، وأذاها الذي تلحقه بأخته وزوجة أخيه، مرات كثيرة أراد أن يطلقها ولكن الشيخ كان يمنعه حرصا على أبنائه.

اليوم للخبيز وصباح تستعد . نادى علي وداد . ولما كان السلام والرضا يملآن قلب تحية ، سمعت صوتها ينادي في غبشة الفجر علي صديقتها، حضر خالها الطيب وقررت أن تذهب لتساعدها ؛ قلبها أبيض كما الحليب تصفو كما الأطفال من أقل كلمة، دفعت الباب ودخلت وهي تقول:

- يا ولاد يا للى هنا .

-تعالى يا أم محمد اتفضلى

-أنت هتخبزي ولا إيه؟ بسم الله ما شاء الله العجين فار .

- مستنية وداد

- قرصي يا ختي وناوليني

والحق يقال أن تحية كانت أحسن من يمسك بالمطرحة ،بتاوتها ولا ورقة  
السيجارة. تنفخ فيها تطير كما صرحت بذلك صباح مرات كثيرة أمام فاطمة ووداد.  
شمرت أكمامها وأزاحت الطرحة عن صفائرها المتحنية وبدأت في الخبيز. نادى  
صباح على سلوي أن تحضر جلبابا آخر لزوجته عمها ، فرحت سلوي بوجود  
زوجة عمها .. تعشق طريققتها في الحديث .. تحب السخرية الدائمة في كلامها.  
وتتمنى أن تتصالح مع أمها طوال الوقت؛ ولهذا ميزات كثيرة أولا يسلمون جميعا  
من لسانها. ثانيا لا تمنع سامية وأخواتها من السهر في المنزل الكبير وسماع  
حكايات الجد (جود). ثالثا سلوي تحب حكاياتها عن الحاج محمد الجني الذي  
يركبها والعفراريت الذين يظهرون لها دوما وهي ذاهبة إلى سوق الاثنين لتبيع  
خيرات البهائم والطيور؛ تطالبها دوما بأن تحكي لها حكاية العفراريت الذين ضحكوا  
عليها وعملوا لها أرانب ولما فرحت وأمسكت بهم جميعا في حجرها وجدتهم قد  
تحولوا إلى حجارة وطوب أحمر. . سألت عن فاطمة ولماذا لم تحضر لمساعدتها؛  
فأخبرتها صباح أنها ستحضر بعد قليل فردت تحية:

- طبعا ناموسيتها كحلي . تلاقىها سهرانة طول الليل تستنى الصايح بتاعها .

- وحدى الله يا أم محمد ربنا يصلحها الحال

-ومين هيدافع عنها غيرك طول عمركم حباب

- دي ولية غلبانة.هتعمل إيه؟

-وتعمل ليه مش بتعبي وتكبش من خير الرجالة وشقايم وتوديله؟

- وماله .مش إخوانها؟

- ده فاضحنا في البلد ، بقى بت الشيخ صالح تفضل على ذمة الحرامي بتاع

النسوان ده؟!!

سمعت صباح نحنة الشيخ .أشارت لتحية بأن تصمت .أسرعت إليه تعد له الماء

حتى يتوضأ وتجهز الإفطار للصغار الذين سيذهبون إلى مدارسهم.

جاءت فاطمة بعد قليل رفضت أن تدخل حجرة الخبيز،حتى لا تتعرض لسخرية

زوجة أخيها .جلست على عتبة قاعة الشيخ (على) في انتظار أن ينهي والدها

صلاته. وأشار إليها أن تدخل. ارتمت في حضنه وبكت أدرك أنها تشاجرت مع

دياب . ربت على ظهرها وقال:

- الهدى من عند الله ، ربنا عنده خير تصريف ، اصبري يا بنتي .

- أنا تعبت يابا كل يوم أقول هينصلح حاله مفيش فايذة .

## سيدة البيت

فايزة كل صباح تضع بستلة الماء الساخن على الوابور، ثم تضعها في الحمام ،  
وتوقظ النضر الذي لم يعد قادرا على مفارقة سرير زبيدة:

- صباح الخير يا حاج

- صباح النور يا أم أحمد

- الحمام جاهز يا خويا

يداري النضر الإحراج الواضح تماما . يرفع صوته ويسأل عن أحمد وزهير،  
فتخبره المرأة بأتهما في سابع نومة. يقبل رأسها ويدخل الحمام .  
صارت هذه عاداتها كل يوم تجهز له الحمام وتكتفي بقبلة على رأسها .  
ليال كثيرة انتظرته في فراشها البارد. هيأت له نفسها. تمنى دخوله المشرق وهو  
يتنحج ويعلو صوته بالذكر. وليال كثيرة لم يأت أكلت قلبها الغيرة . تذكرت  
صبرها عليه وعلي نزواته في الصعيد . هل هي قادرة علي أن تصبر عليه ثانية  
وهو يذوب عشقا في أخري ؟ . تعرف أنه لن يستطيع مفارقتها ولو ليلة وحيدة.  
ولكنه لا يأتي . مازالت تنتظره في سريرها وقلبها يهفو إلي دفنه وحننه ولكنه لا  
يأتي

حين علم الشيخ صديق من زوجته بأن النضر لا يفارق حجرة زبيدة نصحه بالعدل  
بين زوجتيه.

دخل إلى حجرة فايزة وجدها كعروس تنتظر عريسها. حرك الصغيرين قليلا ثم  
جلس قبالتها وحين مد يديه إليها لا تعرف لماذا ارتعش جسدها. اعتدلت وجلست  
جواره. كان قلبها قد تألم بما يكفي . هي لا تعرف لماذا قررت أن تبقى ابنة عمه  
فقط وأم ولديه هكذا أخرجت الكلمات من فمها ودموعها تسيل. استراحت كثيرا  
وهي تحدد العلاقة أو على وجه الدقة أحست براحة حين أخبرته أنها لها البيت  
والأبناء ولا دخل لزبيدة في شئونه، هي التي تدبر أمر كل شيء .

زبيدة اكتفت بالتزين وانتظاره . حاولت مرة أن تتدخل في شئون البيت نظرت  
إليها أم أحمد نظرة أعادتها مرة أخرى إلى مكانها حيث كانت تجلس على أول

درجة من درجات السلم.

وحين تشتكي له يطيب خاطرها . يرجوها ألا تتدخل مرة أخرى؛ فأم أحمد تعرف جيداً ماذا تصنع؛ القليل يصير في يديها كثيراً، يتعجب أحياناً من كل هذا الخير الذي تقدمه للإخوان (في خدمة الحسين) رغم أن دخله من بيع الكتب ليس بالكثير. أرغمت زبيدة على قبول هذا الوضع رغم أنها حلمت كثيراً ببيت يكون مملكتها، ولا يشاركها فيه أحد فما بالك (بضرة) تلغي وجودها، وتعتبرها مخصصة فقط لمزاج الحاج . هو رغم كل هذه المنغصات يملأ قلبها فرحاً حين يهل عليها بابتسامته الرائقة وعيونه المملوءة عطفاً وحناناً .

اقرب موعد المولد والحاج نضر قلق وخائف، رغم علمه أن فائزة تعد لهذا اليوم عدته. تستعد له منذ اليوم التالي لانتهاؤ خدمة العام الفائت. تدخر طوال العام حتى تشرف النضر أمام ضيوف آل البيت. أجلسها جواره بعد أن انتهى من التسبيح وقال لها:

- إيه يا أم أحمد ضيوف الحسين قربوا يهأوا يا ترى عاملة حسابك؟  
- ماتخفش يا خويا كل حاجة معمول حسابها. خيرك كثير ومبروك .  
دخلت عليها أم زبيدة . وضعت بين يديها كل ما تحمل على رأسها وقالت لها:  
- دي حاجة بسيطة من بعض خيرك علشان حبايب الحسين  
- خير ربنا كثير وإحنا عاملين حسابنا  
- وماله يا حبيبتى الحبايب كثير والبحر يحب الزيادة .  
نادت فائزة على زبيدة وأمرتها بأن تدخل ما أحضرته أمها إلى حجرة الخزين، ولكنها قبلت يد أمها وجلست بجانبها، أمرتها أمها بإدخال ما أحضرته حرصاً على رضا أم أحمد. نفذت ما طلبته، ثم عادت مسرعة لتهمس في أذنها وعيون فائزة تتابعها . تبدو منشغلة في تنقية الأرز المكوم أمامها في الطشت لكنها تنظر بطرف عينها .. انطلقت زغرودة الأم مجلجلة . توقفت يد أم أحمد عن تنقية الأرز . قطعت المرأة زغرودتها :

- مبروك يا أم أحمد زبيدة هتجيب لك أخ لولادك اسم النبي حارسهم  
- تقوم بالسلامة ببركة الحسين. مبروك يا زبيدة .  
أحست فائزة كأن يدا عظيمة تضغط على رقبتها . تمننت أن تنشق الأرض وتبلعها، وهل يحتاج النضر لسبب ليزداد تعلقه بمن لا يترك حجرها ؟ لقد تنازلت عنه منذ زمن بعيد . اكتفت بالبيت و الأبناء وتقديره الدائم لها وحب الإخوان والمريدين .



من لها بنظرة حب من عيونه مقابل كل شيء؟ من يعطيها نظرة اشتهاء كالتى تراها في عيونه حين تقبل عليه زبيدة؟ يا لهذا الشعور البغيض . هي التى تركته لها ، لماذا لم تحارب من أجله ،؟ لم يشعرها مرة أنها امرأة تُشتهي . لماذا تغار اليوم وهي التى تركته لها ولغيرها من قبل ؟ حاولت قهر غيرتها . اكتفت منه . منذ زمن بعيد بقوله (أم أحمد الخير والبركة) فلماذا الغيرة الآن؟ لماذا تتمنى موتها؟ هأنذا ، وصمتت . نظرت إليها الحاجة نفيسة نظرة عطف فهي تعرف تماما كيف تشعر امرأة تعشق زوجها وابن عمها . مالت علي ابنتها توصيها بالألا تبالغ في الفرحة . رأت في نومها رجلا أقبل إليها من خلال ساتر نوراني أبيض . لم تتعرف عليه . أجلسها في سريرها وظل يمسح على جسدها ويقرأ القرآن، وحين لمح دموعها تنساب مد يده التى تشع نورا ومسحها وانصرف، وهو يقول لها :

- أبو فاطمة بيدعك لزيارته بس ضللي على عشك يا أم أحمد .

استيقظت وما زال صوته يرن في أذنيها . وما تزال تشعر بلمسته الرقيقة على وجهها . رفعت فتيلة المصباح فانتبهت أنها ما تزال في سريرها بجانب ولديها، ربتت على رأسيهما وأسندت رأسها بذراعيها . يناديها ويتعجب من عدم استيقاظها حتى الآن . لم تسمعه ففتح عليها باب الحجرة وقال لها :

- إيه يا فايضة مش عوايدك .

جلس بجانبها علي السرير ، تمنى في تلك اللحظة أن يمد يده ويلمسها . ماذا لو فعلتها هي ؟ لماذا لا تمد يدها وتشده إلي صدرها ؟ وللحق فكرت أن تفعلها . حلم الليلة الفائتة أعادها مرة أخرى . تراجعت يداها اللتان كانتا في الطريق للإمساك به . تسللت من جانب الصغيرين حتى لا يستيقظا، وخرجت وهو يتبعها حائراً . جلست على درجة السلم تراقبه وهو يتوضأ وبعد أن فرغ سارت وراءه وفي يدها سجادة الصلاة . انتظرت حتى يفرغ من صلاته، ولم تنتظر أن يكمل قراءة ورده الصباحي، وقصت عليه حلمها . ابتسم ومد يديه قرب رأسها من وجهه وقبلها . تركته يكمل قراءة ورده . تخرج من حجرة تدخل أخرى، تجهز كل شيء لخدمة المولد؛ . هي الوحيدة المسموح لها بالتعامل معهم تلبية طلباتهم؛ صارت لهم أختا أو أمأ . لا حرج في حديثها معهم، أما زبيدة فما تزال في حجرتها تجلس على سريرها تتحسس بطنها وتتخيل يوماً يكون لها بيت و تكون هي سيدها .

دخل محمد صبي المقهي . الذي سيصير فيما بعد رفيقاً لأحمد ابن الحاج نصر ويتزوج من فتاة تمت بصلة قرابة للحاجة فايضة . بصينية الشاي على النضر في

الدكان:

-أحلى شاي لحبابب سيدنا. إيه اللي جايبك بدري؟

ابتسم النضر ووضع النقود على الصينية وهي ما تزال في يده ، كانت عادته من يوم أن عمل في مكتبته المجاورة للمقهى أن يدفع قبل أن يمسك بكوب الشاي. انسحب محمد بعد أن وضع الشاي والماء على البنك ولم يستمع إلى إجابة السؤال الذي سأله .

أمسك بكوب الشاي وراح يحدق في الكتب دون أن تستقر عيناه على شيء. كان يفكر في زوجته . زبيدة حامل . أم أحمد بشرت بزيارة الرسول. من لأم أحمد بمصارييف الحاج ؟ تذكر النقود التي أحضرها لها الشيخ صالح ، يعرف أنها أعطته جزءاً لشراء المكتبة ولا بد أنها تحتفظ بالباقي للحج . لا بد أن رؤياها التي منحها لها الله في هذه الليلة بالذات لتبرد نار قلبها التي اشتعلت حين علمت أن زبيدة حامل .

أخرج كتاب دلائل الخيرات من الرف القريب منه . جلس يقرأ ويبتهل . أيام كثيرة مضت وهي جالسة في سريرها تنتظر دخوله عليها. ولكنه لم يأت. تعرف أنها هي التي قررت إبعاده عنها. هي التي تركته لها واكتفت بقبلة على الرأس. تعرف جيدا أنه لولا خجله من العائلة ما تزوجها . جاءت إلى منزلهم وهي بعد صغيرة هي اليتيمة ابنة عمه . كانت الحاجة دولت هي الأم التي حرمت منها . هو يكبرها بثلاثة عشر عاما على الأقل وهبها عمها له . الجميع يعرف أنها مخطوبة له. ورغم أنها لم تكن تعلم عن الخطوبة أو الحب شيئا إلا أنها بمرور الأيام أحبته . نامت بجوار فاطمة التي كانت تكبرها بثلاثة أعوام، زوجة عمها تعاملها كأمرأة ، بل ربما بالغت قليلا ، حتى لا تتهم بالتفريق بينها وبين أولادها . حاولت دائما وضع الأعمال الثقيلة على ابنتها و الشيخ صالح يراقب دون كلام . رغم أن الحياة اختلفت كثيرا عن بيتها القديم ؛ فالكل يصحو بعد الفجر مباشرة . الكل يعمل ويتفانى، صارت جزءا منه. وصار حلمها الوحيد الذي تتطلع إليه هو أن يلتفت إليها النضر . أن يلحظ امتلاء خصرها . بروز نهدتها. كانت تقف أمام المرأة طويلا. تفرد شعرها وتمشطه وتقرص خديها. وتتعمد أن تقف في محيط نظره . عيناه لا ترياها. هو يتجاهلها تماما . لم يلحظ أنها صارت امرأة يشتتها الرجال و يخطبها الشباب، ولكن عمها يرد علي من يتقدم لخطبتها . إنها عروس النضر، وهو يلوم أباه الذي يرفض تزويجها . ثم نزل على رغبة أبويه وتزوجها.

ولكنه أهملها تماما. كانت تبكي لسلفتها صباح . تجلس معها . تعلمها كيف تغير موقف النضر منها. بذلت كل ما في وسعها لتنال حبه واهتمامه .كان دائم الصد لها . كان عمها يلحظ انكسارها ، فيطيب خاطرها .

حاول مرارا أن يجعلها تهتم بالبيت مثل صباح . أن تنال ثقة الحاجة وأن تتعلم منها، ولكنها لا همّ لها إلا الحرص على رضا النضر. كانت أحيانا تغار من صباح .النضر كان يعمل لها خطرا في كل شيء؛ حين تدخل عليه حجرته ،وهو يعنف فائزة لشكواها الدائمة منه يضع عينيه في الأرض ويقول لها:

- اعملها إيه يا مرات أخويا. ماهية مش ساكتة عني .

- معلى يا نضر ما انت عمائك مترضيش مسلمين ، وبعدين بص يا أخي لولادك باسم الله ما شاء الله ولدين زي الفل وانت مش واخذ بالك منهم وسايبها طول النهار .

- يعني اقدرها ولا إيه ؟ وهو عمر قاعدلكم انتي والبنات ما هو طول النهار في الغيط والليل في القاعة مع أبوه وضيوفه .

- أديك انت قلت في الغيط ومع أبوه وضيوفه لكن انت يا أخي مع مين ؟ مع دياب واللي انت عارفهم أكثر مننا .الحنية بتطول العمر وتشيل الهم. حن عليها شوية غيرها مش أحسن منها

## الشوق إلي الأعبة

عام كامل مر علي موتها وهو يرعي أبناءه وكأنهم بعد صغار ، يعتمد في كل شيء علي صباح في المنزل ، وعلي عمر في الغيط ، في ليلة شتوية شديدة البرودة شعر برغبة في النوم حيث كان جالسا يصلي ، ولكن عينيه غفلتا ، فنام ، أيقظه الشيخ علي وأجلسه أمامه انتبه إليه صالح فمد الشيخ علي يده بصرة ملفوفة بعناية ومعقود طرفها بخيط حريري وقال له :

- بص يا صالح هذا الكيس لفائزة .

- فائزة بنت أخويا .

- نعم اعطه لها قل لها أبو فاطمة في انتظارك .

- ليه فائزة بالذات .

- لا تتدخل فيما لا يعينك فقط افعل ما أمرتك وقل لها ( وبشر الصابرين) .  
ربت علي كتفه وانصرف .أفاق الشيخ صالح .وجد كيسا ملقي في حجره . تعجب  
وتذكر منامه . صلي علي الحبيب المصطفي وفتح وجده مملوءاً بالنقود . في  
الصباح أخبر ابنه وقرر أن يسافر إلي النضر .  
حين وصل إليه . كان واقفاً مع أحد زبائنه يحدثه عن كتاب يمسك به فلما رأي أباه  
لم يصدق عينه . احتضنه وقبل رأسه وأغلق المكتبة ،وعاد به إلي المنزل كانت  
فايزة جالسة تخط بعض الملابس وبجانبها زبيدة . حين رأت عمها يدخل عليها  
أسرعت إليه وألقت بنفسها في حضنه وبكت كما لم تبك من قبل .زبيدة واقفة لا  
تعرف كيف تتصرف ، صحيح النضر لم يتزوجها إلا برضا الحاج ، وإصرار فايزة  
،ولكنها لا تعرف ماذا تفعل في هذا الموقف غير المتوقع .لم تذهب إلي البلد ، ولم  
يأت أحد فرحها . كل ما فعله النضر أنه نال الموافقة من أبيه علي استحياء ،  
انكشفت في مكانها لا تبدي حركة وبعد أن هدأ ابنة أخيه المتشنجة التفت إليها  
وقال لها :

- أهلا يا بنتي .

- أهلا يا عمي .

أمسكت بيده وقبلتها ودخلت إلي حجرتها ، شيعها بنظرات لا تشي برضا أو غضب  
فقط أمسك بيد ولده وابنة أخيه وأجلسهما وقص عليهما المنام وأعطاهما العطية  
الربانية ، وفي الصباح غادر لدرجة أن عينه لم تقع علي زبيدة حتي وفاته .  
تحيرت أم أحمد ماذا تفعل في النقود ولكن أول شيء فكرت فيه أن تعطي زوجها  
جزءاً من النقود حتي يشتري المكتبة من صاحبها ، وادخرت الباقي للحج كما  
بشرها عمها وتلبية لدعوة أبي فاطمة .

## دغل التوتة

كانت الأيام تمر و دياب لا يعرف بماذا يرد علي حملات الحكومة التي لا تغيب  
شهوراً . ما إن يُصلح حاله حتي يجد أمامه قوة من المخبرين وضباط المباحث  
يجرونه علي المركز . بعد كل هجوم غاشم يجد نفسه مطالباً بالذهاب إلي البيت

الكبير والوقوف أمام الحاج ليعاود قسمه أمامه ويعود بفاطمة مرة أخرى . لم يكن الشيخ صالح مفتنعا ببراءته. هو يري ذلك في عيونه. مرات كثيرة ثار في وجه فاطمة وأخبرها بغضبه من أبيها قال لها :

- أبوكي مهما اعمل برضو بيبص لي بصة اتهام ، مش عارف اعمل إيه علشان ارضيه .

- انت مالك ومال أبويا بس ؟ ماهو واقف جنبنا وببساعدنا وعمره ما قصر معانا .

- كل مرة الحكومة تتهمني بحاجة أروح له واحلف له إني بريء ومفيش فائدة .

- ما هو معذور لما المأمور بيبعتله كل شوية ،المخبرين بيقلولوا له علي أخبارك

عايزه يشكرك يعني مش ناسيلك أبداً إنك كنت السبب في مرواحي للنقطة

وشتيمتي فاكرو ولا أفكرك ؟.

- وأنا ذنبي إيه أديني بشتغل في الأرض وسبت كل حاجة وحشة كانت مضايقاه.

بس همه اللي مش سيبيني في حالي .

ومن هنا قرر بعد سفر النضر أن يعاود سيرته الأولى طالما هو في الأول والآخر

مدان ومذب. لسنوات خمس فرض الأتاوات علي العمدة وأغنياء البلد ،وأصبح لا

يخاف من كلمات الشيخ. كان يعرف أن كثيراً من الناس ترفض أن تبلغ عنه إكراما

لذكرى أبيه العطرة كما المسك . كان يستعد لسرقة مخازن العمدة الذي يراه ظالما

وواكل حقوق الفلاحين في بطنه الواسعة مثل بطن البحر اليوسفى .هذا هو المبرر

الذي أصبح يسوقه دائما للشيخ وابنته؛ فهو لا يسرق إلا من يستحق السرقة،

ودائما الشيخ يرد عليه أن السرقة حرام سواء كانت من الأغنياء أو الفقراء ولا

يوجد ما يبررها .

علم العمدة بنيته من أحد أصدقائه الذي يكيد له لأنه تغلب عليه في التحطيب وهدد

دياباً تهديداً واضحاً وصريحاً أنه سيرد له هذا الموقف بعد أن أضحك عليه كل من

حضر الواقعة ومن أجل ذلك ذهب إلي العمدة وأخبره بنية دياب في سرقة مخازنه

.

جهز العمدة بعض الرجال الأقوياء الذين استأجرهم لحماية المخازن أمرهم بإطلاق

النار فوراً على كل من يشكون فيه، فقد رآها فرصة للتخلص منه؛ لأنه أضاع

كرامته وسط الفلاحين ولم يعد قادراً علي السكوت عليه بعد أن مرغ كرامته في

الأرض . اقترب دياب من المخازن . الرجال يطلقون النار . أضاعت السماء ووجد

عبد الرحيم واقفا بينه وبين الرجال يمد كفه يحجب عنه الطلقات. أصابه الذهول

حين رأى الشاب البركة. فجأة اختفى الضوء وعبد الرحيم ، وعاد دياب إلى منزله يحكي لفاطمة عن وجود أخيها وكيف لم تؤثر فيه طلقات الرصاص. طمأنته وقرأت كل الرقى التي تحفظها على رأسه وذكرت له الجملة التي ردها والدها صباحا (الهدى من عند الله).

حين استيقظ صباحا بدا له ما حدث في الليلة الفائتة حلما بعيدا، سأل فاطمة عنه ، فابتسمت وطلبت منه أن يذهب للشيخ ليباركه. اغتسل وصلى وذهب للبيت الكبير فوجد عبد الرحيم يجلس تحت دغل التوتة الذي يتوسط ساحة البيت. انكب على يديه يقبلهما ويطلب النظر باحثا عن أثر للرصاص لم يجد. أراد أن يسأل عما حدث بالأمس، ولكنه تراجع خوفا ورهبا منه. ابتسم له عبد الرحيم وقال: الله أكبر.

- ياه يا شيخ رحومة انت إيه بالظبط حيرتني لدرجة إني مش مصدق اللي حصل . نظر عبد الرحيم إلي السماء ولم يعد موجودا بالنسبة لدياب علي الأقل . حاول أن يحدثه عما فعله معه بالأمس ، لكنه أبدا لم يطرف له طرف وهو يحدق في السماء من بين أفرع التوتة التي كانت مثمرة ولا يظهر من خلالها إلا أضواء من بين فروعها الكثيفة.

بعدها ولأول مرة منذ سنوات واظب علي الصلاة ، وابتعد مرة أخرى عن صاحبيه اللذين باعه واحد منهما للعمدة ورجاله لمجرد أنه تغلب عليه في التحطيط وأضحك الحاضرين . بل وصل به الأمر أنه فكر جدياً في الانتقال إلي جوار النضر حيث يعيش هناك في رعاية آل البيت، واظب علي الذهاب إلي المنزل والجلوس مع الشيخ رحومة والشيخ صالح ، بل أصبح من الذين يواظبون علي حضرة ليلة الجمعة . حتي مقام الشيخ كان يذهب إليه ويساعد الحاجة نبوية تلك المرأة التي لم تعد قادرة علي تنظيفه بعد أن كُفَّ بصرها .

حين رآه واحد من أصدقائه القدامى داخل المسجد أسرع إلي الأصدقاء يخبرهم، وصار حديث جلسات المزاج لأيام كثيرة مقبلة، قصة الهداية التي نزلت عليه من السماء، وصار التهكم والسخرية يغلفان حديثهم عنه حين تدور رءوسهم من أثر الحشيش فمنهم من لم يصدق قصة هدايته التي نزلت عليه من السماء ومنهم من يردد بكرة يربي دقنه ويشيل سبحة ويذكر في بيت الشيخ .

أما أعداؤه الكثيرون لما سمعوا بما حدث هان في عيونهم وتيقنوا الآن أنهم قادرون عليه.سنوات كثيرة دبروا الخطط حتي يوقعوه ، ومرات أكثر كادوا له عند

الحكومة والمأمور من خلال المخبرين الذين ينقلون الأخبار وإن كانت كاذبة. تربصوا به وهو خارج من صلاة الفجر . أطلقوا عليه الرصاص أمام المسجد. أسرع الناس بنقله إلى منزل الشيخ القريب من المسجد ، وصل الخبر إلى فاطمة في لمح البصر؛ فجاءت فزعة صارخة والشيخ يكتم جرحه بقطعة من القماش حتى تأتي عربة الإسعاف، ولكن إرادة الله كانت أسرع . نظر إليها من خلال عيونه التي لا يكاد يفتحها. قبلت رأسه . غسلت وجهه بدموعها تحسس رأسها الذي انحسرت عنه الطرحة ومات دون أن يلفظ بكلمة أو حتى يطلب منها السماح ويوصيها بصغيريه .

## حجرة زبيدة

كان النضر يرفض أن يقدم لنساء البيت أي طلب يطلب منه، وحين تطلبه صباح يخجل أن يرفض بعكس معاملته للفريضة . هو دائم الشجار معها ويتعمد استفزازها . تنور وتجري على زوجها تشتكي منه فيضحك عنتر من تصرفاته ولا يعنفه ، تزداد غضبا. ولما يمل من شجارها مع الجميع ولسانها الذي يتناول على الكل يظل يضربها ولا يجرو أحد على الدخول عليه ويعلق الشيخ صالح بقوله:  
(سيبوه يضربها علشان يهد حيلها ويكسر سمها).  
كل هذا قرب بين السلفتين رغم غيرة فايضة من صباح أحيانا ، فتضاعف صباح من حبه لها وعطفها عليها وصرحت لها مرات كثيرة أنها تعتبرها أختها ، فكلتاهما وحيدة لا أخت لها وفي أكثر من مناسبة جلست مع النضر تحدثه عن حب فايضة له .

والآن حبه لزبيدة يزداد، لا هم لها إلا أن تتفنن في التزين وإخفاء آثار الحمل والكلف الذي ملأ وجهها . تحاول طوال الوقت أن تخفي الآثار بالوصفات التي تأتي بها أمها من الحاج مصطفى العطار. وفايزة تلاحظ قلقها الدائم على جمالها، تتعمد السخرية منها وخاصة أمامه ، وتواصل العناية بالمنزل والأبناء وتوفر وتدبر من أجل الخدمة والإخوان، وحين تسألها زبيدة كيف تدبر الأمور تضحك وتقول: (الرك ع البركة) اقترب موعد الحج ، فاجأت النضر بما تدخره لذلك اليوم. امتلأت عيونه بالدموع وقلبه بالشوق، ولكنه أخفى قلقه على زبيدة التي اقترب موعد ولادتها. طمأنه الشيخ صديق عليها وشجعه على الذهاب لزيارة المصطفى .

سافر إلي الرسول بعد أن بعثا بأحمد وزهير إلى المنزل الكبير في الصعيد؛ لأن زبيدة في أيام ولادتها الأخيرة ولن تستطيع رعايتها.  
حانت لحظة ولادتها. بدأت تبكي، وتعض على مخدتها ولا يمل لسانها من مناداته

والصراخ. تضحك أم محمد الداية وتقول لها:  
- دلوقتي بتصرخي وساعتها أكيد كنت بتزقطني. علشان تبطلني شقاوة أنت  
والحاج.

يزداد تشنج زبيدة ويزداد قلق أمها والداية تظمنها، مضت ساعات دون أن يفتح  
رحم زبيدة ، فبدأ القلق يدب في قلب المرأة . أمسكت بالفوطة الموضوععة على حافة  
السرير ونشفت يديها. طلبت من أمها أن تنقلها إلى المستشفى. ارتجفت أم زبيدة  
ونادت على زوجها وسط صراخ ابنتها.

هناك في المستشفى أنجبت بنتين وقبل أن تغض عيونها لمرّة أخيرة ، قالت لأمها  
التي كانت تمسك بيديها تدلكهما لتبعث فيهما الدفاء:

- أمة إدي البنيتين لأم أحمد وخليها هية تسميهم.

- ماتقوليش كده يا نين عين أمك. هتقومي ، وتربيهم وتفرحي بيهم زي ما فرحت  
بيكي

- مفيش وقت أنا عارفة. خلي فايضة هية اللي تربيهم ، لازم يتربوا وسط إخوانهم .  
ماتت زبيدة وتركت حسرتها في قلب أمها . النضر يطوف حول الكعبة ، ويلف  
ذراعيه حول جسد فايضة ليحميها من تدافع الطائفين ، أحس بانقباض في صدره .  
تسمر في مكانه واستعاد ذهنه اللحظة النورانية التي حلق فيها إلى أجواء سماوية  
وغيرت مسار حياته تماما . في هذه اللحظات التي يذهل فيها الواحد عن نفسه  
لاحظت المرأة قلق زوجها . نصحته بأن يتمتع بلحظته في هذا الجو الروحاني  
الذي يحيط بهما .

حين انتهت شعائر الحج وعاد النضر وفايضة. عرفا بموت زبيدة. ظل أياما وليالي  
كثيرة يلزم المسجد يجلس بجوار المقام . يمسك بالمصحف ويقرأ ، وحين يتعب  
من القراءة يسند ظهره للمقام ويجلس صامتا تماما لا يكلم أحدا. يتوه في الفراغ  
ثم يعاود القراءة. قلق عليه الشيخ صديق فقال له:

- يا بني بيتك له عليك حقوق. ارحم نفسك شوية

- إيه يا شيخ صديق. دي زبيدة الغالية اللي ماتت.

- ماتغلاش ع اللي خالقها يا بني

- طب وأنا عامل إيه؟ . أنا بقرأ في كتاب الله .

- ده مطلوب بس بيتك وعيالك وشغلك هتسيبهم لمين؟ ، برّد قلبك يا بني النار

هتاكل قلبك اللي عامر بذكر الله

كان قلب فايضة يتمزق من أجله ولكن ماذا تفعل والصغيرتان (نور) و(رحمة) كما  
أطلقت عليهما دائماً البكاء. كانت تذيب لهما السكر في الماء وتسقيهما ولا فائدة  
قالت لها أم زبيدة:

- بقولك إيه يا أم أحمد متجربي تقربيهم من صدرك؟ يمكن ربنا يجريلهم رزقهم

- صلي ع النبي وده معقول؟ أحمد وزهير بقوا رجاله

- سبحانه يرزق النملة في بطن الجبل والدودة في الحجر

قربت فايضة الصغيرة ( نور) من حلمة ثديها. الشفاة الصغيرة تداعب الحلمة التي  
نفرت. شعرت فايضة بدبيب يسري في صدرها ، والحلمتان تنفران. الخدر يسري



فيهما. أوصالها ترتعش لم تصدق ما تشعر به لدرجة أنها أخرجت الحلمة وعصرتها للتأكد أنها تنزل لبناً بالفعل . تقبض الشفتان المتلهفتان على حلمتها وتمتص في سرعة ونهم أضحكت المرأتين الحزینتین. العرق يتصبب من جبينها الصغير وحين تشبع تصلي أم زبيدة على النبي وتسمي على الصغيرة وترقدها في سريرها . تحضر لها الصغيرة ( رحمة ) التي لم تكف عن الصراخ حتى قربتها فائزة من صدرها الذي امتلأ . تكف الصغيرة عن البكاء وتقبض على الحلمة وتمتص بسرعة أنهكتها وجعلت صدرها الصغير يطع وينزل والعرق يتصبب منها علقت أم زبيدة بأنها كمن يأكل في آخر زاده لما شبت نامت فأرقدتها جدتها بجانب أختها . جلست المرأتان كمن خرجتا من مباراة حامية. نظرة شكر وامتنان بادية على وجه فائزة. بدأت تفكر في النضر وتدعو الله الذي أجرى اللبن في الصدر الناشف أن يعيده إلى بيته.

ذهب إليه الشيخ صديق . وجده جالسا كما تركه بجانب المقام وعيناه كأنهما تنظران إلى شيء لا يراه أحد غيره. لم يشعر به حين جلس بجانبه . وضع الشيخ يده على كتف النضر وقال له:

- شفت كرم ربك يا حاج

نظر إليه النضر نظرة حيادية تماما لا تدل على أي رغبة في سماع ما يريد قوله .

- وحد الله يا نضر. ربنا كرمه كبير. بعث للعيلتين رزقهم .

ساعتها انتبه النضر :

-أم أحمد رضعتهم من صدرها .

- سبحانه قادر علي كل شيء .

قام النضر واتجه إلى البيت دونما كلمة ، وحين رأته امرأته ألقى بنفسها عليه وسحت دموعها غزيرة كما لم تبك من قبل، هداها وأجلسها على الكنبه ومن خلال دموعها بدأت تحكي له وتصف منظر الصغيرتين وهما ترضعان. تعجب من الحنان الذي يتدفق من صوتها واطمان على صغيرتيه.

حياتها ماثلة أمام عينيها. كيف لم تشعر باليتم أبدا في حضن عمها . قررت أن تلقى الصغيرتان نفس الرعاية التي لقيتها هي . لن تشعرهما يوما أنها زوجة أب خفت هذه المعاملة من آلام زوجها ، كأنه يري زوجته . حاول مرارا أن يعود لحجرتها . خجل من أمره هو الذي تركها طويلا . شعرت به طويلا قلقا ساهرا في حجرته لا يمل الصلاة والذكر نحل جسده. غارت عيناه. أشفقت عليه . سحبتة من يده ووضعت المصحف الذي كان يقرأ فيه جانبا وهمست في أذنه (إن لبدنك عليك حقا) أنفاسها حارة وملتهبة سار خلفها. أحكمت الغطاء حول جسد الصغيرتين ودخلت حجرة زبيدة وهو خلفها لم يقل شيئا دخلت تحت الغطاء وشدته إليها ونامت .

جاءت بالقوة ، هذه المرأة

رفضت فاطمة العودة إلى بيت أبيها بعد قتل دياب. كما رفضت الزواج بعده رغم الجسم الفوار بالنضج الأنثوي الذي كان في أوجهه ورغم كثرة الطالبين . قصت شعرها الطويل وربطته بإيشارب أسود لم يتغير علي مدار العمر. بعد شهور قليلة

فكرت في فتح دكان في بيتها. لم يجد الشيخ مفرا من الموافقة بعد أن رأي تلك النظرة التي تشبه نظرته في عينيها . ذكرته بحديث رسول الله الذي يقول إن تسعة أعشار الرزق في التجارة. لم يكن يعلم أن فاطمة تمتلك كل هذه العزيمة والمقدرة علي فعل ما فكرت فيه . تجيد المجادلة من أقصر الطرق. هب عمر واقفاً وهو يرفض اقتراحها ويفنلها بنقاط سريعة وحاسمة . تركها وخرج لم تتفوه بكلمة واحدة أو تعترض علي كل الأشياء التي قالها. فقط اتجهت بعيونها إلي صباح . طلبت منها أن تأتي معها.

بعد يومين فاجأ عمر أباه وهو يخرج ثلاث ورقات فئة العشر جنيهاً ويعطيهم لأخته أمامه . أراد أن تستعين بهم علي فتح الدكان . ضحك الشيخ وهو يري نظرات النصر في عيون ابنته . حاولت رفض المبلغ من يد أخيها . عمر يشعر بابتسامة أبيه . يفهم فرحه بقوة ابنته . يداري كسوفه من تراجع موقفه ويخرج . كان يتحجج بكونها صغيرة لم تتعد الواحد والعشرين . لا تعرف أساليب التجارة أبداً كما إنها لم تخرج من بيتها إلا إلي حضن المرحوم . وراح يذكرها بمكانتهم في البلدة . وأمام إصرارها ومساندة الشيخ ، افتتحت الدكان وملأته بما يحتاجه أي بيت في البلدة ، لكن الشيء الذي غاب عن ذهنها هو بعد الدكان عن سرية البلدة. لم تمض أكثر من عامين حتي فاجأت أخاها عمر في طلبها بيع البيت وشراء بيت في وسط البلد . كان أصحابه قد قرروا الهجرة إلي العاصمة . افتتحت محلين في البيت القريب من بيتهم . انتقلت معها الحاجة فردوس أم زوجها وصديقة أمها . ساعدتها في تربية الطفلين . بمضي الأيام ارتسمت علي وجهها تلك النظرة المحايدة والحكيمة . اكتست ملامحها بملامح الرجال التجار وظهر ذلك الزغب الخفيف تحت أنفها . نسيت تماماً كونها أنثى، ولما يطول شعرها الذهبي تقصه وتحبك الطرحة السوداء التي لا تزيدا إلا بهاءً . كثير من كبار البلد تقدم لخطبتها . كثير منهم تعهد برعاية أبنائها ، ولكنها كانت ترفض وترد بجملة وحيدة يدرك من ينظر في عيونها وهي تقولها أنها مصممة عليها تماماً ( أنا خلاص جربت حظي ومعديش غير ولادي ) ساعتها تنكسر نظرة التصميم في عين عمر أو عنتر حسب الذي يحضر إليها عرض الزواج ويتركها ويخرج ، والشيخ يتابعها ويدرك رفضها . وأبدأ لم يفكر في إجبارها علي شيء ، أصبحت تكثر من التشبه بطباع أبيها الشيخ. صممت علي تعليم هدي وصالح الذي تركه أبوه لا يتجاوز العام . بعد وفاة الحاجة صارت صباح صندوق أحزانها وأفراحها القليلة . و أصبحت هي المسئولة عن كل احتياجات البيت الكبير من أشياء تباع . ترفض أخذ أي مقابل حتي من تحية زوجة أخيها التي غفرت لها كل زلاتها السابقة واللاحقة أيضا .  
روحية محمد جلال

روحية تلك الفتاة الطويلة السمراء . فاتها قطار الزواج . كانت تحلم دوماً بأن تتزوج وتعيش في مصر أم الدنيا بعد أن ذهبت إليها وهي صغيرة مع والدها الذي كان يمسك بيدها . يطوف بها حول مقام الحسين . تنظر إلي النساء اللاتي يجلسن بجانب المقام . يهمسن له . يعدنه بالعطاء الكثير لأحبانه . إن هو حقق لهن ما

يتمنين . جلست الصغيرة تنتظر أباهما الذي وقف يصلي في ركن قصي من المسجد الواسع ، كانت عيونها تجول في الفتاديل المعلقة في السقف وتتأمل تلك الرسوم والألوان البديعة التي لم ترها من قبل . تسللت من مكانها واتجهت للخارج . كانت الصغيرات في سنها يرتدين الملابس الزاهية . يزين ضفائرهن بأشرطة ملونة ويمسكن بالبالونات يطيرنها ويهللن ، تمنت في تلك اللحظة أن تعيش هنا وبالتحديد .. خرج الرجل مذعوراً يبحث عن ابنته . وجدها واقفة تراقب الأطفال والنساء . ارتاح حين رآها . عنفها في حب لأنها سببت مفاصله وجعلت الدم يفر من عروقه . عادت مع أبيها . ظلت تحلم بأن تقيم في هذه المدينة التي امتلكت عليها روحها . ولما توفي والدها ظلت ترفض كل من يتقدم إليها . تعتقد أنه جاء طمعاً في الفدانين اللذين تركهما لها والدها ، وفي لحظة أحست أن حلمها اقترب منها ، بل كادت أن تمسك به بين يديها حين جاءت فائزة زوجة النضر ، صديقتها القديمة وجلست معها تحدثها عن حلمها بالسفر إلى مصر والزواج فيها أو حتى الاستقرار فيها ، طلبت منها أن تحضر إليها في مولد الحسين القادم . اقترب المولد ذهبت إلى عمر . طلبت منه أن ترافق النساء في رحلة الذهاب للمولد . تردد عمر قليلاً . هي امرأة وحيدة ولا يصح لها أن ترافقهم إلى القاهرة وأمام إلحاح صباح التي توسطت لديه أن يصحبها ولا يكسر بخاطرها ، وافق وهناك عرفت الحاجة فائزة علي محمد الذي لم يعد مجرد صبي يقدم القهوة لربائنه ، بل صار معلماً يلف الشال الحريري علي رأسه . ويصبح في الصبي الجديد أن يأتي له بالشيشة . سيصبح ذات يوم صاحب دكان كبير للعلافة والعطارة . في نهاية الشارع الطويل الذي يفصل الدويقة عن منشية ناصر بعد أن تباع روحية محمد جلال الفدانين الذين ورثتهما عن أبيها وتشترى لها شقة صغيرة تحرص علي فرشها بالسجاد والموكيت كما تحرص علي تزيينها وشراء كل ما يلزمها من أشياء اشترتها من الغورية و الموسيقى مثل بنات مصر ، كما حرصت علي شراء دكان العلافة لزوجها الذي صار فيما بعد الحاج محمد والذي يصغرها بعشر سنوات علي الأقل .

## كان يفرك القمح للطيور

في الوقت الذي يعود فيه رب أي أسرة سعيدة إلى أبنائه في بداية الليل . يجول بنظره في المكان يتفقد صغاره . يضع أكياس الفاكهة التي لا بد محمل بها من أجلهم . وفي الوقت الذي تطيل فيه البنات النظر إلى النجوم التي تتلألأ والقمر الذي يبين ويختفي خلف السحاب وتبحث عن أحلامها في صفحة هذا القمر الذي لا يطول اختفاؤه وتحقق القلوب التي لاتزال بعد صغيرة ولكنها تتشوّف لفارس لا بد سيأتي علي حصان حتماً سيكون أبيض . في نفس هذا الوقت الذي تقف فيه أي أم

أمام موقدها تطمئن على نضج الطعام ، وهي سعيدة وراضية كل الرضا عن حصاد اليوم غير عابئة بالمتاعب التي عانتها طوال النهار به ، يمتلئ قلبها فخراً لأنها أرضت الجميع في نفس هذا الوقت ينادي عبد الموجود على ابن خالته:

- يا صالح . يا شيخ .

- أيوه يا مرحب يا مرحب بالحبائب . اتفضل  
يبتسم ابتسامة شغوفة في وجه ابن خالته ويجره من يده في تصميم من يأتي إليه ضيف عزيز. كان الشيخ يفرح كثيراً به. تعود إليه حيويته وشبابه كأنهما مازالا بالأمس القريب يعيشان طفولتهما السعيدة ويتنافسان على لفت انتباه ابنة خالتهما التي تصغرهما بعامين فقط. ينادي على حفيدته سلوي أن تحضر الطبلية، فتقفز من بين فخذي صباح التي كانت تضقر لها شعرها ، تجري سعيدة وتترك أمها ممسكة بشرانطها الحريرية متعجبة من لهفة هذه البنت على سماع الحكايات وتقول لها :

- الجد جود جه، مخك بيظير منك لما بتسمعي صوته ، بالراحة علي نفسك هوو  
قاعد معنا للعشاء .

يجلس عبد الموجود بجانب الشيخ الذي لا يفوته أن يلاحظ التمتع عيون الحاجة دولت وهي تمد يدها المغطاة بطرف طرحتها وترحب بابن خالته. يعجب من نفسه كيف لا يكدره يقينه من حب عبد الموجود للحاجة ذلك الحب الذي جعله يبقى طوال هذه السنين دون زواج بعد أن فضلت عليه الشيخ. وللحق ظلت الحاجة تعامله كما ينبغي لامرأة في وضعها أن تعامل ابن خالته ورفيق طفولتها. كانت ترعاه. تبعث إليه بابنتها فاطمة تقضي له احتياجاته ولم تنس ولو مرة وحيدة أن تبعث إليه بطعامه. حين تنهي إعداد الطعام كان أول صحن يغرف من الطعام له ، فتضحك صباح وتقول لها في خبث تحبه الحاجة :

- صحن ابن الخالة من وش الحلة .

- ترد عليها الحاجة في ود .. طبعاً وهوو فيه أغلي من ابن الخالة .  
يتقافز الصغار فرحاً ويلتفون حول الطبلية وقبل أن يبدأ في النقر عليها يفسح مكاناً لعبد الرحيم الذي يجلس بجانبه. يهتز فرحاً ويزداد حماساً حين ينتصر أبو زيد في كل موقف. يصفق عبد الرحيم كما الأطفال فيبتسم عبد الموجود وينتقل في حكيه إلى قصص الحب البرئ التي تمتلئ بها الحكايات وعلى لسان أبطاله يبث ابنة خالته حبه وأشواقه . غيباته تطول عن المنزل الكبير ولكنه يعود دائماً مشتاقاً ملهوفاً ، مازال ينقر بأصابعه وينغم صوته ويحمله بالانفعالات اللازمة لكل من ينطق بلسانهم ، وفي غمرة اندماجه تسأله سامية ابنة عنتر :

- جدي هوو حقيقي أبو زيد كان موجود حقيقي ولا ده خيال زي ما محمد أخويا  
بيقول ؟

- طبعاً كان موجود ليه ؟ .

- مدرس التاريخ مش بيحب سيرته .

- مدرس التاريخ مش بيدرسلك الزمن اللي كان فيه أبو زيد .

تعاجلها سلوي فخورة :

- أنا سألته قال إن ده كان في زمن الفاطميين وإحنا بندرس زمن الفراعنة يبقى هيجيب سيرته إزاي ؟

ينشغل الشيخ عن الحوار التاريخي الدائر بين الصغار والجد جود ويطيل النظر إلي عيون الحاجة التي تجلس على عتبة القاعة البحرية وتبتسم راضية ، رغم ثقته فيها وفي عفتها إلا أنه دائما ما يحاول التلصص علي نظراتها لابن خالتها ، الذي وهب نفسه للعائلة ولم يفكر يوماً في الزواج بامرأة أخرى رغم علمه بحب فردوس القديم له ، . هو يدرك مشاعر عبد الموجود نحوها ولكنه لم يغضب يوماً؛ فهي تحرص كل الحرص على إرضائه. أقامت له منزلاً عامراً بالخير والحب والأحفاد. دخلت منزله وهي صبية لم تتعد الثالثة عشر من عمرها. مضى نصف قرن من الزمان .لم تغضبه يوماً أو تقصّر في أمر من أموره. دائما مُدبرة ونشيطة ومثابرة على تحقيق ما يجعله يرفع رأسه بين الإخوان ورفاق الطريق. حين توفيت الحاجة كان الشيخ واقفاً كالجبل بين أبنائه. أقبل عبد الموجود نظر إليه نظرة لم يفهم مغزاها وقال له جملة وحيدة وانصرف. - خدتها حية وميتة.

انصرف دون أن يشيع جنازتها أو يقف بجانب ابن خالته وأبنائه . ناداه عمر والدموع في عينيه:

- تعال يا خال رايح فين؟

وقف ونظر إلي عمر وقال بصوت داعم:

- خلاص ما عادت الدنيا ينكي عليها.وما عاد لي حاجة وسطيكم .

ثم تحرك خطوتين قبل أن يستمع إلي صوت الشيخ قانلاً:

- تعال يا جود ماتمشيش دلوقتي ماينفعلش .

التفت مره ثانية نقل نظراته بين الشيخ وجدران المنزل التي شعر بها تبكي لرحيل دولت وقال والدموع تتساقط من عيونه:

- خلاص يا صالح مش هينفع آجي تاني هنا .

اختلفي عبد الموجود من البلد ولا أحد يعرف عنه شيئاً، وبين الحين والآخر يقسم

فلاح أنه رآه في المقابر يسقي الزرع، ويتسلق النخل يقطع الجريد الأخضر .

يوزعه على القبور ، ويختص قبرها بالجريد الأخضر وأعواد الريحان التي يداوم

علي رعايتها . وآخر يقسم أنه رآه في حقول القمح يقطف السبلات التي لم تجف

بعد، ويفرّكها في يده و يبدرها للطيور التي لا يعرف أحد كيف تتجمع بكل هذه

الأعداد في لحظات، وهو يداوم على فرك القمح و يبدره يميناً وشمالاً، ويقسم

مراكبي عجوز أنه رآه يقفز إلى النهر كشاب في العشرين لينقذ طفلاً صغيراً أفلت

من حجر أمه في عز القبالة، وقفز إلى الماء ليطفئ نار الصيف المحتدم هو

وأقرانه الصغار الذين بدعوا يصرخون حين وجدوه يغطس ويقب ولا أحد ينقذه

وإذا بعبد الموجود يأتي لا أحد يعلم من أين أتى في تلك اللحظة ويقفز إلى النهر

لينقذ الصغير .

شهور مضت ولا يسمع عنه أحد شيئاً سوى ما يرويه الناس من أفعال لا يعلق

عليها أحد سوى الصغار الذين دائما يتساءلون عن رجوع جدهم (جود) .

والآن الشيخ جالساً في القاعة البحرية يكمل ورده الليلي . يسمع تصايح الصغار وترحيب صباح بزائر لم يتبين اسمه . أراد الخروج للترحيب بالضيف . لعله أحد الرفاق جاء من سفر طويل . شعر بالرضا لوجود ضيف سيؤنس ليلته . وفضل البقاء حتى يُنهي ورده فعمر بالخارج ولا بد سيرحب به ويدخله ، لم يسمع بعدها صوت عمر أو صباح . سلم عليه عمر . احتضنه عبد الموجود دون كلمة ونظر إلي صباح وكأنه لا يراها ولما أسرعت إليه ميرفت لتلقي بنفسها عليه وتهلّل . جدي جود جه ، إزيك يا جدي ، كنت فين ؟

تركها تمسك بالفراغ وسأل عمر :

- فين أبوك يا عمر ؟

- إزي حالك يا خال غيبتك طالت .

- كله بأوان يا عمر ، فين أبوك يا بني ؟

- في القاعة بيصلي يا خال أدخله .

لم ينتبه صالح إلى الواقف بطوله في باب القاعة . يتصاعد ظلّه على الجدار في ضوء الفتديل ، ولكنه انتبه على صوت بكاء ونشيج مكتوم . نظر بذهول لذلك الذي يبكي في صمت وحاول التعرف عليه . لم يتبينه في شعره الثائر ولحيته الكثيفة .

أطال النظر لدقائق ولما لم يعرفه قرب المصباح المعلق في سقف الحجرة من وجهه ثم احتضنه بيد و الأخرى تمسك بالمصباح ، قبل وجهه ورأسه وبكى ، هو الذي ظل واقفاً كالجبل ساعة رحيلها . لم تبلل لحيته ولو دمعة وحيدة ، الآن يبكي كما الأطفال رغم أنه ظل متماسكاً ساعة وفاتها حتى أن من يراه ساعتها يقسم كأن من ماتت ليست زوجته ورفيقة عمره . ألقى عبد الموجود بجسده المتعب في حضن ابن خالته واستكان تماماً ، ولم يعد يسمع نشيجه المكتوم .

## الشيخ رحومة

صباح تزداد شبيهاً بالحاجة دولت ، صارت أمّاً لكل من يدخل المنزل . حتى تحية تعلمت كيف تمتص غضبها . تتجنب لسانها الحاد . صارت تتبع الخطوات التي رسمتها لها في رؤياها ليلة موتها ، نفس الرؤيا التي رآها الشيخ صالح وما نقص في رؤية الشيخ اكتمل في رؤية صباح . توطدت العلاقة بينها وبين عمرة الدار . صارت تفعل لها كل الطقوس اللازمة لجعل العلاقة يشوبها الرضا والسلام ؛ حتى لا

تؤدي أحداً من العائلة ؛ فالكل لن ينسى أذاها الذي ألحقته بعبد الرحيم رغم حبها للحاجة؛ صباح تحذر أبناءها دوماً من التطاول عليها. لا تترك زير الماء دون كوب . حين تشعل النار في الفرن تسمى الله وتقول (لموا عيالكم النار جيا لكم) .  
تحرص على ألا يلقي أحد الماء الساخن في الحمام. وهي توظفها في الفجر لتصلي. تحمي لها المتارد لتحلب فيها البهائم. سلوي التي كانت تسأل دائماً جدتها عن الصوت الذي تسمعه يناديها كبرت الآن وما عادت تسأل عن الصوت الذي تسمعه يوقظ أمها .

عبد الرحيم ارتبط أيضاً بصباح ارتباطه بأمه. صارت تعني به مثلما كانت تفعل الحاجة . استيقظ هذا الصباح نشيطاً ومرحاً على غير العادة. تفاعلت صباح خيراً بابتسامته. وضعت له الماء الساخن والملابس النظيفة في الحمام، وألحت عليه أن يدخل . وافقها ودخل وبعد الإفطار ذهب مع عمر إلى الغيط القبلي ليساعده في الري. حين عاد في المساء جلس بجانبها وهي تعد العشاء وحكى لها حلماً رآه حين نام في القبالة تحت الجميزة. ابتسمت له وقالت:

- خير يا عبد الرحيم

- تعرفي يا مرات أخويا أنا شفت أمة الحاجة

- شفتها إزاي؟!

- كانت قاعدة تحت شجرة تفاح وبتقطف وتوزع على عيال كثير. لما شافنتي

حبتني في خدي وملتلي حجري تفاح حلو قوى

- خير يا عبده دي نفسها تظمن عليك وعطية الميت حلوة .

- بس خدت مني أبويا الحاج وسبوني ومشيووا .ولما جريت وراهم صمموا

يرجعوني .

حين نطق بجملته أحست بسخم محمي يمر من فوق القلب .كادت أن تنط من فوق

الأرض من الألم ويهدوء وخوف قالت له وهي تظمنه وهي غير مطمئنة علي

الإطلاق:

- ماتخفش هيه عايزاك كويس وتساعد عمر في الغيط .

-ما أنا بساعده . تعرفي أنا اللي حولت الميه في الغيط كله. وكمان كنت بلف ورا

البقرة واضربها علشان تطلع ميه كثير.

استمعت إلي كلام الشيخ رحومة وهي ذاهلة ولا تعرف معني للحروف التي ترن

في أذنيها ولم تجد رداً حين سكت الشيخ الذي مده يده وهزها دون كلمة فقالت:

- ربنا يبارك فيك يا عبده .
- تعرفي السمك ده كله أنا اللي صدته لوحدي. كان فيه قرموط كبير في حوض الساقية كنت هصيده زي اللي صدناه زمان أنا والنضر وعمر فاكراه. بس يا خسارة هرب منى بسرعة
- لم ينتظر تعليقها على كلامه. تركها ، ودخل حجرة الحاجة النظيفة دائما . ألقى بجسده على السرير وتاه في عالم لا تتخيله صباح التي داخلها القلق والخوف العظيم من حلمه؛ فهي تراه بريئا كما الأطفال . ما يراه يُعدّ رؤيا لا بد ستتحقق . حين يأخذ الميت أحد الأحباء فهذه إشارة إلى وفاته قريبا . أخذت تفكر في موت الحاج الذي رآته كارثة بكل المقاييس، فهو عماد المنزل وملاذ الضعيف، ومساعد المحتاج . اطمأنت على أمور المنزل، وأطعمت الأطفال. تركت الشيخ يصلي في القاعة البحرية، وصعدت حجرتها. صارحت عمر بمخاوفها فقال لها :
- صلي علي النبي وسيبك من الكلام ده ، دي وسوسة شيطان .
- لا يا عمر عبد الرحيم بتاع ربنا والشيطان ملوش دعوة بأحلامه . دي أكيد رؤيا .
- خلتها أكيد كمان ، بظلي أنا مش ناقص عقل النسوان الفاضي .
- صدقني قلبي قالي .
- يا ستي الرؤيا بتكون قبل الفجر مش في عزالقيالة زي ما رحومة بيقول وبعدين وإن حصل هنعوش أمرربنا؟
- نامت وهي غير مقتنعة لأن الجميع يرى عبد الرحيم شبه ولي من أولياء الله. وما يراه إشارة للأحباء لا بد أن تؤخذ مأخذ الجد .
- في الصباح انشغلت بسلوي وميرفت الذاهبتين إلي الامتحان في المركز .نادت علي محمد ابنها الصغير أن يذهب إلي المقدس حنا ، سوف تركبان معه ويوصلهما لمدرسة المركز . عمر لا يطمئن عليهما إلا إذا ركبا مع المقدس الذي يناديه كل أحفاد الشيخ صالح بعمي حنا ، وبعدها أنستها أمور المنزل رؤيا الأمس التي شغلت فكرها ولم تتم بسببها طوال الليل . لم تلحظ تأخر الشيخ في النوم حتى فرشت الشمس وسط الدار. بعد خروج عمر وعبد الرحيم إلى الغيط. قررت أن توقظه، ولكنها سمعت الباب يدق، فتراجعت مندهشة من زائر الصباح الباكر هذا . كانت فاطمة تمسك بصالح الصغير من ذراعه . سحبت طفلها سريعا من فتحت الباب حتى كاد يقع بينهما وسألت في لهفة:



-أبويا فين يا صباح؟

- نايم. ما لك يا بت؟ بعدين ابعدى الواد من فتحة الباب الوقوف في الأعتاب وحش

- لغاية دلوقتي؟ ده عمره ما عملها .

تركتها تكمل كلامها واندفعت إلى حجرته. نادى عليه فلم يرد. صباح واقفة تمسك بيد الصغير الذي تيتم بدري وقلبها يكاد يفظ من صدرها. صرخت فاطمة. جسد والدها بارد. وضعت أذنها على صدره؛ فلم تسمع نفسه. ازداد صراخها. صارت تلطم خدودها وتمزق ملابسها ومن خلال صوتها المكتوم كانت تردد - كنت عارفة لما ضرسى الكبير انكسر يابا .

تهالكت صباح جالسة على عتبة الباب والصغير في حجرها، ودموعها تغطي وجهها وهي تقول:

- ياضهرك اللي انكسر يا عمر. الحمل ثقيل يا خويا . هتعمل إيه من غيره؟ حلم رحومة يابا .

- حلم إيه يا صباح أنا برضو إمبراح شفت ضرسى الكبير انكسر . حسيت إن فيه مصيبة جاية أول ما فتحت عينيا قلت أبويا .

كان أول من دفع الباب ودخل بعد صراخ فاطمة، وداد وبعدها تحية التي شاركت فاطمة في الصراخ والندب؛ فحماها وزوج خالتها طالما دافع عنها ومنع عنتر من ضربها، وخاصة بعد رحيل خالتها الحاجة دولت.

كانت صباح لا تشارك النساء في الصراخ والعويل؛ فالمنزل امتلأ بالنساء ولا بد أن تعتني بكل الأمور، وتبعث من يخبر الرجال في الغيط . كانت تلف حجرات المنزل تغلقها وهي تبكي. وتردد من خلال بكائها:

- لهفي عليك يا خويا. يا ضهرك اللي انكسر يا عمر.

كان الخبر قد وصل إلى الرجال في الغيط بعد دقائق من وفاته؛ فموت الشيخ صالح حدث غير عادي في البلد. تناقله الجميع بين مصدق ومكذب فمن يقول :

- أنا لسه مصلي وراه العشاء .

ومن يقول :

- لسه مسلم على وهو راجع من صلاة الفجر.

وأخري تقول :

- ده لسه مديني مصاريف اليتامى بالليل بعد العشاء .

وصل الخبر إلى أبنائه تركوا أعمالهم وعادوا بسرعة إلى المنزل. كان أول ما فعل عمر كعادته في مثل هذه الظروف أن يدخل النساء إلى الحجرات الخلفية للمنزل. يهدد من تندب أو تصرخ وخاصة تحية وفاطمة. وتفرغ هو وأخواه للإعداد للدفن، واستقبال الإخوان الذين سيحضرون من جميع الأنحاء لوداع والدهم؛ فالإخوان كانوا يعتبرونه الأب الروحي لهم جميعاً نظراً لنسبه الشريف إلى آل البيت، ولأنه أكبرهم سناً، ومنزله مفتوح لهم دائماً.

في هذا الموقف الذي لا يعرف فيه الواحد ماذا سيفعل في اللحظة المقبلة. في نفس الوقت الذي تذهل الأم عن رضيعها والذي يشفق فيه أشد الناس قسوة حين ينظر إلى وجه عمر وعنتر وعبد الرحيم في هذا الوقت شق عبد الموجود الجمع المحتشد ودخل على ابن خالته، حاول عنتر منعه إشفاقاً عليه. عمر أدخله. كان لابد من وداع أخير بين رجلين جمعتهما الحياة على حب نفس المرأة. أحدهما فاز بها والآخر اكتفى برعايتها وإشفاقها عليه. لم يتحدثا أبداً عن هذا الحب. المرة الوحيدة التي حدثه فيها بهذا الأمر ساعة وفاة الحاجة قال له: (خدتها حية وميتة) وانصرف وسط ذهول الأبناء الذين لم يخطر لهم على بال مثل هذا الأمر، دخل عليه حجرته. كشف الغطاء عن وجهه قال له:

- تعرف أنت فزت بيها

.....-

-بلغها سلامي

.....-

- جنة من غيركم ما تنداس

.....-

- يا رب اجمني بيهم ، أقولك علي حاجة كتير اتمنيتها ومرات أكثر لمت نفسي بس اللي كان مصبرني إني عمري مخذلتك ولا بصتلها بصة وحشة .

..... -

- تفكر قدام اللي لا يغفل ولا ينام هتسامحني ولا هتطالب بالقصاص مني علي ذنب أنا معملتوش ، القلوب سرها عند ربنا وأنا مكنتش أقدر أمنع قلبي .وبعدين أنا حبيتها بس وعمري ما عملت حاجة تغضب ربنا لا من وراك ولا قدامك .  
مال عليه قبله في خده وخرج. كان الرجال قد رسوا الكنب والدكك في ساحة الدار ؛ إلي أن يحضروا الصوان من المركز؛ فالعزاء سيكون مهيباً وسيحضر إليه

الرفاق من شتى أنحاء المحروسة ولا بد من صوان كبير يليق به . لم يمش عبد الموجود بضع خطوات تاركاً خلفه ابن خالته في حجرته حتي استند إلى التوتة التي تتوسط الدار، أسرع إليه عمر . سقط بين يديه ميتاً هكذا ببساطة دون أن يلفظ بكلمة أو يشير بإشارة. وصل الخبر إلى النساء الجالسات يبكين في صمت خوفاً من عمر الذي أقسم عليهن بأنه من يسمع صوتها تعدد سيضربها دون رحمة. حين وصل إليهن الخبر انتفضت تحية واقفة وبدأت تعدد بصوتها الذي علا حتى وصل إلى مسامع عمر الذي لم يجرؤ أن يدخل إليهن ويوبخهن، والخطب أكبر من طاقتهن وتهديده.

كوني شديدة واتحزمي بحزام

وحلقي ع النعش من قدام

التفت النساء حولها وهي تضرب صدرها بيديها القويتين وفاطمة تقف قبالتها في وسط حلقة النساء وترد عليها:

مشيع يقول سرير من بيتي

وأربع مساند ولحافهم زيتي

مشيع يقول سرير من عندي

وأربع مساند ولحافهم وردي

كانت صباح تمسك ابن فاطمة وتبكي . تنظر بين الحين والآخر ناحية عمر الذي تخشى حضوره في أية لحظة ليعنفهن ويمنعهن من الندب، ردت تحية على فاطمة التي أنهت عدودتها وأعقبتها بصراخ عنيف وباقي النساء ورائها:

قدام بيته ساقية وجنية

والعبيد يسوا غدا العيلة

قدام بيته ساقية نعارة

والعبيد يسوا غدا الرجالة .

حمل عمر جسد خاله الذي هاله مدى خفته كأنه يحمل بين يديه طفلاً صغيراً وأرقده بجانب الشيخ صالح، وخرج يضرب كفا على كف، ويردد لا إله إلا الله. نادى على محمد ابن أخيه عنتر وأمره أن يسرع بإحضار المغسل. انسل عبد الرحيم من الجمع وأمسك المصحف وجلس على رأس أبيه وخاله (جود) كما كان يحلو له أن يناديه، وأخذ يقرأ لهم سورة " يس بعد أن انتهى خرج إلى الرجال المرصوفين في ساحة الدار، نادى عمر قائلاً:

- يا عمر أسكت هؤلاء النسوة.

ذهل الجميع من طريقة كلام عبد الرحيم الصامت دائما ، الذاهل معظم الوقت فالتفت عمر إلي عنتر والنضر الذي حضر بمجرد وصول الخبر إليه من خلال تليفون جاره الحاج محمد العطار ، ولم يعلق أحد علي طريقة حديث عبد الرحيم . كان عبد الرحيم يعلم أن روح أبيه تحلق في عالم الملكوت، وترشف من رحيق المحبة الإلهية. فلقد بلغت الروح الذروة العليا، وانتقلت إلى المقام الأسمى رأى روحه تطير ومعها روح خاله (جود) فأراد أن يسكت أصوات النساء التي تعوقها عن مواصلة الطيران إلى حيث المقام العلي. كان يعرف للمرة الأولى في حياته أن الموقف يستحق الفرح لا الحزن.

كان صوت عبد الرحيم يشبه إلى حد بعيد صوت الشيخ صالح، بل كأنه هو ، وهذا ما زاد من ذهول عمر الذي هذه الهم والحزن. هو لا يسمع صوت عبد الرحيم بل صوت أبيه. عبد الرحيم يفيق بعد أكثر من عشرين عاما قضاها ذاهلا على هامش الحياة. لا يشارك فيها إلا قليلا. لأول مرة يتحدث بهذه اللهجة. لأول مرة يعطي أمرا لأحد. خرج عمر من ذهوله واتجه إلى النساء اللاتي يندبن ويعددن مناقب الكرم والشجاعة للراحلين العزيزين قال لهن بصوته الذي يملؤه الحزن والتصميم ووجه حديثه إلي فاطمة وتحية وفايزة :

- والله اللي هسمع صوتها هضربها ،

ثم وجه كلامه للنساء اللاتي قدمن للعزاء :

- وانتوا ياستي انتي وهيه اللي هتبكي تبكي في بيتها . كل واحدة منكوا بتبكي ميتينها فارحمونا .

. وضعت كل واحدة طرحتها على وجهها وخرجت،وهن يمصصن الشفاه

ويتعجبن من أبناء الشيخ وقالت إحادهن :

- هوه قليل علشان تعملوا كده ، هوه رخيص عليكم للدرجة دي ؟ ده الشيخ صالح وغلاوته في قلوبنا كلنا .

ونساء المنزل الكبير يجلسن تسح عيونهن في صمت . ينظرن للنساء الخارجات في ذهول من تصرفات عمر ولا يعلقن فقط بيكين في صمت .

حضر المغسل ليعد الراحلين للدفن. دخل معه عبد الرحيم هو الذي قام بتغسيلهما. ثم خرج لعمر يخبره أنه لا بد أن يدفنهما معا، هكذا اتحدت الأرواح فيجب كذلك أن تتحد الأجساد.

بعد الدفن تحول مآتم الشيخ صالح من البكاء والعيول وتعدد المناقب على السنة النساء إلى حلقة ذكر أقيمت في الصوان الذي بالغ عنتر في أن يكون كبيراً مهيباً ويضم عدداً كبيراً من الكراسي حتى يليق بمكانة والده. وبالطبع سيتحمل هو كل التكاليف فهو أكبر الأبناء سناً وأيسرهم حالاً. ولكن الحقيقة هي أن فاطمة هي التي صممت علي دفع كل المصاريف ولم يجد الرجال أختها بما فيهم الحاج نصر مفرا من الموافقة بعد أن هددتهم إنها لن تدخل لهم بيتاً أو حتي بيت أبيها ذاته إن أصر عنتر علي دفع التكاليف ولم يجد عمر أمام تصميمها إلا أن يوافق وبسط الأمور لعلّي الذي غضب وقال له :

- يعني إيه يا عمر هتخلي مره تقوم بدفن أبوك ؟

- عيب يا عنتر المرة دي أختك بت الشيخ صالح اللي طول عمره بيفخر بيها .  
رد النصر في تصميم :

- وماتنشاش يا أبو محمد إن فاطمة طول عمرها رافعة راسنا ،دي اترملت وعمرها ميكملش تمتاشر سنة . ربت عيالها ورفضت إنها تفرد طولها في طول راجل بعد المرحوم وحافظت علي شرفنا .

- بس عيب علي الشنبات لما تقوم هيه بالمصاريف .

رد عمر في غضب ظاهر علي أخيه الأكبر :

- يا أخي متوجعش دماغنا إن كان معاك قرش زيادة اعمل له سبيل ولا اكفل اليتامي اللي أبوك كان كافلهم .

- ده كلام مش محتاج تؤكد عليه طبعاً هعمله سبيل وهدق طرمبة علي راس كل غيظ لينا وخليك انت اليتامي اللي كان كافلهم وهمه طبعاً كثير .

كان عبد الرحيم يتحدث والإخوان يستمعون في نشوة وصفاء ؛ فالحجب السماوية تنزاح والأضواء الربانية تشع. تنقل الجالسين من حال القرب إلى حال الحب ثم

إلى حال سجود القلب. بين لهم - العائد منذ ليل ثلاثة من الانصهار الروحي

الساجد بقلبه لله - بين لهم السبيل إلى تطهير ساحة القلب من نزع الشياطين.

وعمر جالس بين الإخوان يستمع إليه ويتعلم منه هو الذي سهر على رعايته

دوماً. عنتر الذي يصلي الفرض بالكاد كان يجلس بينهم لا يطرف له رمش. تذكر

عمر آية من سورة النحل قرأها بصوت عال. هذه الآية جعلت الحاضرين يذوبون

شوقاً في الله " يلقي الروح من أمره على من يشاء من عباده "

النساء جالسات بالقرب من قاعة الذكر يبكين. كل واحدة منهن تفكر في تلك

السنين التي مضت وعبد الرحيم أمام أعينهن وكيف كن ينظرن إليه. صباح هي الوحيدة التي كان لديها تشوف لحالة عبد الرحيم دائما ما عاملته على أنه شبه ولي من أولياء الله. قد تأكد ما ظنته دائما.

في نهاية اليوم الثالث في العزاء وبعد أن رحل المعزون اجتمع أبناء الشيخ ونساؤهم وأحفاده في وسط الدار. استند عبد الرحيم بظهره إلى التوتة. سرح بنظره بعيداً قال عمر:

- أين كنت يا أخي طوال هذه السنين؟

- روي كانت ممسوكة في برزخ كالخط بين الظل والشمس.

- كيف وصلت إلى هذه المنزلة؟

- أراد الله ذلك. ففرغ قلبي له. أعرضت عن الأكوان فناءً في محبته. فررت من نفسي إليه هناك وجدت محبتي.

كان معظم الناس يعتقدون أن عمرة الدار الغضوب سلبته روحه في ساعة غضب من تطاوله عليها، لكن الحقيقة التي لا يعلمها أحد أن الشيخ صالح دخل قاعة الشيخ (على) ليعتبد ليلة الجمعة، كان أهل الخطوة - كعادتهم - مجتمعين فيها للصلاة يؤمهم الخضر عليه السلام بعد انقضاء الصلاة والذكر تركوا القاعة غارقة في نور رباني كما الشمس الساطعة . دخل الشيخ صالح يصلي الفجر في القاعة . سجد سجودا طويلا يجعل الناظر إليه يعتقد أنه فارق الحياة، وعلى عادة عبد الرحيم الذي كان يواظب على الصلاة وخاصة صلاة الفجر رغم صغر سنه . انسل من سريره ونزل ليتوضأ ويصلي وهو ابن السابعة التي تعداها بقليل . ، رأى النور يبين من أسفل باب القاعة. دخل . بهره الضوء الساطع. تعلق روحه بهذا الضوء. سجد بجانب أبيه وسمع صوتا يناديه (لقد سجد قلبك لله لا ترفع رأسك أبدا من سجده. ثبت قلبك على السجود ولا تسمح له أن يتقلب من حال إلى حال.) رفع رأسه من سجوده نظر إلى مصدر الصوت القادم إليه من الضوء الباهر. أنهى الشيخ صلاته فوجد ابنه بجانبه ذاهلاً شاخصاً ببصره ربت على كتفه. اعتقد أنه أنهى صلاته فقام وشده من يده حتى ينام في حجرته. قام عبد الرحيم معه ولم يحدث أحدا بهذا الأمر أبداً من يومها أصبح دائماً مع الله. دائم السجود. صفي الروح لم يكن يخرج من حالة سجوده تلك إلا المرات القليلة التي يجلس فيها بجانب الجد جود أو في اللحظات التي يحدث الحاجة عن صيده للسمك أو مساعدته لعمر .

ما زال عبد الرحيم يتكى على التوتة والجميع يستمع إليه في وجد سألته عمر:

- هل كنت تعي ما نعاني من أجل ذهولك يا أخي؟

- لي عشرون عاماً أكلم الله ، والناس تعتقد أنني أكلمهم. أو يعتقدون أنني أكلم الجنية التي أمسكت روعي .

كان الكل مشغولاً به وصباح تفكر في أمر آخر. هل سيمضي عبد الرحيم حياته الباقية دون زواج؟. حضرت في ذهنها كل بنات البلد تبحث عن واحدة تليق به لم تجد. احتارت وغرقت في فكرها ولم تسمع حديث عمر الذي يرتب مع عنتر أماكن مبيت الأخوان الذين سيحضرون من كل مكان في الخميس الأول .

حضر الأخوان وبدعوا يقرأون عديّة يس على روح الشيخ وابن خالته . عبد الرحيم بينهم يحدثهم عن المحبة الحقيقية التي يذهل فيها العبد عن نفسه. يتصل بربه. شريطة أن يقوم بأداء حقوقه. يعمل ويكد مثل باقي الناس . ينظر إلى الله بقلبه الذي تحرقه الأنوار الإلهية. بين لهم أن الولي الحق يجب أن ينكشف له الحق وتزال عنه أستار العين .

## لم تغفر يوماً موتها

تغيرت أحوال النضر بعد موت زبيدة، نار الفقد جعلته يموت موته الخاص بموتها. شوقه الشديد إليها والطابع الأخوي الذي طبع علاقته بابنة عمه ورفيقتة من شقاوة الشباب إلى ليالي القاهرة المضيئة بالوجد والحب لآل البيت، كل هذا جعله يوجه كل طاقاته للطريق. اتجه بمشاعره كلية إلى حب أسمى وعشق أعلى يفنى فيه. صار الملاذ لإخوانه في الطريق؛ فالرفاق يرونه امتداد الشيخ صالح في القاهرة، كما يرون أخاه عمر وعبد الرحيم امتداده في الصعيد؛ فالمنزل الكبير بعد

وفاة الشيخ صالح ظل عامراً بأنفاس الإخوان مضيئاً بنورهم الرباني .  
ابنتا زبيدة تولت تربيتهما أم أحمد، حزنت على موتها حزناً دفيناً لم تستطع أن تبوح به. منذ سنوات حين علمت بحملها وكانت جالسة تنقي الأرز استعداداً لليلة المولد وحين انطلقت زغرودة أمها لتشق الصمت والتوجس اللذين غلغا المكان. حين مالت زبيدة على أذن أمها لتخبرها بالخبر السعيد وحين قالت الأم (مبروك يا أم أحمد جاييلكم ضيف جديد) ساعتها تمنى فائزة أن تموت زبيدة بحملها الذي لا بد سيزيد من ارتباط النضر بها ، هل حقاً هي التي كانت جالسة هناك وضرتها تفرح قلب أمها بحملها هل حقاً هي التي تمنى موتها ، من الذي وضع كل هذا الحقد في قلبها هي الطيبة التي لم تؤذ أحداً عمرها ؟ لماذا تمنى موتها وهي التي تركت لها النضر بمحض إرادتها ؟ من يومها تشعر بالإثم لموتها ، هل مجرد أن نتمنى موت أحدهم يموت ، ما علاقة أمنية شريرة لامرأة موجهة بالموت ؟ حاولت تعويض ذلك الشعور بالعطف المبالغ فيه نحو البننتين اللتين كبرتتا وصارتا أشبه بأمهما. وربما هذا ما دفع النضر إلي أن يبتعد كلية عن أحوال المنزل، ورعاية الأبناء؛ فكلما نظر في عيونهما يشعر بنغزة في قلبه؛ فهما يذكرانه بالحببية الراحلة. مال أكثر للعزلة فلم يعد يجلس وسط عائلته بعد العشاء؛ يقرأ لهم ما ينتقي من الكتب التي تحفل بها مكتبته الصغيرة. صارت عادته المحببة إلى نفسه أن يتناول عشاءه ويخرج للصلاة في المقام النفيس ، ثم يذهب إلي أستاذه ووالد حبيبته الراحلة . يصعدان إلى أعلى حيث يتعبد الشيخ يتذاكران المصابيح المنيرة بحب الله ورسوله، ويقرآن في سيرة السالكين وطرق العارفين. وحين يهجع الكون ويهدأ صخب القاهرة - التي لا تنام -، يعود إلى منزله يدخل حجرة أحمد وزهير يقبلهما ثم يدخل إلى حجرة أم أحمد. يبتسم حين يراها تتوسط البننتين وتنام قريرة العين. يرتاح باله ويدخل إلى حجرته لينام ساعات قليلة قبل أن يستيقظ لصلاة الفجر.

تفرغ للعمل نهاراً والذكر ورعاية الأخوان ليلاً. كبر الأبناء بعيداً عن عيونه لم ينتبه لمرور السنين إلا حين تقدم شبابان للزواج من ابنتيه. وافق بعد أن قرأ الموافقة حين أرخت كل من البننتين رموشهما الطويلة، ولم تجب على سؤاله. داخله القلق والهم؛ فزواج بنتين في وقت واحد لا بد يحتاج إلى تدابير ستكون مكلفة عليه. هو الذي ينفق دخله وما يأتي من البلد علي أحبائه الله. اشترت لهما شوارهما من دكان الحاج عطية المرزوقي رفيق النضر في الطريقة .



استقبلها في دكانه في الغورية وأخرج لها البضاعة كلها وقال لها  
- والله يا حاجة أم أحمد البضاعة دي للحبائب بس، دي جاية وصاية من الوكالة  
الكبيرة علشان البنيتين لما سيدنا قالي إنك جاية .  
- تسلم وتعيش يا حاج عطية ماها بناتك برضو .

وتركت البنيتين اليتيمتين تختاران ما تريدان . وعدت الحاج عطية أن تدفع له ثمن  
الشوار بالتقسيط . وافق الرجل الذي يحفظ العيش والملح الذي أكله من يدها في  
ليالي المولد والذكر . وقفت أم زبيدة وفايزة تساندان بعضهما البعض في الفرح  
وبعد انتهاء الزفة علي خير قالت فايزة لأم زبيدة .

كانت آخر الأشياء التي أخذت من النضر البقية الباقية من روحه هو موت زهير  
ابنه الذي يصغر أحمد بثلاث سنوات، والذي أنهى خدمته العسكرية منذ قليل.  
أصابته حمى مفاجئة. ذهبوا به إلى كثير من الأطباء، ولا أحد يعرف على وجه  
الدقة أسباب هذا الارتفاع الشديد في درجة الحرارة. انتهى الأمر بالأطباء إلي أن  
سبب المرض حمى شوكية في المخ.

بعد طول ذهاب للأطباء استقر بهم الأمر أن يرقد على سرير في حجرة ضيقة في  
مستشفى الحميات، في إمبابة ، واجهت فايزة هذه المصيبة بإرادة صلبة لا تلين،  
وشجاعة نادرة يحтар الواحد فيها. لم تبك ولم تجزع، بل تضرعت إلى الله أن  
يقويها على هذا الامتحان، وجلست بجانبه على السرير تضع قطع الثلج في كيس  
من القماش وتمررها طوال الوقت على جبينه وذراعيه وساقيه اللتين تيبستا كأنه  
عجوز في السبعين، والنضر جالس على الكرسي المعدني البارد يردد تسيبحة  
وحيدة لا تنقطع " يا مغيث " . يستمد من نور ترتيلته الصبر على هذا البلاء، وأم  
أحمد ترفع رأسها عن ابنها الذي لا يفيق وتطبطن على ظهر النضر المتكوم  
بجانبها بين الحين والآخر وتقول:

-اصبر يا حاج ده اختبار للمؤمنين

يبتسم في إشفاق على هذه المرأة التي لا تسمح لنفسها بالضعف أو البكاء ، و  
يصمت . لم ترض أن يأكل ابنها أو زوجها من طعام المستشفى المختلط برائحة  
المطهرات والمخدر . تذهب كل يوم إلى المنزل تعد الطعام وتطعم الدجاج  
والإوزات، رغم أن البنيتين نور ورحمة كل واحدة عرضت أن تأتي لتجلس في  
البيت ترعاه حتي تعود ماما فايزة من المستشفى كما حرصت كل واحدة علي  
منداتها منذ أول كلمة نطقن بها إلا أنها تصر علي أن تعود كل يوم للمنزل ترعي

كل شيء بنفسها ، وتطمئن على أحمد الذي يجلس مكان والده في المكتبة، ثم تعود تظل بجانب ابنها حتى موعد انتهاء الزيارة، فتصرف لأن الأطباء رفضوا مبيتها بجانبه في عنبر الرجال.

قبل أن تستيقظ الطيور التي تسكن الشجرة التي تظل شباك عنبر الرجال في مستشفى الحميات تأتي أم أحمد ، تدس في يد عم حسين البواب جنيها؛ فيدخلها بمجرد حضورها. تفتح شباك العنبر وتدخل هواء الصباح المنعش، تطمئن على المرضى المجاورين لابنها وتعطيهم مما تحضره من طعام وفاكهة. تقبل رأس النضر وتطلب منه الانصراف، وتظل هي جالسة بجانب ابنها الذي لا تنزل حرارته أبداً. تغير له الملاءة وأكياس المخدات بأخرى نظيفة تحضرها من المنزل. تنظف له وجهه بقطعة قماش مغموسة في الماء. تفعل كل شيء وهي ممتلئة بالأمل في الشفاء، ينظر إليها النضر في حيرة. يلقي السلام وينصرف وهي تقضي يومها بين تلبية طلبات المرضى الذين لا أهل لهم ووضع الكمادات على رأس زهير. الأخوان والأصدقاء يتوافدون على العنبر لزيارة المريض الغالي. تلهج الأسنان بالدعاء، وتتمنى القلوب الشفاء، وأم أحمد جالسة تنظر في العيون دون تعليق وقلبها يؤمن علي دعواتهم ، ولكن مجيب الدعاء كان قد اختار ترتيباً آخر، فقد توفي زهير في ليلة صيفية طويلة ومقبضة لم تغمض فيها عينها ، وقبل الفجر بساعات كانت تدق باب المستشفى، فتح لها عم حسين ومن خلال رموشه التي لم تفق بعد من أثر حلم لذيذ يقول في تكاسل:

- خير يا أم أحمد هية الساعة كام؟

- معلى يا عم حسين قلقتك ، الفجر قرب يدن .

- ادخلي قبل ما حد من الدكاترة ياخذ باله

تتسلل إلى العنبر، وتدخل . تجد النضر جالسا على السجادة ينهي قيام الليل. جلست على السرير . وضعت يدها على رأس زهير كانت باردة تماما مثل قطع الثلج التي داومت على وضعها عليها لمدة أسبوعين. قلبها ارتعش خوفاً تأكد لها الحلم الغامض الذي رآته أول الليل . غطته بالملاءة البيضاء ووقفت في شباك العنبر تتفرس في الظلمة التي تحيط بالمبنى، وتفكر في مدى حسرة النضر؛ فللمرة الرابعة يفقد أحباءه. ترى ما الذي سيموت في روحه هذه المرة؟ بعد موت الشيخ صالح انكسرت روحه ولم يعد قادراً علي مواجهة الألم ، صار هشاً يصمت ويطول الصمت . لم يبق منه شيء. هل ستبكيه أم تبكي ابنها؟. هي لا تستطيع البكاء ولا

الصراخ في مثل هذا الوقت، ولكنها تظل لليال طويلاً تبكي وتعض على يديها وشفتيها ويخيل لمن يراها صامتة أنها صابرة. وتقدر على كتم انفعالها، ولكنها في الحقيقة كانت تحسد فاطمة وتحية على صراخهما وندبهما في موت الحاج والحاجة. هي التي جلست على عتبة القاعة البحرية لا تبكي ولا تصرخ فقط في ليالي وحدتها الطويلة تبكيهم جميعاً. يأتونها جميعاً في ليالي وحدتها . تحادثهم ، وتقرأ لهم ما تحفظ من آيات القرآن . تستمد من تشجيعهم لها العون والمدد ، وحين يفيض بقلبها الشوق إليهم تبكيهم . تحسد كل من يستطيع البكاء لحظتها . البكاء في وحدتها قاس . يحرق قلبها ويوجعه .

الراقد الآن علي السرير ابنها الذي أطعمته روحها وسقته قلبها، والجالس بجانب سريريه يختم صلاته زوجها الذي لم تعرف أحداً غيره في منزله تربت وهي بعد صغيرة ، ارتببت عيونها بعيونه ، رضاها برضاه ، تحملت نزواته ، صبرت علي زواجه بأخري ، هل سيصبر علي موت ابنه ، لو مات النضر كيف تواصل الحياة من غيره هل هي قادرة علي كتم دموعها وانفعالها من أجل النضر الذي هذه الحزن ؟ أم هل ستهرب دموعها مثلما هربت منها في موت كل الأحبة الذين فقدتهم ؟

بعد أن أنهى النضر تسايحه جلست بجانبه ويدها تحتضنان ظهره . تعجب من حالها واستدار بوجهه إليها . كانت عيونها تحمل نظرة لم يرها من قبل . تخلص من ذراعيها وقام مسرعاً إلي ابنه وجده جسداً بارداً غطاه وبدأ يذكر الله ويضع يده فوق رأسه ولم يلتفت إلي امرأته التي كانت جالسة علي الأرض في وضع توصل تمد يديها ولا تنطق

## فقط روحها المحاربة

صار النضر بعد وفاة زهير أكثر انكفاءً علي ذاته، وخرجت أم أحمد أكثر صلابة - رغم بكاها الطويل في ليالي وحدتها - روحها المحاربة التي جعلتها تتحمل النضر حين كان صديقاً لدياب، ولا هم له إلا جلسات المزاج والجري وراء النسوان هي نفس الروح التي جعلتها تتحمل النضر في حبه لزبيدة وزواجه منها. هذه الروح

هي التي جعلتها تتحمل الفقد وتسند ظهر زوجها وتحميه من حزنه الدفين الذي يأكل قلبه.

الأيام تمضي وأحمد يزداد شبهاً بعمه عمر ذي القلب العامر بحب الله والوجه الشفيف الذي يشعر حين تراه أنه أخوك أو أحد أقربانك. ألحت عليه فائزة حتى يتزوج ويطرد عناكب الحزن التي عششت في القلوب :

- يابني اتجوز هتفضل لأمته من غير جواز ؟

- إيه يامه الكلام ده ، جواز إيه هوه القلب خالي للكلام ده بعد اللي راح؟

- اللي راح عوضه علي الله يا بني ، ويمكن جوازك يعوضنا زهير من جديد .  
- مينفعش يامه .

- ليه يابني دي سنة الحياة ويمكن تطرد الحزن اللي عشش علي البيت بعد المرحوم ، الحزن بيجرجر حزن يا عين أمك .

وافق أحمد على الزواج من سامية ابنة عمه عنتر ، واعترض النضر على اختيارها ؛ سامية ابنة الفريضة وهي لا تطاق ولا تصلح أن تكون حماة لابنه الوحيد، أكدت له أن البنت لا تشبه تحية في شيء؛ هي المليحة الوجه واللسان حلوة الروح . قالت له:

-متخفش يا خويا البت كويسة وحنينة

- بس دي تربية تحية

-أبدأ . دي تربية صباح والحاجة الله يرحمها

-البت دايمًا تطلع لأمها

وافق أحمد على الزواج من سامية، وإن كان في قرارة نفسه كان يتمنى الزواج من شادية جارتهم التي أحبها في صمت، واكتفى منها بنظرات يملؤها الحب والحنان. لم يتجرأ يوماً أن تتخطى علاقتهما النظرات المتبادلة. كانت تنتظر في لهفة أن تنتهي حالة الحزن على أخيه الراحل ويتقدم لها، لكنها لم تصارحه يوماً بذلك فهي تدرك مدى الخجل الذي ينتابه. حين تذهب مع أمها لتساعد الحاجة فائزة في الإعداد للمولد تتعمد الوقوف في محيط عيونه ، ولكنه دائم الهرب منها ولما تذهب ولا تراه تبحث عنه ملهوفة وإن كانت تعرف أنها لن تفوز منه سوي بنظرة خجلة . حين يلمحها قادمة يفر هرباً من البيت وقلبه يذوب شوقاً . تمتنت للحظة أن يبادلها ولو جملة وحيدة. في المرات القليلة التي كانت تحضر فيها للمنزل و تعرف أنه في حجرته. تنطلق ضحكتها صافية مجلجلة وكأنها تود أن

تسمعه ضحكها وصوتها حين تطلق إحدى الجارات قفشة من قفشات النساء ذات المغزى الذي لا يخفى على أحد. يستمع إلى حديثها مع الجارات وهن يساعدن الحاجة في الإعداد للمولد. يحبس أنفاسه ويدعو الله مجتهدا ألا تناديه أمه لأمر من الأمور؛ فتعرف بوجوده في الداخل فتجلس خجلة صامتة، ويحرم من سماع صوتها وضحكاتهما. وهو لا يعرف أنها تتعمد الضحك والتعليق بصوت عال يصل إليه في حجرته. تمنى لو يصارح أباه بهذا الحب الصامت. لم يقدر كعادته. دائما يخجل أن يطلب أي شيء من أبيه، أو يحدثه كما كان يفعل زهير، فحين كان صغارا. كان يدفع زهيرا ليطلب من أبيه أي شيء يريدانه رغم أنه يكبره سناً إلا أن المرحوم كان أكثر جرأة. خفة روحه كانت تدفع الأب إلي الموافقة علي أي شيء. هل يستطيع الآن أن يقف أمامه ويقول له أريد أن أتزوج من شادية ولا أريد ابنة أخيك؟ من يعيد إليه زهير حتي يدعه يطلب من أبيه أن يزوجه ممن أحب؟. هل يقدر أن يحزن أباه؟ أما يكفيه كل هذا الحزن الذي جعله صامتا تماما. حتى الضحكة لا تخطر أبدا على شفثيه. حين سأله أبوه عن رأيه في سامية رد كما توقعت أمه تماما (اللي تشوفه يا با)

سامية زوجته صورة من أمه. لم تدخر وسعا في سبيل إرضائه. خلال عام ونصف تقريبا أنجبت له بنتين الكبرى (سنا) والصغرى (فايزة). شادية فقدت الأمل بزواجه الذي سبب لها صدمة جعلتها تقبل الزواج من أعز أصدقائه. كان صديقه يعلم بحبه لها. كان يشعر بما يدور بينهما من نظرات. حين تزوج أحمد من سامية. تقدم إليها وتزوجها. أنجبت منه ولدا وأسمته أحمد. لم يشعر زوجها بغصة من ابنه الذي حمل اسم صديقه. حين مرض زوجها ورقد في معهد الأورام، كان يذهب إليه، ويسانده، يحضر له أدويته التي لم تكن متوفرة في المعهد. لاحظ الألم في عيون صديقه؛ فقلل من ذهابه إليه. اكتفى بسؤال أمه عن أحواله. ولما مات وتركها هي وصغيرها. تعمدت أن تضغط على يده وهو يعزيها مما جعله يدوب خجلا وشوقا إليها، ولكنه تجنب النظر في عيونها هي التي كانت تنتظره حين يذهب إلي منزل والده في الحسين. كانت تنتظره وهو قادم وتنتظره وهو منصرف، وهو دائم الهرب من نظراتها. ماذا يفعل؟ هو لا يستطيع تحقيق حلمه القديم. لا يستطيع أن يغضب أم سنا. كيف يفر من نظراتها التي تحاصره؟. كيف يهرب من حبها الذي يسكن في أعماقه..؟ انتظرته خلف بابها الموارب. تجاهل ظلها الذي يبين في الضوء المتسرب من بيتها. نادى عليه

بصوت هامس. تجاهل نداءها، ولكنه لا يعرف كيف سيتجاهله في المرات القادمة

مر أسبوع وهو يعتمد ألا يذهب إلي والديه هرباً منها . محمد ابن عمه عنتر أتى من البلد قبل الذهاب لمركز التجنيد . ترك لأخته ما حملته أمه لها من طيور وزبد وجبن . يدرك أن الفريضة حينما سيعود في الإجازة القادمة لن تغفرها له وستسوّد عيشته كما صرح للحاج نضر وضكوا طويلا والحاج يحكي له عن تصرفاتها قديما قال له الحاج :

- إلا قولي يا واد يا محمد أمك لسه مغفرتة والحاج محمد راكبها .
- يعني هتعقل بتاع إيه ؟ دي كل ما بتكبر عقلها بيخف ومش لاقية دلوقتي غير مراتي تفش غلبها فيها ، مرات عمي صباح واترحمت منها بعد ما جابت التلات صبيان ، وكمان بقالها وضع ، وعمتي فاطمة دلوقتي مركز قوة بتجارتها يعني متقدرشي عليها ، يبقي مفيش قدامها غير مراتي .
- حد قلك اتجوز دلوقتي دانت يا بني لسه صغير مكملتش عشرين سنة .
- لا ياعمي عمري اتنين وعشرين سنة بس أنا اللي خدت تأجيل سنتين .
- دي البت أميرة قوي زي أمها ، ومن عيلة غلابه ملهمشي في المشاكل ولا الكلام ولا الحديث .

ضحكت فائزة وقالت لمحمد :

- طبعا اسأل عمك عن أمها أصلها من ضمن الحبايب القدام .
- إلا يا فائزة دي كانت طويلة ، فرسة ورقبتها زي كوز العسل .
- يا حاج اختشي انت بقيت جد ، دي سناء بنت أحمد مخطوبة يعني سنة كمان وتشوف تالت جيل ليك .
- يعني يا أختي أنا لوحدني ما انتي كمان كبرتني .
- ماتنكرش إني أنا أصغر منك بسنين أنا من دور فاطمة .
- ويعني فاطمة هيه اللي صغيرة ؟ ما الواد ابنها باسم الله ما شاء الله خلّص تعليمه وقرب كمان يخلص جيش .
- طيب بدمتك يا أبو أحمد أنا مش أنا لسه بخيري ولا الزمن عمل عمائله معاي ؟
- بصراحة انتي أجمد بكتير من أم البت مرات محمد هيه مراتك اسمها إيه يا وله ؟
- اسمها نادية يا عمي .

- وأما كان اسمها عزيزة كنا دائماً بنضحك معها وهي صغيرة ونقول لها يا حبيبة يونس ، وهيه تزعل وتجري ورائنا أنا وعمك دياب الله يرحمه بالطوب .
- فرحت فائزة مثل الأطفال من مزاح النضر لأول مرة منذ سنين يغازلها ويمزح معها . بعد موت الأحبة و آخرهم زهير كان النضر قد انكفأ علي ذاته . تعود إليه روحه المرححة . تشعر الآن أنه تعافي من أحزانه التي طالت . استبشرت بمحمد خيراً وطلبت منه أن يأتي إليهم إذا أخذ إجازة قصيرة يمضيها بصحبة عمه .
- وعدها محمد أن يأتي إليهم في أول إجازة وانصرف .
- حين اقترب من منزلها نظر في وجل يتمني أن يراها ، وفي نفس الوقت يخشي رؤيتها ، لمحها تجلس علي باب البيت تبيع العسلية والنداعة للصغار ، حين مر من أمامها ألقى عليها السلام وسأل عن أحمد الصغير ، سميته ، وأراد الدخول إلي منزلهم بسرعة قبل أن يعطيها الفرصة للحديث ولكنها بصوت ملهوف استوقفته . نظر إليها في ود وقال لها بعد أن سلم علي حماتها التي خرجت علي صوته :
- أمري يا أم أحمد .
- لأ هوه فيه أم أحمد غير الحاجة فائزة. ده لقب مانقدرشي عليه .
- ما انتي برضو أم أحمد أقال أقول إيه ؟
- في جراءة تعجب لها ، وعدم خوف من حماتها التي تقف بجانبها قالت له وهي تركز عيونها في عيونه :
- شادية زي زمان ولا نسيت اسمي .
- لأ إزاي مانسيتشي ولا حاجة بس أم أحمد نوع من الاحترام .
- ما علينا ناديني باللي انت عايزه بس قولي عايزة أقدم لأحمد في المدرسة اعمل إيه ؟
- هاتي شهادة الميلاد وأنا بكرة أروح المدرسة وأشوف إيه الطلبات .
- متشكرين يا ابني ما انت مطرح المرحوم اللي كان روحه فيك .
- أي خدمة يا حاجة ده ابني واسمه علي اسمي .لازم يتعلم ويطلع حاجة كبيرة إن شاء الله .
- تعمدت شادية أن تنظر إليه نظرة فيها حب وتحدي وتصميم ومدت يدها لتشكره ، خطف يده من يدها وانفلت إلي منزل أبيه الذي كان واقفاً في الشباك ينتظره حين لمح من بعيد .
- حين صعد السلم كانت فائزة بانتظاره علي الباب . أخبرها الأب الذي كان يراقب

- الموقف عن انتظار شادية له والمحادثة القصيرة التي انفلت علي إثرها الشيخ أحمد إلي داخل المنزل رحبت به الأم وقالت له :
- إيه يا أبو سناء شادية عايزة منك إيه .؟
- أبدا يا حاجة دي عايزة تقدم لابنها في المدرسة ؟
- طيب وماله يا حبيبي ما تروح لأقرب مدرسة في الدراسة وتقدم له وانت مالك ؟
- إيه يا حاجة مافيش داعي للقلق ده ، دي مرات صاحبي برضو والولد ده زي ابني .
- لا يا شيخ احمد ابعده عن السكة دي متكررش اللي عمله أبوك . سامية بنت عمك وشايلاك ، وبنتك سناء مخطوبة وفايزة خلاص داخله الإعدادية .
- وأنا عملت إيه؟ أنا بس بعطف علي العيل اليتيم . وأديني في حالي .
- لأ يا بني حماتها من كام يوم كانت عندنا ويظهر قلقانة من عمائل مرات ابنها وجاية تشوف رد فعلنا علي رسم شادية عليك .
- متخفيش يامه أنا عمري ما هظلم أم سناء .

## الشيخ أحمد

- عنف الشيخ أحمد الشاب الذي يصعد إليه بقصعة المونة على تكاسله، ثم وضع آخر طوبة في مكانها وقفز إلى الأرض. رفع بصره إلى الحائط المتسق دون ميل، ومرر إصبعيه على شنبه وقال في فخر ظاهر
- عين الحر ميزان شايف يا واد يا محمود .
- صفق الشاب بيديه وقال:
- يا سلام يا عم الشيخ ولا ميزان ميه ولا يحزنون
- بطل غلبة ولم الحاجة وخلينا نروح .
- عاود الشيخ أحمد النظر إلى الحائط المتسق وابتسم ابتسامة رضا ، ثم دب يده في جيب الصديري وأخرج من محفظته الجلدية خمسة جنيهاً وأعطاهم للشاب الذي رفض أخذها، ربت علي ظهر الشاب الذي يتمايل بجواره طوال الليل في حلقة الذكر، وقال له
- : خد دول بس علشان لو عايز تشتري لإخواتك فاكهة .
- لما تحاسب صاحب البيت يا سيدنا .
- معلش بكره الحساب يجمع ، خد دول مؤقتا .
- ثم ارتدى جلبابه النظيف وساعده الشاب في جمع عدته واتجه إلى المنزل الراقد



هناك في حضان الجبل في الدويقة.

فايزة وسناء في انتظاره على الباب. أسرعت فايزة لتحمل عنه العدة، كانت أم سناء قد أعدت له الحمام ووضعت الماورد في الماء الساخن. خرج من الحمام. جلس بملابسه الداخلية الناصعة البياض. تنحج ونادي علي أم سناء أن تأتي بالطعام. جلست البنتان بجانبه. اغتازت امرأته حين أخبرها أن الطعام الذي أكله في المنزل الذي يبنيه اليوم أجمل من طعامها، وأن المرأة التي أحضرت لهم الطعام فرصة جامحة. أقسمت بالله أنها لن تأكل. دخلت حجرتها غاضبة وجلست على السرير منتظرة مجيئه ليصالحها. هو يعرف تماما أنها في انتظاره، وأنها تتسمع لأدنى حركة يقوم بها. تعمد أن يتأخر قليلا ولكن سناء قالت له:

- علشان خاطري يا بابا قوم صالحها قبل ما تكبر في دماغها

- سيبها شوية وهيه هتيجي

- أنت عارفها. أدخلها علشان خاطري دي مكلتش من الصبح ومستنيك قام إليها وجرها من يدها وخبط بيده على مؤخرتها التي ما زالت بضة، ونطق بجملته التي تنتظرها دائما:

- لسه فيكي الخير يا أم سناء. هوه فيه زي نفسك في الأكل، أنت لسه بتغيري يا مره؟ بناتك علي وش جواز.

فرحت المرأة وضحكت من قلبها وقالت:

- آه يا خويا بغير ولا كبرت... وبعدين أنا هقعد علي يمينك ده مكاني.

تركت لها سناء مكانها؛ فهي تحب الجلوس على يمينه. وفايزة عن يساره أما سناء فهي ترضى كل الرضا بترك مكانها لأمها. بعد العشاء ارتدي جلبابه المزهر والمعلق بعناية على الشماعة خلف باب حجرة النوم. لف الشال على رأسه وتعطر بالمسك الذي يداوم على إحضاره من عم رجب بائع العطور في الحسين، وخرج، والمرأة تنظر إليه ولهانة وخائفة من كل مرة ينزل فيها إلي الحسين، قالت وجلة:

- سلم علي عمي والحاجة.. وتعالى بدري علشان الجبل بالليل متلبش.

- اتركها لله.

نزل من الجبل متمهلا في الشارع الطويل الذي ينتهي بالطريق العمومي ومنه إلى منشية ناصر ومن هناك يركب الميكروباص إلى حيث يسكن والده الحاج نضر بجوار الحسين. في الطريق كان يتفادى البرك الصغيرة التي تكونت أمام المنازل بسبب المجاري التي تطفح دائما. ينقل قدميه من حجر إلى حجر. لا يتوقف إلا أمام دكان الحاج محمد الذي أصرّ على أن يدخل ليشرب معه الشاي قال له:

- معلى رايح للحاج.

يضحك الحاج محمد ضحكة لها مغزى ويقول له:

-أيوه يا سيدي رايح للجو.

- بطل شقاوة واعقل أنا رايح للحاج زمان الذكر منصوب.

-اطلع من دول. يعني مش هتبص بصة على أم أحمد اللي رقتها زي كوز العسل والحلق أبو مراية يتمايل عليها؟

- والله أنت رايق يا حاج وأنا مش فايفلك ، ما تيجي تذكر لك شوية وتزيح هموم القلب

- وهوه الذكر يزيح الهم؟ لأ يا عم أنا قاعد على باب الدكان أتفرج على البنات العدالة هوه ده اللي يشيل الهم بصحيح

-أنت حاج أنت؟ أكيد حجيت ع الفرن علي رأي جدي صالح الله يرحمه .

- الله يرحم جدك يا أخي بس أنا مابحسش إني عايش غير لما أقعد كده وأتفرج علي الصبايا وهم رايحين جايين .يمكن أقدر أعلق مع واحدة ترجعلي شبابي اللي كلته بلدياتك ، البنات العدالة الفرجة عليهم ترد الروح . .

- أم محمود دي ست أميرة . وكويس إنها مستحملك والله لو واحدة من بتوع الدراسة ولا حتي الدويقة ماكنتش صبرت أبداً علي شقاوتك، دانت يا أخي زي العيل المراهق والست عارفة وصابرة .

- يعني يا أخويا في إيديها إيه؟ تقدر تطلقتي؟ خليها تروح للصعايدة بتوعها .

- كانت شورة غبرة ومعرفة طين تلاقي الست بتدعي علي الحاج نضر وعلي أمي سبب المعرفة .

- هيه تطول تكون تحت واحد زبي ، وبعدين متقدرش تجيب سيرة سيدنا ومرات سيدنا دا أنا أقطع رقبتها .

- يلا أسيبك علشان اتأخرت .

- يا عم خليك شوية . اشرب الشاي بس.

- يبقي لي شاي . سلام عليكم .

سار في طريقه ، ولم يرد علي مزاح الحاج محمد الذي اتخذه تكأة ليغازل فتاة تمر في تلك اللحظة ، كان محلقا في عالم آخر . كان يتمنى أن يراها . قلبه يحدثه أنها بانتظاره . على ناصية الشارع كانت شادية تجلس لتبيع للصغار الحلوى

والسوداني وحمص الشام . ابنها أحمد يلعب جوارها . حين رأته رمته بنظرة أصابت قلبه تماما، ثم أرخت رموشها الكحيلية في دلال ساحر . سار مرتبكا يتحاشى النظر في وجهها . الصغير رآه ، فترك الكرة . جرى إليه . احتضن ساقيه ، فمال الشيخ أحمد على رأسه قبلها .

أخرج محفظته، وأعطاه جنيها، قامت مسرعة ، وخلصت الصغير من حضنه وقالت :

- مايصحش كده مش كل ليلة .

ولم تنس وهي تخلص الصغير من حضنه أن تدع يدها تلمسه لمسات خفيفة اهتز لها جسده كله، وغاب لحظة ، وشعر كأن قدميه تطيران به . عاد إليها وهي واقفة جواره ، وما زالت تحتضن الصغير و تسدد سهامها في عينيه . لم تخش حمايتها الجالسة علي عتبة الباب ، ترقبها وتتملي في وجه الشيخ أحمد الذي يعكس انفعالات روحه . تمالك نفسه . سار إلى المنزل وهو يرتل الأدعية بصوت قصد أن يكون عالياً حتي يطرد طيفها الذي يملك روحه في تلك اللحظة . صعد السلم . سمعت صوته الحاجة فايضة . أسرعت إليه وألقت بنفسها عليه قبل رأسها ويديها . فلكزته في صدره وقالت له :

- أنت يا واد قاسي كده ليه .. من يومين ماطلتش علينا ، وإزي أم سناء والبنتين ؟

مال علي يديها يقبلهما وقال :

- بيبوسو إيدك يا حاجة .

- ربنا يسعدك يا ابني بالولد الصالح علشان يلبس العمامة من بعدك .

لما سمع أبوه صوته ترك الرجال الملتفين في حجرة الذكر . خرج إليه احتضنه ، ولف ذراعه حول جسده . دخل به على الذاكرين . ألبسه العمامة الخضراء ووضع على كتفيه شالا رُسم عليه سيف ومصحف ومكتوب تحتها لا إله إلا الله شيخ الطرق الصوفية. تعجب الشيخ أحمد من تصرف والده، ولكن الوالد لم يعطه فرصة للكلام ، بل قدمه إلى وسط الحلقة وطلب منه أن يقوم بالإنشاد. حاول أن يقدم والده ولكن الأب قال له سأردد وراءك حان الوقت لتدير أنت الحلقة. ارتجف الشيخ أحمد وهو يحكي لهم عن قاض في مدينة الإسكندرية كان يتعسف مع مريدي سيدي إبراهيم الدسوقي فأرسل إليه سيدي إبراهيم رسالة مكتوب فيها :

سهام الليل صائبة المرامي إذا وترت بأوتار الخشوع

يصوبها إلي المرمي رجال يطيلون السجود مع الركوع

بالسنة تهمهم في الدعاء وأجفان تفيض من الدموع

إذا أوترن ثم رمين سهماً فما يغني التحصن بالدروع

هلل الذاكرون وكبروا حين أكمل لهم حكاية القاضي الذي كان يُنكر علي المريدين أحوالهم ، ويضطهدهم باسم الدين ويتهمهم بالشعوذة . حين أكمل القاضي المنكر للأحوال رسالة إبراهيم الدسوقي خرج من الرسالة سهم اخترق صدره ، فخر ميتاً . تعجب السامعون من كرامات الأولياء ، وطلبوا من الشيخ أحمد أن ينشد لهم شعراً لأحد الأقطاب ، فأنشد أبياتا لابن الفارض والرجال يتمايلون على صوته الرخيم الذي يشبه إلى حد بعيد صوت والده. لم يقطع إنشاده إلا سقوط والده وارتطم جسده على الأرض.

كبر الذاكرون وقال أحدهم :

- لا إله إلا الله الحاج نضر طاف ، وخرج الريم من فمه.

توقف الذكر وانشغل هو والرجال في إفاقة والده. بعد أن أفاق انصرف الرجال ودخلت أمه تمسك بيدها كوبا من عصير الليمون ، وضعت ذراعها خلف رأسه وقربت الكوب من فمه. شرب العصير الطازج. نظر إليها بعطف . أراح رأسه علي ذراعها . استأذن أحمد والده في الانصراف . حاولت أمه أن تجعله ينام الليلة في المنزل لأنها قلقة على أبيه و عليه أن يعود إلى الجبل بعد أن تأخر الليل . طمأنها وقبل رأس أبيه وخرج من الحجرة. ضحك الأب ساخرا وقال بصوت واهن :

- ابنك ما يقدرش يبعد مؤخرته عن مؤخرة أم سناء ولو ليلة وحيدة، خبطته الحاجة في كتفه وقالت :

- ما تسيب الواد يا نضر . حَجَلْتَه يا ن ن عين أمه . مش كفاية سببت ركبنا وهربت دمنا .

- تفتكري ابنك يقدر يبعد عن أم سناء ليلة واحدة ؟
- ربنا يحنن قلبه عليها وبعدين هيطلع لمين ، من شابه أباه ما ظلم .
- الحكاية مش كده يابا . بس البنات في الجبل ومقدرش أسببهم يباتوا لوحدهم .
- البيت لسه مكملش دلوقتي يعتبر منط والصيع في المنطقة كثير .
- قلناك بيعه وتعال اشتر حتة هنا .
- ما أنت عارف سعر المتر في الحسين وصل أكثر من الألف إذا كان في المنشية وصل ألف يعني البيت وما فيه ميجبش خمسين متر هنا .
- حد قالك يا ابني سيب البيت ماهو كان سايعنا كلنا وخلص .
- يابا حبابينا كثير طول السنة ، الإخوان دايمًا في البيت شتي وصيف ، وأنا معايا بنتين ولازملهم كل واحدة أوضة ، وبعدين مش هنعیده تاني .
- انصرف النضر بوجهه إلي امرأته التي صار وجهها أصفر كما الليمونة ، وربت علي مؤخرتها وقال لها :
- اتخضيتي عليه يا فوز يا جميل ، وبعدين ماله أبوه طول عمرك ميتة فيه ولا شوية الأغمي دول هيخلوكي تعيدي نظر ؟
- طول عمرك مدوخني معاك لسه هعيد نظر بعد العمر ده كله .
- مدوخك معايا ولا مدوخك فيا . اعترفي يا أم أحمد .
- خجل الابن من كلام أبيه وانصرف وهو يضحك عليهما .تظهر في مخيلته التي لا تبدو بعيدة في تلك اللحظة صورة أبيه ، وعشقه لزبيدة الذي ملك عليه نفسه ، وزواجه منها ، دون خوف من الشيخ صالح . ابتسم لصبر هذه المرأة المناضلة والمكافحة دوماً من أجل الاحتفاظ به ، وردها لكثير من مكائد النسوان كما تردد دوماً من أجل سرقة رجلها منها . كانت أمه في تلك اللحظة تدعو له أن يرزقه بالولد الصالح حتى يرث العمامة الخضراء من بعده . نزل السلم متمهلاً وهو يتساءل في نفسه هل ما زالت في انتظاره أم أنها أغلقت بابها عليها هي وطفلها ونامت .
- أخرج رأسه من باب البيت ، فوجد ظلها يبين من وراء الباب ، نادته بصوت هامس . يجاهد نفسه تماماً حتى لا يلبي نداءها . أسرع من أمامها كأنه لم يسمعها . وفي الطريق لم يكن يسمع إلا صوت قلبه الذي يلومه على عدم إجابة نداءها . نظراتها تخترقه . كل ليلة يحلم بها . تأتيه في زينتها وتمد إليه يدها ، وهو لا يستطيع الاقتراب منها . الطريق يطول وهو ما زال يفكر فيها . اقترب من البيت ، لمح أم سناء تقف على سطح الدار في انتظاره . نزلت بسرعة . فتحت له الباب . تحتضنه بشوق كأنه غاب عنها دهرًا كاملاً . يحدق في عينيها ويلمح الخوف والحيرة فيهما فهي تعرف تماماً شغفه الذي يدفنه في قلبه . تعرف حبه لأم أحمد زوجة صديقه الذي أوصاه بها وبابنها . تحاول أن تداري خوفها . دون إرادة منها تنسال دمعات علي خديها ، يلمح الدموع . يشعر بخوفها ، ولكنه يفر بعينيه بعيدا . .
- قالت بصوت يملؤه الشجن :
- أخبار عمي ومرات عمي إيه ؟
- بعد يومين مولد الحسين والحاجة بتفكرك تروحيلها من بكره علشان تجهزوا

للحبايب .- كل سنة وأنت طيب أكيد الجماعة جيين بكره من الصعيد .  
- عمي عمر و أولاده ومرات عمك صباح جاينين أكيد .  
- لو أبويا وأمي يعملوها مره وييجوا ؟  
- عمي عنتر أكيد مش فاضي ومش معقول مرات عمي تحية هتيجي لوحدها .  
- طيب كانت تيجي مره تسأل علي هيه ولا أبويا .  
- محمد أخوكي لسه جبيلك شي وشويات من خير أبوكي وبعدين ما أنا أخوكي  
وأبوكي ولا أنا مش كفاية ؟  
تبتسم في امتنان، و تبعد وجهها عن وجهه وتداري الدموع التي غافلتها ونزلت  
على خديها. يضمها إليه ويحاول أن يطمئنها وأن يبعد الشكوك عن قلبها . ربّت  
على ظهرها . ضغط على جسدها بذراعيه ودخلا إلى الحجرة . دفنت رأسها في  
حضنه ونامت. كان صوت أم أحمد مازال يتردد داخله وهو يفكر إلي متي سيظل  
قادرا علي الهروب، وهل يكفي ولاؤه لابنة عمه أن يجعله قادراً علي الفرار من  
امرأة تمناها طويلا وراح يتذكر ترده الدائم الذي جعلها تضيع من يده من قبل ؟  
وللمرة الأولى خرج السؤال من قلبه وارتسم علي صفحة الهواء أمامه. هل  
يستطيع التضحية بها من جديد ؟

هويدا صالح  
القاهرة  
2003